

ዮሃንስ ፃኣፔ ጎዳ ዩሱስ ኪሪስቶስ ዛሎ ኮዥ ሃይሶ ዓይያ ካሮ

ዮሃንስ ፃኣፔ ኮዥ ሃይሳ ዩሱስ ዛሎ ኬኤዛሢ፡- ዩሱስ ዓሲ ማዒ ዓሶ ባኣካ ጴዴያ፣ ናንጊና ናንጋ ያኦሲ ቃኣላኬ ጌይኬ፤ ማፃኣፔላ ኬኤዛ ጎይያና ሃና ኮዥ ሃይሳ ፃኣፔንቴሢ ዩሱስ ጴኤሻ ማዒ ሙካንዳኔ ጌይንቴ፣ ያኦሲ ናዓሢ ማዕሢ ናባባ ዓሳ ጉሙርቃንዳጉዲና ዒዛ ጉሙርቂያና ናንጊና ናንጊ ዔያቶም ዓኣሢ ዔራንዳጉዲኬ (20:31)።

ሃና ኮዥ ሃይሶኮ ዓይያይዳ ናንጊና ናንጋያ ማዕ ያኦሲ ቃኣሎና ዩሱሴና ፔቴ ማዕሢ ዓይሢ ካራ ማሂ ኬኤዛያ፡ ዩሱስ ጴኤሻ ማዒ ሙካንዳኔ ጌይንቴ ያኣዛሢ ናያ ማዒያ ዔርዛ ዲማ ዲማ ያኦሲ ዎልቆና ማዲንታ ዓኪ ባኣዚ ኬኤዛኔ፤ ዩካፓ ዩንሢ ያኦሲ ዎልቆና ማዲንታ ዲቃሢ ባኮንሢ ዛሎና ዓይጎ ባኣዚ ጴዴቶዎ ዔርዛ ሃይሴ ዓኣኔ፤ ዩና ዓይጎዳይ ጌዔቴ፡- ፔቴ ፔቴ ዓሳ ዩሱስ ጉሙርቂ፣ ዒዛ ዓሲ ማዕሢ፤ ዓቴ ዓሳ ሃሢ ዎማይዲ ዒዒ ዒዛ ኑ ጉሙርቃዓ ጌዔያ ማዕቴያ ኬኤዛኔ፤ ዓይሢ 13—17 ዩሱስ ዓርቂንቴ ዎንቴሎ ጊንያ ሃንታዞንሢና ዎላ ዎዚጉዴ ፔቴሞ ዒዛኮ ዓኣያታቶ ጊንሢ ሃሢ ሱዒንቶሮ ዒ ዑኬ ዎደና ጊኢጊንቲሢና ደዲሺሢና ቃኣላ ዔያቶም ኬኤዛሢ ኬኤዛኔ። ጋፒንያ ዓይያንሢ፡- ዩሱስኮ ዓርቂንቲያና ዎጎም ሺኢኪያ፤ ሱዒንቶና ሃይባፓ ዔቂያ ዛሎ ሃሢ ሃይባፓ ዔቂሰካፓ ዒዛ ጊንያ ሃንታ ናኣቶም ዒ ጴዴሢ ዛሎ ኬኤዛያኬ።

ዮሃንስ ኮሺ ዔርዛኒ ኮዔሢ፡- ኪሪስቶስ ዛሎና ጴዳ ናንጊና ናንጎ ዛሎኬ፤ ዩይ ያኦሲ ኮሹሞና ዒንጊንቲ ጴዳ ናንጊና ናንጎ ዓርቃሢ ሃሢፓ ማዓዛ ዩኖ ናንጎ ዴንቃኒ ዳንዳዓዞንሢ ዩሱስ ጎይሢ፣ ጎኑሞ ሃሢ ሹምፔ ዒንጋያ ማዕሢ ዔሬዞንሢ፤ ዮሃንስ ፃኣፔ ኮዥ ሃይሶ ሃንጎዎቶይዳፓ ዲማሳሢ ዓያኖ ዛሎና ዓኣ ጎኑሞ ዔርዛኒ ዓሲም ዔርታያና ቢያ ዎዴ ዛጎ ባኣዚ ጌይያ፡- ዎኣሢ፣ ካሢ፣ ፖዒ፣ ቆልሞ ሄንቃ ዓሲ፣ ማራይ፣ ዎይኔ ጎያ ሚያ ዓኣፖ፤ ዩያጉዴ ባኮ ማላታ ማሢ ሺኢሺያኬ።

ማፃኣፔላ ዲማ ዲማ ዓርቂ ባኮ
ዓይያ ካሮ (1:1-18)

ማሰካ የሃኒሴና ቤርታዲ ዩሱሴኮ ጊንጾ ሃንታያ ማዔዘንሢ (1:19-51)

ዩሱሴኮ ማዶና ዓሶ ቤርታ ፔጋዲያ (2:1—12:50)

ጋፒንጾ ኬሎና ዩሩሳላሜ ዓጮ ኮይላ ማዲንቴ ባኮ (13:1—19:42)

ጎዳኮ ሃይባፓ ዔቂጾና ሸምፔና ዓኣያ ማዒ ዴዲያ (20:1-31)

ሸምፔና ዓኣያ ማዒ ጌለላይዳ ዴዲ ዒንጌ ሃዳር (21:1-25)

ናንጊ ቃኣላ

1 ቢያ ማዢንቴ ባኮኮ ቤርታ ቃኣላ ዓኣኔ፤ ዩይ ቃኣላ ጾኦሲና ዎላ ፔቴኬ፤ ዩይ ቃኣላኣ ጾኦሲኬ።

2 ዩይ ቤርታዲ ጾኦሲና ዎላ ዓኣኔ።

3 ቢያ ባኣዚ ዒዛና ማዢንቴ፤ ማዢንቴ ባኮይዳፓ ቢያ ፔቴ ባኣዚታጾ ዒዛናቴዎጾ ማዢንቴ ባኣዚ ባኣሴ።

4 ዒዛና ናንጊ ዓኣኔ፤ ዩና ናንጌላኣ ዓሲኮ ፖዒኬ።

5 ፖዒ ዲሚና ፖፖዒ፤ ዲሚ ፖዒ ፔቴታጾ ባሹዎሴ።

6 ጾኦሲዳፓ ዳከንቴ፣ የሃኒሴ ጌይንታ ፔቴ ዓሲሰኬይ ዓኣኔ፤

7 ዩያ ዓሢኮ ማርካዲያና ዓሲ ቢያ ዩሱሴ ጉሙርቃንዳጉዲ ፖጾ ዛሎ ማርካዲያ ማዒ ሙከኔ።

8 ዒዚ ፖጾ ዛሎ ማርካዲኒ ሙካንዳኣፓዓቴም ዒ ፔ ቶኦኪና ፖዒቴዎሴ።

9 ዓሲም ቢያ ፖዒ ፖዒ ጎኔ * ፖዒ ዓጮ ሙካኔ።

10 ዩይ ፖዒሢ፡- ቤርታ ዓጮይዳ ዓኣያኬ፤ ዓጮ ማዢንቴሢያ ዒዛናኬ፤ ዓጮ ጋዓንቴ ዒዛ ዔሪባኣሴ።

11 ዒዚ ፔኤኮ ጻጶ ባንሢ ሙካዛ ጻጶ ዒዛኮ ጋዓንቴ ዒዛ ጎኔኬ ጌይ ዔከባኣሴ።

12 ያዲ ማዔያታቴያ ዒዛ ጎናሲ ዔኬዘንሢያና ዒዛኮ ሱንጾ ጉሙርቃዘንሢያም ጾኦሲ ናይ ማዓንዳ ቢታንቶ ዒንጌኔ።

13 ዔያታ ጾኦሲዳፓ ሸይንቴያፓዓቴም ዓሲ ዜርሢዳፓ፤ ጌይ፡- ዓሲ ማላሢና ዓዶና ዒንዶናፓ ሸይንቴባኣሴ።

14 ዩይ ቃኣላ ዓሲ ማዔኔ፤ ጾኦሲኮ ኮሹዎ ዒንጊያና ጎኑሞና ከሙሢ ማዒ ኑ ጊዳ ዒ ናንጌኔ፤ ፔቴ ናዓሢ ፔኤኮ ዓዶ ኮራ ዓኣ ቦንቺንቶጉይያ ማዔ ቦንቺንቶ ዒዛኮ ኑ ዛጌኔ።

1:6 ማቴ. 3:1፤ ማር. 1:4፤ ሉቃ. 3:1-2። * 1:9 ጎኔ፡- ጌይ፡ ሉኡዚቴዎሴ ጌይሢ ሉሊቴዎንቴ ጾኦሲኮ ጎኑሞ ፔጋሲ ዔርዛያኬ (የሃ. 14:6)።

15 ዮሀንሴ:- «ታኣኮ ጊንፆ ሙካንዳሢ ታ ጊዳፓ ባሻያኩ፤ ታኣኮ ቤርታ ዒ ዓኣኔ ጌዒ ታ ዒንሢሞ ከኤዜሢያ ሃያኩ!» ጌዒ ዒላቲ ከኤዜኔ።

16 ዒዛኮ ሚርጌ ኮሹሞ ዒንጊይይዳፓ ኮሹሞ ዒንጊሢ ኦሞ ቃሲንቲ ቃሲንቲ ዒንጊንቲ።

17 ያኣሲ ሙሴ ዛሎና ቤርታ ዎጌ ኦሞ ዒንጌኔ፤ ጋዓንቲ ያኣሲ ኮሹሞ ዒንጊይና ጎኦሞና ዬሱሰ ኪሪሰቶሴ ዛሎና ኦሞ ሙኬኔ።

18 ያኣሲ ዛጌይ ፔቲታፆ ያኣሲያ ባኣሴ፤ ማዔቲያ ዓዶ ኮራ ዓኣ ዒዛኮ ፔቲ ናዓሢ ማዔ፣ ጎዳሢ ፔጋሲ ዒዛ ዔርዘኔ።

ማሰካ ዮሀንሴኮ ማርካዲያ

(ማቲ. 3:1-12፤ ማር. 1:1-8፤ ሉቃ. 3:1-18)

19 ዓይሁዶ ዓሶ ዎይሢ ዓሳ ዬሩሳላሜይይዳፓ ቄኤሶና ሌዊ ዓሶናይዳፓ ዮሀንሴ ኮራ ዳኪ:- «ኔ ያናዳይ?» ጌዒ ያኣጩሴ።

20 ዮሀንሴያ:- «ታኣኒ ሜሲሄቱዋሴ» ጌዒ ማርካዲያፓዓቲሞ ሉኡቂ ከኤዚባኣሴ።

21 ዔያታ:- «ሂዳዎ ኔ ያናዳይ? ኔ ዔኤሊያሴዳ?» ጌዒ ዒዛ ያኣጩዛ፣ ዒዚ:- «ታ ዒዛቱዋሴ» ጌይ ማሄኔ፤ ዔያታ:- «*ሙካንዳኔ*» ጌይንቲ፣ ያኣሲ ማሊያ ከኤዛሢ ኔናዳ?» ጌዔኔ።

ዒዚያ:- «ታናቱዋሴ» ጌዔኔ።

22 ጋፒንፆይዳ ዔያታ:- «ሂዳዎ ኔ ያናዳይ? ኦና ዳኬ ዓሶሞ ማሂ ኦ ከኤዛንዳፒዲ፣ ኔ ኔ ዛሎ ዎዚ ጋዓይ?» ዒዛሞ ጌዔኔ።

23 ዒዚያ ዔያቶሞ ማሃዎ:- «ያኣሲ ማሊያ ከኤዛ ዒሲያሴ ዛሎና:-

ያኣሲኮ ጎይፆ ፒዚሱዋቲ» ጌዒ ጌዒ

ዓሲ ናንጉዎ ዳውሎይዳ ዒላታ ዓሲ ዑኡሲ ጌይንቲሢ ታናኬ» ጌዔኔ።

24 ዳኪንቲ ፔርሴ ዓሶይዳፓ ፔቲ ፔቲዘንሢ:-

25 «ኔኤኒ ሜሲሄ ሃሢ ዔኤሊያሴ፤ ጊንሢ ሃሢ *ሙካንዳኔ* ጌይንቲ ያኣሲ ማሊያ ከኤዛሢ ማዒባኣቲ ሂዳዎ ኔ ዓይጎር ዋኣዎና ማሰካይ?» ጌይ ዒዛ ያኣጩኔ።

26 ዮሀንሴ ማሃዎ:- «ታኣኒ ማሰካሢ ዋኣሢናኩ፤ ጋዓንቲ ዒንሢ ዔሩዋይ፣ ዒንሢሢን ባኣካ ሃሢ ዒቂ ዓኣኔ።

27 ታኣኮ ጊንፆፓ ሙካንዳሢ ዒዛኩ፤ ታኣኒ ዒዛኮ ዱርዘ ቱኮ ሱዞ ቡላኒታፆ ኮይሱዋያኩ» ጌዔኔ።

28 ዬይ ቢያ ማዔሢ ዮሀንሴ ዋኣዎና ማሰካ ቤዘ፣ ቢታኒያይዳኩ፤ ቢታኒያ ጌይንታዛ:- ዮርዳኖሴ ዎር ሱካ ዓኣ ካታማኬ።

ያኦሲ ማራይ

29 ዚሮ ጉቴሎ ዮሀንስ ዒዛ ባንሢ ዬሱሴ ሙካንቴ ዛጋዖ፡- «ሃይሾ ዓሶኮ ጎሞ ጌኤሻንዳ ያኦሲ ማራዓሢ ሃያኬ!

30 ታኣኮ ጊንፃፓ ሙካንዳሢ ታ ጊዳፓ ባሼኬ፤ ዒ ታኣኮ ቤርታ ዓኣያኬ» ታ ዒንሢሞ ጌዔሢ ሃያኬ።

31 ታኣኢያ ታ ቶኣኪና ዒዛ ቤርታ ዔሩሞቤ፤ ጋዓንቴ ዒዚ ዒሰራዔኤሌ ዳሮሞ ፔጋዲ ዔርታንዳጉዲ ታኣኒ ዋኣዖና ማሰኪ ማሰኪ ሙኬኔ» ጌዔኔ።

32 ሄሊባዖ ዮሀንሴ፡- «ዓያና ጌኤሻ ጫሪንቺዳፓ ዶኦሌ ኬዳያጉዲ ዒዛይዳ ኬዲ ዳዓንቴ ታ ዛጌኔ፤

33 ታ ታ ቶኣኪና ቤርታዲ ዒዛ ዔሪባኣሴ፤ ጋዓንቴ ዋኣዖና ታ ማሰካንዳጉዲ ታና ዳኬሢ፡- «ዓያኖ ጌኤዛ ኬዲ ዒዛ ዑፃ ዳዓንቴ ኔ ዛጋንዳሢ ሃሃ ዓያኖ ጌኤዛናኣ ማሰካንዳሢ ዒዛኬ» ታኣሞ ጌዔኔ።

34 ታኣኢያ ዬያ ዛጌኔ፤ ዬያሮ ዒዚ ያኦሲ ናይታሢ ታ ማርካዳኔ» ጌዔኔ።

ቤርታዲ ዬሱሴኮ ጊንዖ ሃንቲዘንሢ

35 ዚሮ ጉቴሎ ዮሀንሴ ላሞዖ ዒዛኮ ጊንዖ ሃንታዘንሢና ዎላ ዒኣካ ዔቂ ዓኣዖ፡-

36 ዬሱሴ ዒኣና ዓኣዳንቴ ዛጊ፡- «ሃይሾ ያኦሲኮ ማራዓሢ!» ጌዔኔ።

37 ላሞዖ ዮሀንሴኮ ጊንዖ ሃንታዘንሢ ዮሀንሴ ዬያ ጋዓሢ ዎይዛዖ ዬሱሴ ጊንዖ ዓኣዳኔ።

38 ዬሱሴ ዔያታ ዒዛ ጊንዖ ሙካሢ ሺሪ ዛጋዖ፡- «ዓይጎ ዒንሢ ኮዓይ?» ጋዓዛ፤ ዔያታ፡- «ሬቢ! ኔኤኒ ናንጋሢ ዓንካዳይ?» ጌዔኔ። [ሬቢ ጌይፃ፡- ዔብሪ ዓሶ ሙኤጮና «ዔርዛሢ» ጌይሢኬ።]

39 ዒዚያ፡- «ሃኒ ሙኪ ዛጉዎቴ» ዔያቶሞ ጌዔኔ፤ ዒማና ዓባ ኬዳያኬ። ዬያሮ ዔያታ ዓኣዲ ዒዚ ዎካ ናንጋቴያ ዛጌኔ። ዬኖ ኬሎ ዒዛና ዎላ ዳንዲ ዓባ ጌላንዳያ ሄላንዳኣና ዔያታ ፔኤቄ።

40 ዮሀንሴ ጌዔሢ ዎይዚ ዬሱሴ ጊንዖ ዓኣዳ፤ ጊንዖ ሃንታዘንሢፓ ፔቴሢ ሲሞኦኔ ጌይንታ ጳዲሮሴኮ ጌርሲ ዒንዲራሴኬ።

41 ዒንዲራሴ ቤርታዲ ፔኤኮ ጌርሲ ሲሞኦኔ ኮራ ዓኣዳዖ፡- «ኑኤኒ ሜሲሄ ዳንቄንቴሞ!» ጌዔኔ። [ሜሲሄ ጌይፃ፡- ካኣቲሞም ዶኣሚ ዓርቆናያ ጌይሢኬ።]

42 ዬካፓ ዒንዲራሴ ፔኤኮ ጌርሲ ሲሞኦኔ ዬሱሴ ኮራ ዔኪ ሙኬኔ።

ዩሱሴ ዲማና ዲዛ ገዥ ገይ ዛጋያ፡- «ኔኔኒ ዮና ናዓሢ ሲሞኑኔ ጎሮሃኔ፤ ሃይፓ ሴካ ጋዓንቴ ኔ ኬፓ ገይንታንዳኔ» ገዔኔ። [ኬፓ ገይያ፡- ዔብሪ ዓሶ ሙኡቸና «ላሌ» ገይሢኩ።]

ዩሱሴኮ ፒልጶሴና ናቲናዔኤሌና ዔኤሊያ

43 ዚሮ ጉቴሎ ዩሱሴ ገሊላ ዓኣዲያ ፒልጶሴ ጎሮሃ ዳንቁ፡- «ታ ጊንያ ሙኩ» ገዔኔ።

44 ፒልጶሴያ ዲንዲራሴና ጳዔሮሴናጉዲ ቤቴሳይዳ ገይንታ ካታሜሎይዳ ናንጋ ዓሲኩ።

45 ፒልጶሴ ናቲናዔኤሌ ጎሮሃ ዳንቃያ፡- «ሙሴ ዔርዘ ዎጎ ማፃኣፖይዳ ሃሃ ያኣሲ ማሊያ ኬኤዛ ዓሶ ማፃኣፖይዳ ዲዛ ዛሎ ፃኣፒንቴሢ፤ ዮሴፔ ናዓሢ፤ ናዚሬቶ ዓጮ ዓሢ ዩሱሴ ኑ ዳንቁኔ» ዲዛሞ ገዔኔ።

46 ናቲናዔኤሌ ጋዓንቴ ማሃያ፡- «ናዚሬቴ ዓጮይዳፓ ኮሺ ባኣዚ ጴዳኒ ዳንዳዓያዳ?» ጋዓዛ፤ ፒልጶሴ፡- «ሂንዳ ሙኩ ዛገ» ዲዛሞ ገዔኔ።

47 ዩሱሴ ናቲናዔኤሌ ዲዛ ባንሢ ሙካንቴ ዛጋያ፡- «ሃይሾ ፑርቱሞባኣ፤ ጎኔ ዲሲራዔኤሌ ዓሲ!» ገዒ ዲዛ ዛሎ ኬኤዘኔ።

48 ናቲናዔኤሌ፡- «ኔ ታና ዎዲ ዔሬይ?» ጋዓዛ፤ ዩሱሴ ማሃያ፡- «ፒልጶሴ ኔና ዔኤላንዳሢኮ ቤርታ ቤሌሶ ሚጻሎ ዳማ ዳዒ ዓኣንቴ ታ ኔና ዳንቁኔ» ገዔኔ።

49 ዩማና ናቲናዔኤሌ፡- «ዔርዛሢያ! ኔኔኒ ያኣሲ ናይኬ! ሃሃ ኔኔኒ ዲሲራዔኤሌ ዓሶኮ ካኣቲኩ!» ገዔኔ።

50 ዩሱሴ ዲዛሞ፡- «ኔኔኒ ጎኔኬ ገዔሢ «ቤሌሶ ሚጻሎ ዳማ ታ ኔና ዛገኔ» ታ ኔኤሞ ገዔሢሮዳ? ዩያፓ ባሺ ባኣዚ ኔ ሃጊ ዛጋንዳኔ።

51 ጎኔ ታ ዲንሢሞ ጋዓኔ፡- ጫሪንቺ ቡሊንቴ ያኣሲኮ ከኢታንቻ ዓሲኮ ናዓሢ ዑፃ ኬዲ ኬሰካንቴ ዲንሢ ዛጋንዳኔ» ገዔኔ።

2

ዩሱሴ ዎኣያ ዑሺ ማሃሢ

1 ዩካፓ ሃይሃሳ ኬሎና ገሊላ ዓጮይዳ ዓኣ ቃና ገይንታ ካታሜሎይዳ ዔፒ ዓኣንቴ፤ ዩሱሴኮ ዲንዳኣ ዲኣካ ዓኣኔ።

2 ዩሱሴና ዲዛኮ ጊንያ ሃንታዞንሢና ዔፖ ቤዞ ዔኤሊንቴ።

3 ዔፖ ቤዞይዳ ዎይሮ ዑዣ ጋፓዛ ዩሱሴኮ ዲንዳ ዲዛ ኮራ፡- «ዑዣ ዔያቶኮ ጋፔያታንቴቱዎይ!» ገዔኔ።

4 ዩሱሴያ ማሃያ ዲንዳ ኮራ፡- «ዩያ ኔኤና ታኣና ማዳንዳ ባኣዚቱዎሴ፤ ታኣኮ ዎዳ ሃጊ ሄሊባኣሴ» ገዔኔ።

1:51 ማዢ. ማፃ 28:12።

5 ዓመና ዒዛኮ ዒንዳ ዒኢካ ዓኣ፡ ማዳ ዓሶም፡- «ዒዚ ዒንሢም ጌዔ ባኮ ቢያ ማዳዎቱ» ጌዔ።

6 ዓይሁደ ዓሶኮ ዑያ ጌኤሺያ ካኣዠም ማዓ ዋኣያ ዓርቃ፡ ለሆ ሹቹዳፓ ኮሺንቴ ኮሎሢ ያቲ ዒኢካ ዓኣ፤ ፔቴ ፔቴ ኮሎያ ያታ ለምዖና ሃይሆና ማዓ፡ ፑኡፒ ያቲ ኩማ ዋኣሢ ዓርቃኒ ዳንዳዓያኬ።

7 ዬሱሴ ማዳዘንሢም፡- «ዬንሢ ኮሎያንሢ ዋኣሢ ኩንሡዎቱ» ጋዓዛ፡ ዔያታኣ ኩንሢ።

8 ዬካፓ ዬሱሴ ማዳዘንሢም፡- «ዓካሪ ዱይ ሙዖ ጊኢሺሻ ዓሶ ሱኡጋሢም ዒንጉዎቱ» ጋዓዛ፡ ዔያታኣ ዔኪ ዒንጌ።

9 ሙዖ ጊኢሺሻ ዓሶኮ ሱኡጋሢ ጫርዠ ዑዠ ማዔ ዋኣያ ዑኡቂ ዛጋዖ ዓንካፓ ዔያታ ዔኬቴያ ዔሪባኣሴ፤ ዋኣያ ዱዔ፡ ማዳ ዓሳ ጋዓንቴ ዔዔራ። ዬያሮ ሙዖ ጊኢሺሻ ዓሶ ሱኡጋሢ ዑኡታሢ ዔኤላዖ፡-

10 «ዓሲ ቢያ ቤርታዲ ዒንጋሢ ጫርሺ ዑሺኬ፤ ዔኤሊንቴ ዓሳ ማሢንቴሢኮ ጊንዖ ባሰኪ ዑሺ ዒንጋ፤ ኔኤኒ ጋዓንቴ ኮዠ፡ ጫርዠ ዑዠ ዑሺ ጎይሢ ሃይማ ሄሊሴ።» ጌዔ።

11 ዬሱሴ ዬሮ ያኦሲ ዎልቁና ማዲንቴ ዓኮ ባኮ ቤርታሲ ጌሊላ ዓጮይዳ ቃና ጌይንታ ካታማ ማዳ፤ ዬያይዲያና ፔኤኮ ቦንቾ ፔጋሲ ዔርዘሢሮ ዒዛኮ ጊንዖ ሃንታዘንሢያ ዒዛ ጉሙርቄ።

12 ዬካፓ ዬሱሴ ፔኤኮ ዒንደና ጌርሲንሢና ሃሣ ዒዛኮ ጊንዖ ሃንታዘንሢና ዎላ ቂፒርናሆሜ ዓጮ ኬዲ፡ ዒኢካ ዳካ ኬሊ ዴዔ።

ዬሱሴ ጌኤዠ ማኣሮይዳፓ ኮርማ ዓሶ ዳውሴሢ
(ማቴ. 21:12-13፤ ማር. 11:15-17፤ ሉቃ. 19:45-46)

13 ዓመና ዓይሁደ ዓሶኮ ዑሣ ዓኣዲዖ ቦንቾ ኬላ ዑኬሢሮ ዬሱሴ ዬሩሳላሜ ዴንዴ፤

14 ዒዚ ጌኤዠ ማኣሮይዳ ጌማቶንታ ማራቶንታ ደኦሎንታ ሻንቻ ዓሳ ሃሣ ሚኢሾ ላኣማዘንሢያ ሚኢሾ ላኣማንቴ ዴንቄ።

15 ዬያሮ ሱሲ ዠራፓ ማዠዖ ዓሶ ቢያ ማራቶንታ ጌማቶንታ ዎላ ጌኤዠ ማኣራፓ ኬሴ፤ ሚኢሾ ላኣማ ዓሶኮዎ ሚኢሾ ላኣሌ፤ ዔያታ ሚኢሾ ጌሣ፡ ዴጌ ሎኦዠ ያይቶዎ ሂዒ ደይሴ።

16 ደኦሎ ሻንቻ ዓሶዎ፡- «ሃያ ቢያ ሴካ ዔኪ ዓኣዲዎቱ፤ ታ ዓደኮ ማኣሮ ኮርሞ ማኣሪ ማሂፖቱ» ዔያቶም ጌዔ።

17 ዓመና ዒዛኮ ጊንዖ ሃንታዘንሢ፡- «ኔ ማኣሮ ዛሎ ባካ ታሚጉዲ ታና ሚቻ።» ጌይንቴ ጻፒንቴሢ ጸቂሣ።

18 ዩካፓ ዓይሁድ ዓሶ ዎይህ ዓሳ:- «ኔኤኒ ሃያ ማዳንዳ ቢታንቶ ኔኤኮ ዓኣያታህ ሴርዛኒ ዓይጎ ያኦሲ ዎልቁና ማዳንታ ዓኪ ባኣዚ ማዲ ኔ ኦና ዳዎንዳይ?» ጌዔኔ።

19 ዩሱሴ:- «ሃያ ጌኤዠ ማኣሮ ሻሁዎቴ፤ ታኣኒ ሃይህ ኬሊዳ ጊንህ ማሂ ማዠንዳኔ» ዔያቶም ጌዔኔ።

20 ዔያታ ማሃዎ:- «ሃያ ጌኤዠ ማኣሮ ማዠን ያይዲታሚ ላሆ ሌዔ ጋፒሴኔ፤ ሂዳዎ ኔኤኒ ሃይህ ኬሊዳ ማዠንዳ?» ጌዔኔ።

21 ዩሱሴ ጋዓንቴ:- «ጌኤዠ ማኣሮ» ጌዒ ኬኤዜህ ፔኤኮ ዑዎ ዛሎኬ፤

22 ዩሱሴ ሃይባፓ ዔቁሂኮ ጊንፃ ዒዛኮ ጊንዎ ሃንታ ናኣታ ዬያ ጳቁሂኔ፤ ዬያ ዛሎና ማፃኣፓ ጻኣፒንቴ ባኮና ዩሱሴ ኬኤዜ ቃኣሎ ዔያታ ጉሙርቁኔ።

23 ዩሱሴ ዓይሁደኮ ዑህ ዓኣዲዎ ቦንቾና ዬሩሳሌሜይዳ ዓኣዎ ማዳ፥ ያኦሲ ዎልቆና ማዳንቴ ዓኮ ባኮ ዔያታ ዛጌህረ ሚርጌ ዓሲ ዒዛ ጉሙርቁኔ።

24 ዩሱሴ ጋዓንቴ ዓሶ ቢያ ዔራያ ማዔህረ ዔያቶ ዒ ጉሙርቁባኣሴ፤

25 ዒዚ ዓሲ ዒና ጋርካ ዓኣ ባኣዚ ቢያ ዔራህረ ዓሲ ዛላ ዒዛም ያኣኒያ ኬኤዛኒ ኮይሱዎያኬ።

3

ዩሱሴና ኒቆዲሞሴ ጎዎህና

1 ኒቆዲሞሴ ጌይንታ ፔቴ ዓሲ ዓኣኔ፤ ዒዚ ፔርሴ ዓሶ ዛላፓ ማዔያታዎ ዓይሁድ ዓሶኮ ሱኡጌኬ።

2 ዩይ ዓህ ዳሚና ዩሱሴ ኮራ ሙካዎ:- «ዔርዛህሂዮ! ያኦሲ ዒዛና ዎላ ማዔህዳፓዓቴም ሃያ ኔኤኒ ማዳ ያኦሲ ዎልቁና ማዳንታ ዓኮ ባኮ ማዳኒ ዳንዳዓይ ያኣኒያ ባኣሴ፤ ዬያሮ ኔኤኒ ያኦሲ ኮራፓ ሙኬ፥ ዔርዛያ ማዔህ ኰኡኒ ዔራኔ» ጌዔኔ።

3 ዩሱሴያ:- «ጎኔ ታ ኔኤም ጋዓኔ ዓሲ ላሚ ሎፓ ሾይንቴባኣዎ ያኦሲ ካኣቱሞ ዛጋኒ ዳንዳዑዎሴ» ጌዔኔ።

4 ኒቆዲሞሴ ማሃዎ:- «ሂዳዎ ዓሲ ጋርቼሰካፓ ጊንህ ዎይቲ ሾይንታኒ ዳንዳዓይ? ላሚ ዒንድ ጎጾ ጌሊ ሾይንታኒ ዳንዳዓ?» ጌይ ያኣጩኔ።

5 ዩሱሴ ማሃዎ:- «ጎኔ ታ ኔኤም ጋዓኔ ዓሲ ዎኣህና ዓያና ጌኤሺናይዳፓ ሾይንቴባኣዎ ያኦሲ ካኣቱሞይዳ ጌላኒ ዳንዳዑዎሴ።

2:19 ማፔ. 26:61፤ 27:40፤ ማር. 14:58፤ 15:29።

- 6 ዓሲዳፓ ሾይንቴህ ዓሲኬ፤ ዓያናይዳፓ ሾይንቴህ ዓያናኬ።
- 7 ዬያር «ላሚ ሾይንታንዳያ ዒንሂሞ ኮይሳኔ» ታ ኔኤሞ ጌዔህሮ ዲቃቲ ሄርሺፖ።
- 8 ዠባሬ ኮዔ ዛላ ዠባርሻኔ፤ ዑኡዞ ኔ ዋይዛኔ፤ ጋዓንቴ ዓንካፓ ሙካቲ ሃህ ዓንኮ ዓኣዳቲያ ኔ ዔሩዋሴ፤ ዓያናፓ ሾይንታህ ሲያ ዬያጉዲኬ» ጌዔኔ።
- 9 ኒቆዲሞሴ፡- «ዬይ ዋይቲ ማዓኒ ዳንዳዓይ?» ጌይ ዒዛ ያኦጩኔ።
- 10 ዬሱሴ ዒዛሞ፡- «ኔኤኒ ዒሰራዔኤሌ ዓሶ ዔርዛህ ማዓያ ዬያ ኔ ዔሩዋዓዳ?
- 11 ጎኔ ታ ኔኤሞ ጋዓኔ ኑ ዔራ ባኮ ኬኤዛኔ፤ ኑ ዛጌ ባኮዋ ኑ ማርካዳኔ፤ ዒንሂ ጋዓንቴ ኦኡኮ ማርካዳያ ዔኩዋሴ።
- 12 ሳዓ ዓኣ ባኣዚ ታ ዒንሂሞ ኬኤዛኣና ዒንሂ ጉሙርቁዋያ ማዔቲ ጫሪንቺ ባኣዚ ታ ዒንሂሞ ኬኤዘሞ ዋይቲ ዒንሂ ጉሙርቃንዳይ?
- 13 ጫሪንጫፓ ኬዴ * ዓሲ ናዓሂዳፓ ዓታዛ ሌካ ጫሪንጮ ኬሰኬይ ያኦኒያ ባኣሴ።
- 14 «ዓሲ ናንጉዋ ዳውሎይዳ ሙሴ ሾኦኩ ሚያና ዳጊዲ ዓርቁሂጉዲ ዓሲኮ ናዓሂ ሱዳንታንዳያ ኮይሳኔ።
- 15 ዓይገሮ ጌዔቲ ዒዛ ጉሙርቁ ጎናሲ ዔኬዞንሂ ሲያ ናንጊና ናንጊ ዳንቃንዳጉዲኬ» ጌዔኔ።
- 16 ሃህ ዬሱሴ፡- «ያኦሲ ዓጮ ሚርጌ ናሽኬህሮ ፔኤኮ ፔቲ ናዓሂ ዒንጌኔ፤ ዬያር ዒዛኮ ናዓሂ ጉሙርቃህ ሲያ ናንጊና ናንጋያ ማዓንዳፓዓቲሞ ባይቃዓኬ።
- 17 ያኦሲ ፔኤኮ ናያ ዓጮ ባንሂ ዳኬሂ ዓጫ ዒዛ ናያና ዳቃንዳጉዲ ማዓንዳፓዓቲሞ ዓጮ ዒ ፑርታና ዋጋንዳጉዲቲዋሴ።
- 18 «ዒዛ ጉሙርቁ ጎናሲ ዔኬይ ፑርታና ዋጊንታዓኬ፤ ዒዛ ጉሙርቁ ዔኩዋኣሂ ጋዓንቴ ያኦሲ ናዓሂ ጉሙርቁ ዔኪባኣሂሮ ሃሂ ዓኣንቴ ፑርታና ዋጊንቴያኬ።
- 19 ፖዒ ዓጮ ሙኬኔ፤ ዓሳ ጋዓንቴ ዔያቶኮ ማዳ ፑርታ ማዔህሮ ፖዒዳፓ ባሼ ዳሚ ናሽኬኔ፤ ዋጊንቴ ፑርቶ ዋጋኣ ዬያኬ።
- 20 ፑርታ ባኣዚ ማዳሂ ሲያ ፖዒ ዒዳኔ፤ ፔኤኮ ፑርቶ ማዳ ዔርቲዋጉዲ ፖያ ባንሂ ሙካኒ ኮውዋሴ።

* **3:13** ጫሪንጫፓ ኬዴ፡- ጋዓዛ «ጫሪንጫይዳ ናንጋ ዓሲ ናዓሂዳፓ ዓታዛ» ጋዓ ሚናኣ ማጻፈ ዓኣኔ። **3:14** ጋይ. ማፃ 21:9።

21 ጎኔ ማዕ ባአዚ ማዳሢ ጋዓንቴ ሃንጋ ፖዒ ባንሢ ሙካኔ፤ ሃንጋ ፖዒ ባንሢ ዒ ሙካሢ ጾኦሲ ዓይሢ ጎይዖ ማዳንቴ ዒዛኮ ማዳ ዔርታንዳጉዲኬ» ጌዔኔ።

ማሰካ የሃኒሴኮ ዩሱሴ ዛሎ ማርካዲዖ

22 ዬካፓ ዩሱሴ ዒዛኮ ጊንዖ ሃንታ ናኣቶና ዎላ ዪሁዳ ዓጮ ዓኣዲ ዒኣኣ ዓይታ ዎኣዖና ዓሶ ማሰኪ ማሰኪ ዳካ ኬሊ ዴዔኔ።

23 ሳላሜ ጌይንታ ዓጮ ኮይሎይዳ ሄኖኔ ጎዖ ቤዛ ሚርጌ ዎኣሢ ዓኣሢር የሃኒሴ ዎኣዖና ዓሶ ማሰካኔ፤ ዓሳኣ ዒዛ ባንሢ ዓኣዲ ዓኣዲ ዎኣዖና ማሰታኔ።

24 ዬማና የሃኒሴ ሃጊ ቱኡዞ ማኣራ ቱኡቲባኣሴ።

25 ዒዛኮ ጊንዖ ሃንታዞንሢ ፔቴ ዓይሁዴ ዓሲሰኬያና † ባኣካ ዐዖ ጌኤሺዖ ካኣዦ ዛሎ ማርማ ዔቁኔ።

26 የሃኒሴኮ ጊንዖ ሃንታዞንሢ የሃኒሴ ኮራ ሙካዖ፡- «ዔርዛሢዮ! ዬይ ዮርዳኖሴ ዎር ሱኮይዳ ኔኤና ዎላ ዓኣሢ፡ ኔኤኒ ዒዛ ዛሎ ማርካዲሢ፡ ሃይሾ ዒዚያ ዎኣሢና ማሰካኔ፤ ዓሳ ቢያ ሴካ ዒዛ ባንሢ ዓኣዳኔ» ጌዔኔ።

27 የሃኒሴ ማሃዖ፡- «ዓይጎ ዓሲታቶዎ ጾኦሲ ዒዛም ዒንጊባኣታቴ ዓይጎ ባኣዚያ ዒዛኮ ዓኣያ ማዓኒ ዳንደዐቦሴ፤

28 ዒዛኮ ቤርታ ታ ዳኪንቴያፓዓቴም ታኣኒ ሜሲሄቱዎሴ» ጌዒ ታ ዒንሢም ኬኤዜሢካን ዒንሢ ዒንሢ ቶኣኪና ታኣኮ ማርካኬ።

29 ዑኡቴላ ዑኡታሢርኬ፤ ዑኡታሢኮ ዔርጎና ዓሢ ጋዓንቴ ዑኡታሢኮ ዓጫ ዔቁ፣ ዑኡታሢ ዑኡዞ ዎይዛኣና ዎዛዳኔ፤ ዬያጉዲ ታኣኮዎ ዎዛ ሃሢ ጎኔ ዎዛ ማዔኔ።

30 ዒዚ ዴጊ ዴግ ጌዔም፣ ታኣኒ ሂርኪ ሂርኪ ጋዓንዳያ ኮይሳኔ» ጌዔኔ።

31 የሃኒሴ ሃሃ፡- «ዐፃፓ ሙካሢ ቢያኮ ዑሣኬ፤ ሳዓፓ ማዔሢ ሳዓ ዓሲኬ፤ ሳዓ ባኣዚ ዒ ኬኤዛኔ፤ ጫሪንጫፓ ሙካሢ ቢያኮ ዐፃኣኬ።

32 ዒዚ ዛጌሢና ዎይዜሢ ማርካዲኔ፤ ጋዓንቴ ዒዛኮ ማርካዲዖ ዔካይ ባኣሴ፤

33 ዒዛኮ ማርካዲዖ ዔካሢ ጋዓንቴ ጾኦሲ ጎኔ ማዔሢ ጌኤሺ ዔሬኔ።

34 ጾኦሲ ዳኬሢ ጾኦሲ ቃኣላ ኬኤዛኔ፤ ጾኦሲያ ፔኤኮ ዓያኖ ሚርጌና ዒዛም ዒንጋኔ።

3:24 ማቴ. 14:3፤ ማር. 6:17፤ ሉቃ. 3:19-20። † 3:25 ፔቴ ዓይሁዴ ዓሲሰኬያና፡- ጋዓዞ ፔቴ ፔቴ ሚናኣ ማፃኣፓ «ፔቴ ፔቴ ዓይሁዴ ዓሲና» ጋዓኔ። 3:28 የሃ. 1:20።

35 ዓዴ ፔኤኮ ናዓሢ ናሽካኔ፤ ቢያ ባኮ ዒዛ ኩጫ ዒንገኔ።
 36 ናዓሢ ጉሙርቁ ዔካሢኮ ናንገና ናንገ ዓኣኔ፤ ናዓሢ ጉሙርቁ ዔኩዋኣሢ ጋዓንቴ ያኦሲ ዒንጋ ሜቶይዳ ናንጋንዳኣጋዓቴም ኮሺ ናንገ ዴንቃዓኩ» ጌዔኔ።

4

ዩሱሴና ሳማሪያ ዓጮ ለአሌሎና

1 ዩኖ ዎዶና ዩሱሴ የሃኒሴይዳጋ ባሽ ሚርጌ ዓሶ ፔና ዔርዘ። ፔ ዓሲ ማሃሢና ዋኣዎና ማሰካሢያ ፔርሴ ዓሳ ዎይዜኔ፤

2 ጋዓንቴ ዋኣዎና ዓሶ ማሰካሢ ዒዛኮ ገንዖ ሃንታዞንሢ ማዓንዳጋዓቴም ዒዚ ፔኤር ዋኣዎና ማሰኩዋሴ።

3 ዒዛ ዛሎ ጌይንቴ ባኮ ፔርሴ ዓሳ ዎይዜሢ ዒ ዔራዖ ዪሁዳ ዓጮ ሃሺ ጌሊላ ማዒ ዓኣዳኔ።

4 ዒኣካ ዒ ዓኣዳዖ ሳማሪያ ዓጮ ገዴና ዓኣዳንዳያ ዒዛ ኮይሴኔ።

5 ዩያር ሲካሬ ጌይንታ ሳማሪያይዳ ዓኣ ካታሜሎ ዒ ሙኩኔ፤ ሲካሬ ያይቆኦጌ ፔኤኮ ናኣዚ የሴፔም ዒንጌ ቤዞኮ ኮይሎይዳ ዓኣያኩ፤

6 ዒኣካ ያይቆኦጌኮ ቦኣኮና ዔቴ ዋኣሢ ዓኣንቴ ዩሱሴ ጎይዖ ሃንቲ ለቤሢር ዩኖ ዔቶ ዋኣጻሎ ዓጮ ዴዔኔ፤ ዩማና ዓባ ሳዛ ማዓያኩ።

7 ዒማና ፔቴ ሳማሪያ ዓጪ ለኣሊሰኬና ዋኣዎ ዴዒኒ ዔቶ ባንሢ ሙካዛ ዩሱሴ፡- «ዔና፣ ዋኣሢ ታና ዑሹቴራ!» ጌዔኔ።

8 ዩማና ዒዛኮ ገንዖ ሃንታዞንሢ ሙኡዚ ሻንቃኒ ካታሞ ዴንዴኔ።

9 ዩና ሳማሪያ ዓጮ ለአሌላ ዩሱሴ ኮራ፡- «ኔኤኒ ዓይሁዴ ዓሲታዖ ዎዴ ታና ሳማሪያ ዓጮ ለአሌሎ <ዋኣሢ ታና ዑሹ!> ጌይ ያኦጫይ?» ጌዔኔ። ዩያ ዒዛ ጌዔሢ ዓይሁዴ ዓሶና ሳማሪያ ዓጮ ዓሶናኮ ዎላ ፔቱሞ ባኣሢርኩ።

10 ዩሱሴ፡- «ያኦሲ ዒንጋ ባኮና <ዋኣዎ ታና ዑሹ> ኔና ጋዓሢኮ ያኦም ኔ ዔሬዎ ማዔቴ ዒዛ ሺኢቃኒ ኔና ኮይሳንቴኩ፤ ዒዚያ ኔኤም ናንገ ዋኣሢ ዒንጋንዳያታንቴኩ» ጌዔኔ።

11 ዒዛ ማሃዖ፡- «ጎዳሢዮ! ኔኤኮ ዋኣሢ ዴዖ ባኣዚ ባኣሴ፤ ዋኣዎ ዔታኣ ኮሺ ዔታዳያኩ፤ ሂዳዖ ናንጎ ዋኣዎ ዓንካጋ ኔ ዴንቃንዳይ?»

12 ኔኤኒ ሃያ ኑም ዋኣዎ ዔቶ ዒንጌ፣ ኑ ዓዳሢ፣ ያይቆኦጌይዳጋ ባሽዳ? ዒዛና ዒዛኮ ናኣቶና ዒዛኮ ቆልማኣ ሃና ዋኣዎ ዔታጋ ዑሽኩኔ» ጌዔኔ።

3:35 ማጥ. 11:27፤ ሉቃ. 10:22። 4:5 ማጥ. ማፃ 33:19፤ ዒ.ያ. 24:32። 4:9 ዒ.ዘ. 4:1-5፤ ኔሄ. 4:12።

13 ዬሱሴ ዒዛም ማሃዎ፡- «ሃኖ ዋኣይይዳፓ ዑሽካሢ ሲያ ላሚ ዋኣሢ ጴኤባንዳኔ፤

14 ታኣኒ ዒንጋ ዋኣይይዳፓ ዑሽካሢ ናንገና ፔቴታዎ ጴኤቢንታዓኩ፤ ዓይጎሮ ጌዔቴ ታ ዒንጋ ዋኣዎ ዑሽካ ዓሢዳፓ ናንገና ናንገ ዋኣሢ ዓልቃያ ማዓንዳኔ» ጌዔኔ።

15 ላኣሌላ፡- «ጎዳሢዮ! ሃይፓ ሴካ ዋኣሢ ታና ጴኤቡዋጉዲና ሃይካኣ ታ ዲዓሲ ሙኩዋጉዲ ሃደራ ታኣም ዬኖጉዴ ዋኣጻሎ ዒንጌ» ጌዔኔ።

16 ዬሱሴያ፡- «ዴንዲ ኔኤኮ ዓኒ ዔኤሊ ዔኪ ሙኩ» ጌዔኔ።

17 ላኣሌላ፤ «ዓኒ ታኣኮ ባኣሴ» ጌይ ማሄኔ፤ ዬሱሴ ጊንሃ ዒዛም፡- «ዓኒ ታኣኮ ባኣሴ ጌይፃ ኔኤኮ ጎኔኩ፤

18 ሃደ ማዔቴያ ኔኤኮ ደንጎ ዓኒንሢ ዓኣኔ፤ ሃሢ ኔኤና ዋላ ዓኣሢ ኔኤኮ ዓኒቱዋሴ፤ ዬያሮ ኔኤኒ ጎኔ ጌሰቴኔ» ጌዔኔ።

19 ላኣሌላ ዒዛም፡- «ጎዳሢዮ! ኔኤኒ ያኦሲ ማሊሢ ኩኤዛያታሢ ሃሢ ታ ኔና ዔሬኔ፤

20 ኑ ዓደንሢ ሃያ ጴካሢ ዑፃ ካኣሽካኔ፤ ዒንሢ ጋዓንቴ ሩሲ ዚጊ ካኣሽካኒ ኮይሳሢ ዬሩሳላሜይዳኩ» ጋዓኔ» ጌዔኔ።

21 ዬሱሴ ሃሃ ዒዛም፡- «ኔ ሃና ላኣሌላ ያኦሲ ዓዳሢም ሃያ ጴኮ ዑይይዳ፤ ሃሃ ዬሩሳላሜይዳ ዚጊ ካኣሽኪሢ ዛላ ዒንሢ ሜታዲንዲዋ ዋዴ ሙካንዳሢ ዔሪ ታና ጉሙርቁ፤

22 ዒንሢ ሳማሪያ ዓሳ ዒንሢሮ ዒንሢ ዔሩዋ ያኦሲ ዚጊ ካኣሽካኔ፤ ኦኤኒ ጋዓንቴ ጳቂንታ ዓይሁዴይዳፓ ማዔሢሮ ኦ ዔራ ያኦዛሢ ዚጊ ካኣሽካኔ።

23 ጋዓንቴ ጎኔና ዚጊ ካኣሽካዘንሢ፡- ያኦሲ ዓዳሢም ዓያና ጌኤሽና ሃሃ ጎኩዋና ዚጊ ካኣሽካንዳ ዋዴ ሙካንዳኔ፤ ዬይ ሃሢ ሙኪናኣኮኩ፤ ያኦሲ፣ ዓዳሢያ ኮዓሢ ዬያጉዴ ዚጊ ካኣሽኪያኩ።

24 ያኦሲ ዓያናኩ፤ ጎኩዋና ዒዛም ዚጊ ካኣሽካዘንሢያ ዓያናና ዚጊ ዒዛ ካኣሽካንዳያ ኮይሳኔ» ጌዔኔ።

25 ላኣሌላኣ፡- «ዓያና ጌኤሽ ካኣቱዋም ዓርቁ፣ ሜሲሄ ሙካንዳሢ ታ ዔራኔ፤ ዒዚ ሙካዎ ሲያ ባኣዚ ኦም ኩኤዛንዳኔ» ጌዔኔ።

26 ዬሱሴ ዒማና፡- «ሃሢ ሃይ ኔኤና ጌሰታሢ፣ ታ ዒዛኩ» ጌዔኔ።

27 ዬማና ዒዛኮ ጊንዎ ሃንታዘንሢ ዴንዴ ቤዛፓ ማዒ ሙካንቴ ዬሱሴ ላኣሊና ዋላ ጌሰታሢሮ ዲቃቴ ሄርሽኔ፤ ማዔቶዋ፡- «ኔኤኒ ዔናኣሬ፣ ዓይጎ ኮዓይ? ሃሃ ዒዛና ዋላ ኔ ዓይጋ ጌሰታይ?» ጌዒ ያኦጩ ዓሲ ባኣሴ።

28 ዩካፓ ለአሌላ ዋኦ ደዳኒ ዔኪ ሙኩ ጉዞ ሃሺ፣ ካታዎ ደንዲ ዳሰዎ፡-

29 «ታ ማዳ ባኮ ቢያ ታኦም ከኤዜ ዳሲሰኬያ ሃኒ ሙኪ ዛጉዋቴ! ጎዖንቴ ዒዚ ማሲሃ ማዳንዳዎ?» ጌዔኔ።

30 ዬያሮ ዳሳ ካታማፓ ከሰከ ዩሱሴ ዳኦ ቤዘ ባንሢ ደንዴኔ።

31 ዒማና ዒዛኮ ጊንፆ ሃንታ ናኦታ ዩሱሴ ኮራ፡- «ዔርዛሢዮ! ካሦ ሙዔ» ጌይ ዒዛ ሸኢቄኔ።

32 ዒዚ ጋዳንቴ፡- «ዒንሢ ዔራዎያ፣ ታኦኒ ሙዳ ሙኡዚ ታኦኮ ዳኦኔ» ዔያቶዎ ጌዔኔ።

33 ዬያሮ ዒዛኮ ጊንፆ ሃንታዘንሢ፡- «ዳሲ ዒዛዎ ሙኡዚ ዔኪ ሙኩያናንዳዎ?» ዎሊ ኮይላ ጌዔኔ።

34 ዩሱሴ ዔያቶዎ፡- «ታኦኮ ሙዳ ታና ዳኬሢኮ ዳይሢዮ ከንሥሢና ማዳዎ ማዳሢኬ።

35 ዒንሢ፡- ሃጊ ያይዶ ዳጊኒ ዳቴኔ፤ ዩካፓ ማኦሊ ቡሪንታንዳኔ፤ ጋዳያቱዎይ? ታ ሃሢ ዒንሢዎ ሂንዳ ዴግ ጌይጋፓ ማኦላ ሃሢ ቡሪሢዎ ሄላሢ ዛጉዋቴ» ጋዳኔ።

36 ማኦሎ ቡሪሢ ዒ ማኦሎ ቡሪሢ ዛሎ ዔካንዳኔ፤ ናንጊና ናንጊዎ ማዳ ዳኦፒያ ቡኩሳንዳኔ፤ ዬያሮ ዜርቃሢያ፣ ማኦሎ ቡሪሢያ ዎላ ዎዛዳንዳኔ።

37 ዬያ ጎይያና ፔቴይ ዜርቃኔ፣ ማሌሢ ሃሢ ማኦሎ ቡሪኔ፤ ጌይንቴ ማላታ ጎኔኬ።

38 ዒንሢ ለቢባኦ ማኦሊ ቡሪንዳጉዲ ታ ዒንሢ ዳኬኔ፤ ማሌ ዳሳ ማዳና ለቤኔ፤ ዒንሢ ጋዳንቴ ዔያቶኮ ለቢያ ዳኦፖ ቡኩሲ ዔኬኔ» ጌዔኔ።

39 ለአሌላ፡- «ታ ማዳ ባኮ ቢያ ታኦም ከኤዜኔ» ጌዒ ዒዛ ማርካዴሢሮ ዬዮ ካታማሎይዳ ማርጌ ሳማሪያ ዳጪ ዳሲ ዩሱሴ ጉሙርቄኔ።

40 ዬያሮ ሳማሪያ ዳጪ ዳሳ ዒዛ ኮራ ሙካዖ ዔያቶና ዎላ ዒ ደዳንዳጉዲ ዒዛ ሸኢቃዛ፣ ዒዚያ ላምዖ ከሊ ዒኦካ ፔኤቄኔ።

41 ዒ ከኤዜ ቃኦሎ ዛሎና ማሌ ማርጌ ዳሲ ዒዛ ጉሙርቄኔ።

42 ዳሳ ለአሌሎዎ፡- «ዳካሪ ኦኡኒ ዒዛ ጉሙርቄሢ ጎኤኒ ኦም ከኤዜ ቃኦሎና ሌሊቱዋንቴ ኦ ኦ ቶኦኪና ዎይዜሢሮና ጎኔና ዒዚ ዳጪ ዳቂሻያ ማዔሢ ኦ ዔሪሢሮኬ» ጌዔኔ።

ቢታንቶ ዳኦ ፔቴ ዳሲሰኬያኮ ናይሰኬያ ዩሱሴ ፓሢሢ

43 ዩሱሴ ሳማሪያይዳ ላምዖ ከሊ ፔኤቄሰካፓ ጌሊላ ዳኦዴኔ።

44 ዒዚ ፔ ቶኦክና፡- «ጾኑሲ ማለሂ ኬኤዛ ዓሲ ፔ ዓጮይዳ ቦንቺንጉቆቦሴ» ጌይ ቤርታ ኬኤዜኔ።

45 ጋዓንቴ ጌሊላ ዓጮ ዒ ዴንዳዛ ጌሊላ ዓሳ ኮሺና ዒዛ ሸኦቺንሂ ዔኬኔ፤ ዓይጎሮ ጌዔቴ ዓይሁደኮ ዑሣ ዓኦዲያ ቦንቺ ኬሎና ዩሩሳላሜ ዴንዲ ዒዚ ዒኦካ ማዴ ባኮ ቢያ ዔያታ ዛጌሂሮኬ።

46 ዩካፓ ዩሱሴ ዋኦያ ጫርሺ ዑሺ ማሄ ቤዘ፣ ጌሊላ ዓጮይዳ ዓኦ፣ ቃና ካታሜሎ ላሚ ዴንዴኔ፤ ዒማና ቁፒርናሆሜይዳ ፔቴ ናይ ሃርጊንቴ፣ ካኦቲ ማኦሩ ፑኦፒ ማዒ ማዳ ዓሲሰኬይ ዓኦ።

47 ዒዚያ ዩሱሴ ዩሁዳ ዓጫፓ ጌሊላ ሙኬሂ ዋይዛያ ዩሱሴ ባንሂ ቁፒርናሆሜ ሙኪ ኮሺ ሃርጊንጉቴ ሃይቃኒ ዑኬ ዒዛኮ ናይሰኬያ ፓሣንዳጉዲ ዩሱሴ ሺኦቄኔ።

48 ዩሱሴያ፡- «ዒንሂ ጾኑሲ ዋልቄና ማዲንታ ዓኮ ባኮና ማላታና ዛጊባኦታቶ ፔቴታያ ጉሙርቁዋያቲ!» ዒዛሞ ጌዔኔ።

49 ዩይ ፑኦፖ ዓሣሂ፡- «ጎዳሂዮ! ታኦኮ ናዓሂ ሃይቁዋንቴ ሃደሩ ዑኬና ሄሌ» ዒዛሞ ጌዔኔ።

50 ዩሱሴ ዒዛሞ፡- «ኔ ማኦሪ ዴንዴ፤ ናዓ ኔኤኮ ፖዔኔ» ጋዓዛ፣ ዓሂ ዩሱሴ ኬኤዜ ቃኦሎ ጉሙርቁ ማኦሪ ዴንዴኔ።

51 ዒ ማኦሪ ዴንዴንቴ ዒዛኮ ማዳ ዓሳ ጎይያ ዒዛና ካኦማያ፡- «ናዓ ኔኤኮ ፖዔኔ» ጌይ ኬኤዜኔ።

52 ዒዚያ ናማ ኮሺ ማዔ ዋደ ጾኦጫዛ፣ ዔያታ፡- «ዚጊኖ ዓባ ሳዛፓ ሺራኦና ቆሣ ሺሜኔ» ጌዔኔ።

53 ዓዳሂያ፡- «ናዓ ኔኤኮ ፖዔኔ» ዩሱሴ ጌዔሂ ዒማዋደ ማዔሂ ዔሬኔ፤ ዩያሮ ዩኖ ኬሎይዳፓ ዓርቃያ ዒዛንታ ዒዛኮ ማኦሮ ዓሳኦ ቢያ ዩሱሴ ጉሙርቄኔ።

54 ዩይ ጾኑሲ ዋልቄና ማዲንቴ ዓኮ ባካ ዩሱሴ ዩሁዳይዳፓ ጌሊላ ሙካያ ማዴ ላሞዓሳ ዓኮ ባኮኬ።

5

ዩሱሴ ፔቴ ዋቦ ዓሂ ፓሣሂ

1 ዩካፓ ዓይሁደኮ ቦንቺ ኬሎ ማዔሂሮ ዩሱሴ ዩሩሳላሜ ዴንዴኔ።

4:44 ማቴ. 13:57፤ ማር. 6:4፤ ሉቃ. 4:24። 4:45 ዮሃ. 2:23። 4:46 ዮሃ. 2:1-11።

2 ዩሩሳሌሙ ወይን ገብሎ ካሮ ዓጩ፣ ዔብራ ዓሶ ሙኡቸና በኤቴ ዛኦታ * ገይንታ ፔቴ ዴዔ ዋኣሢ ዓኣንቴ ዒዞ በዛ ዶንጎ ጎይሢ ዋላ ካኣማኔ።

3 ሚርጌ ሃርጊንቴ ዓሲ፣ ዓኣፒ ባይቁ ዓሲ፣ ዋሶ ዓሲ ሃሃ ሃንታኒ ዳንዳዑዋ ዋሶ ዓሲ ዬንሢ ጎይዖንሢ ካኣማ ካራ ላሂ፣ [ዋኣፃ ዓጊፃንዳያ ሄላንዳኣና ካፓኔ፤

4 ፔቴ ፔቴና ጎዳኮ ኪኢታንቻሢ ዴዔ ዋኣፃሎ ከዲ ዓጊሃኔ፤ ዋኣፃ ዓጊፃኣና ቤርታዲ ዋኣፃይዳ ጌላሢ ፔኤኮ ዓኣ፣ ዓይጎ ዶርዖይዳፓ ቢያ ፖፖዓኔ።]

5 ዒኢካ ሃይሢታሚ ሳሊ ለዔ ጉቤ ሃርጊንቴ፣ ፔቴ ዓሲስኬይ ዓኣኔ።

6 ዬሱሴ ዬይ ዓሢ ዒኢካ ላሂ ዓኣንቴ ዛጋዖ፣ ሚርጌ ዋይይዳፓ ዓርቁ ሃርጊንቴያታሢ ዔራ፡- «ፖዓኒ ኔ ኮዓ» ጌዔኔ።

7 ሃርጊንቴ ዓሢ፡- «ጎዳሢዮ! ዋኣፃ ዓጊፃኣና ታና ዔኪ ዋኣፃሎይዳ ጌልዛ ዓሲ ባኣሴ፤ ታኣኒ ጌላንዳኔ ጋዓኣና ማሌሢ ታና ቢሪ ከዳኔ» ጌዔኔ።

8 ዬሱሴያ፡- «ዔቁጋፓ ኔና ከዲ ዔኪ ሙኮና ሃላሢ ከዲ ዔኪ ዴንዴ» ዒዛሞ ጋዓዛ፣

9 ዓሢ ቤዘማና ፖዓዖ ሃላሢ ከዲ ዴንዴ። ዬይ ያዲ ማዔሢ ዓይሁዶ ዓሶኮ ሃውሾ ከሎናኬ፤

10 ዬያር ዓይሁዶ ዓሶ ዋይሢ ዓሳ ዬያ ፖዔ ዓሢ ኮራ፡- «ሃሮ ሃውሾ ከሎታሢር ኔኤኮ ሃላሢ ኔ ከዳንዳጉዲ ዋጋ ዓይሁዋሴ» ጌዔኔ።

11 ዒዚ ጋዓንቴ፡- «ታና ፖዒሴ ዓሢ ኔኤኮ ሃላሢ ከዲ ዔኪ ዓኣዴ ታኣሞ ጌዔኔ» ጌይ ዔያቶሞ ከኤዜኔ።

12 ዔያታ ማሃዖ፡- «ሃላሢ ኔኤኮ ከዲ ዓኣዴ ኔና ጌዔሢ ዖናዳይ?» ጌይ ዒዛ ዖኦጩኔ።

13 ዬሱሴ ዬኖ ቤዛፓ ዴር ባኣኮ ዓኣዴሢር ዒዛ ፖዒሴሢ ዖና ማዔቴያ ዒ ዔሪባኣሴ።

14 ዬካፓ ዬሱሴ ዓሢ ጌኤዢ ማኣርይዳ ዴንቃዖ፡- «ሃይሾ ኔ ፖዔኔ! ሃያይዳፓ ባሼ ባኣዚ ኔና ሄሉዋጉዲ ሃካፓ ሴካ ጎሜ ማዲፖ» ጌዔኔ።

15 ዓሢ ዓኣዴዖ ዒዛ ፖዒሴሢ ዬሱሴ ማዔሢ ዓይሁዶኮ ዋይሢ ዓሶሞ ከኤዜኔ።

* 5:2 በኤቴ ዛኦታ፡- ጋዓዞ ፔቴ ፔቴ ሚርኣ ማፃኣፓ «በኤቴሳይዳ» ሃሃ ጊንሃ «በኤቴ ሂሲዳ» ጋዓኔ፤ ዓኮ ቡሊዖ ማፃኣፖይዳ ጋዓንቴ «በኤቴ ዛኦታ» ጌይንቴኔ። ዬኖኮ ቡሊዖ፡- «ዓቶሞ ጎዖ ማኣሪ» ጌይሢከ። 5:10 ኔሄ. 13:19፤ ዔር. 17:21።

16 ይህ ባኮ ሃውሽ ከሎና ማዳሚር ዓይሁደኮ ዋይሃ ዓሳ ዩሱሴ ዒዲ ከሚሢ ዓርቄ።

17 ዩሱሴ ጋዓንቴ፡- «ታ ዓዳ ቢያ ከሊ ማዳ፤ ታኣኒያ ሃሃ ማዳ፤» ጌይ ዒያቶም ማሄ።

18 ዓካሪ ዓይሁደኮ ዋይሃ ዓሳ ዒዲ ሃውሽ ከሎና ማዳ ማዳሚር ሌሊቱዋንቴ፡- «ጾሲ ታኣኮ ዓዳኬ» ጌይ ፔና ጾሲና ዋላ ሄኮ ማሄሚር ባሼና ዒዛ ዋዳኒ ኮዔ።

ጾሲ ናዓሚኮ ዓኣ ቢታንቶ

19 ዩሱሴ ዒያቶም፡- «ጎኔ ታ ዒንሢም ጋዓ፤ ዓዳ ማዳንቴ ዛጌሢ ማዳሢዳፓ ዓታዛ ናዓሢ ፔ ቢታንቶና ዓይጎ ባኣዚያ ማዳቀሴ። ዓዳ ማዳ ባኮ ናዓሢያ ዩያጉዲ ማዳ።

20 ዓዳ ፔኤኮ ናዓሢ ናሽካሢር ዒ ማዳ ባኮ ቢያ ዒዛ ጳዋ፤ ዒንሢ ሄርሺ ዲቃታንዳጉዲ ሃያይዳፓ ባሼ ማዳዋ ዒዛ ጳዋንዳ።

21 ዓዳ ሃይቁዘንሢ ዒቁሳሢና ሼምፖ ዒያቶም ዒንጋሢጉዲ ናዓሢያ ኮዔ ዓሲም ሼምፖ ዒንጋ።

22 ዓዳ የ ዑያይዳኣ ዋጉዋሴ፤ ጋዓንቴ ዋጊያ ቢታንቶ ቢያ ናዓሢም ዒንጌ።

23 ዩያ ዒ ማዳሢ ዓሳ ቢያ ዓዳ ቦንቹ ናዓሢያ ቦንቻንዳጉዲከ። ናዓሢ ቦንቹዋኣሢ ናዓሢ ዳከ። ዓዳዋ ቦንቻዓከ» ጌዔ።

24 ዩሱሴ ሃሃ፡- «ጎኔ ታ ዒንሢም ጋዓ፤ ታኣኮ ቃኣሎ ዋይዛሢና ታና ዳከሢያ ጉሙርቃሢኮ ናንጊና ናንጊ ዓኣ፤ ዒዚያ ሃይቢዳፓ ናንጊ ባንሢ ፒንቁያፓዓቴም ናንጊና ሜታዳንዳጉዲ ዋጊንታዓከ።

25 ጎኔ ታ ዒንሢም ጋዓ፤ ሃይቁ ዓሳ ጾሲኮ ናዓሢ ዑኡዘ ዋይዛንዳ ዋዳ ሙካንዳ፤ ዩና ዋዳኣ ሃሢከ፤ ዋይዛዘንሢያ ቢያ ሼምፔና ናንጋንዳ።

26 ዓይጎር ጌዔቴ ዓዳ ፔ ቶኣኪና ሼምፖ ዒንጋያ ማዔሢጉዲ ናዓሢያ ሼምፖ ዒንጋያ ማዓንዳጉዲ ማሄ።

27 ናዓሢ ዓሲ ናይ ማዔሢርዋ ዋጌ ዒ ዋጋንዳጉዲ ቢታንቶ ዒዛም ዒንጊንቴ።

28 ዩያ ባኮ ዲቃቴ ሄርሺፖቴ! ዓይጎር ጌዔቴ ሃይቁ ዓሳኣ ቢያ ጾሲኮ ዑኡዘ ዋይዛ ዋዳ ሙካንዳ።

29 ከሽ ማዳዘንሢ ሃይቢዳፓ ዔቁ፤ ሼምፔና ናንጋንዳ፤ ፑርታ ማዳዘንሢ ጋዓንቴ ሃይቢዳፓ ዔቁ፤ ሜታዳንዳጉዲ ዋጊንታንዳ።» ጌዔ።

5:29 ዳኣኔ. 12:2።

30 ዩሱሴ ሃሣ፡- «ታኣኒ ታ ቢታንቶና ዓይኅ ባኣዚያ ማዳኒ ደንዳዑቀሴ፤ ጋዓንቴ ታ ዓዶይዳፓ ታ ዋይዜህ ምጋኔ፤ ታና ደኬህከ ማሊያ ማዓንዳኣፓዓቴም ታ ማሊያ ታ ኩንሠቀኣሢሮ ምጋ ታኣከ ፒዜኬ።»

31 «ታኣኒ ታኣሮ ታ ዛሎ ማርካዳቴ፣ ማርካዳ፣ ታኣሲ ጎኔቱቀሴ» ጌዔኔ።

ዩሱሴ ዛሎ ማርካዳ ዓሶ

32 «ሃሣ ዩሱሴ ታኣም ማርካዳይ ሜሌ ዓኣኔ፤ ዒዚ ታ ዛሎ ማርካዳ ማርካታ ጎኔ ማዔህ ታ ዔራኔ።

33 ዒንህ የሃኒሴ ባንህ ዓሲ ደኬያና ዒዚ ጎኔ ማርካዳ።

34 ሃያ ታ ጋዓህ ዒንህ ዳቃንዳጉዲ ማዓንዳኣፓዓቴም ታኣም ዓሲ ማርካዳንዳያ ኮይሳህሮቱቀሴ።

35 የሃኒሴ ዔኤታያ ሃሣ ፖዓ ፖዒ ጉዳያኬ፤ ዒንህያ ዳካ ምዳሮ ዒዛ ፖና ምዛዳኒ ኮዔኔ።

36 ታኣከ ጋዓንቴ የሃኒሴ ማርካዳህዳፓ ባሽ ማርካ ዓኣኔ፤ ታኣከ ማርካ ታ ዓዴ ታ ማዳንዳጉዲ ዒንጌ ማዶኬ፤ ዬይ ታ ማዳ ማዳ ዓዴ ታና ደኬያ ማሊያ ዛሎ ማርካዳ።

37 ታና ደኬ ዓዴ ፔ ቶኦከና ታ ዛሎ ማርካዳ፤ ዒንህ ጋዓንቴ ዒዛከ ዑኡዘ ፔቴታ? ምዚባኣሴ፤ ሃሣ ዒዛ ዒንህ ዛገባኣሴ።

38 ዒዚ ደኬህ ዒንህ ጉሙርቁባኣህሮ ዒዛከ ቃኣላ ዒንህከ ዒና ዴዓዓኬ።

39 ዒንህ ጌኤዡ ማፃኣፖይዳፓ ናንገና ናንገ ዴንቃንዳያ ዒንህም ማላህሮ ዬያ ማሂ ማሂ ዒንህ ዛጋኔ፤ ዬያታ ታ ዛሎ ማርካዳዘንህኬ።

40 ዬይ ያዲ ማዔቴያ ዒንህ ሸምፖ ዴንቃኒ ታ ባንህ ሙካኒ ኮዑቀሴ» ጌዔኔ።

41 ዩሱሴ ሃሣ፡- «ታኣኒ ቦንቾ ዓሲዳፓ ኮዑቀሴ።

42 ጋዓንቴ ዒንህ ምዚጉዴ ዓሲታቴያ ታ ዒንህ ዔራኔ፤ ያኦሲ ናሹሞቀ ዒንህከ ዒና ባኣያ ማዔህ ታ ዔራኔ።

43 ታኣኒ ታ ዓዶ ሱንያና ሙኬኔ፤ ዒንህ ጋዓንቴ ታና ጎኔኬ ጌይ ዔከባኣሴ፤ ሜሌ ፔ ሱንህና ሙኬቴ ጋዓንቴ ዒንህ ዬያ ጎኔኬ ጌይ ዔዔካንዳ።

44 ዒንህ ሴካና ሃንጋና ምሊ ቦንቾ ዓሳ፣ ፔቴ ያኣዛህዳፓ ጴዳ ቦንቾ ጋዓንቴ ኮዑቀ ዓሳ፣ ምዲ ታና ዒንህ ጉሙርቃኒ ዳንዳዓይ?

5:33 የሃ. 1:19-27፤ 3:27-30። 5:37 ማቴ. 3:17፤ ማር. 1:11፤ ሉቃ. 3:22።

45 ታ ቢንሢ ታ ባዶ ቤርታ ዋጎና ባይሢሳንዳያ ቢንሢም ማሎፓ፤
ቢንሢ ዋጎና ባይሢሳንዳሢ ቢንሢ ቢዛ ጉሙርቃ ሙሴኬ።

46 ሙሴ ቢንሢ ጉሙርቃያ ማዕያታቲ ቢዛ ታ ዛሎ ጻፈያታሢር
ታናኣ ቢንሢ ጉሙርቁያናንዳኔ።

47 ቢዛ ጻፈሢ ቢንሢ ጉሙርቁባኣቲ ታ ኬኤዛሢ ቢንሢ ዋይቲ
ጉሙርቁ ቤካንዳይ?» ጌዔ።

6

ዩሱሴ ደንጎ ሺዮ ባሶ ሙኡዜሢ
(ማቴ. 14:13-21፤ ማር. 6:30-44፤ ሉቃ. 9:10-17)

1 ዩካፓ ዩሱሴ ዲብራዶሴ ጌይንታ ጌለላ ባዘ ሱኮ ጉንቄ።

2 ሚርጌ ባሳ ዩሱሴ ሃርጊንቲ ባሶ ፖሲሴሢርና ያኦሲ ዋልቆና
ማዳንታ ባኮ ባኮ ማዳም ዛጌሢር ቢዛ ጊንጾ ሙሴ።

3 ዩሱሴ ሌካ ዱኮ ኬሰካዮ ቢኢካ ቢዛኮ ጊንጾ ሃንታዘንሢና ዋላ
ዴዔ።

4 ባማና ባይሁዶ ባሶኮ ዑሣ ባኣዲያ ቦንቾ ኬላ ዑኬ።

5 ዩሱሴ ሚርጌ ዴሬ ቢዛ ባንሢ ሙካሢ ዴግ ጌይ ዛፓ፣ ፒልጶሴ
ኮራ፡- «ሃያ ቢያ ባሶም ጌዳንዳ ሙኡዚ ባንካፓ ኑ ሻንቃንዳይ?»
ጌዔ።

6 ዩሱሴ ዩያ ጌዔሢ ፒልጶሴ ዋዚ ጋባቲያ ዋይዛኒ
ማባንዳኣፓባቲም ቢ ማዳንዳ ባኮ ፔ ቶኦኪና ቤዔራያኬ።

7 ፒልጶሴያ፡- «ፔቲ ፔቲሢም ዳካ ዳካ ቡንጂሢታዮ
ቢንጊንታንዳጉዲ ፔቲ ባሲ ላምዮ ጸኤታ ኬሊ ማዳም ቢንጊንታንዳ
ሚኢሹጉዴያና ካሣ ቤያቶም ሻንቆናቲያ ጌዳባኬ» ጌይ ቢዛም
ማሃ።

8 ቢዛኮ ጊንጾ ሃንታ ናኣቶይዳፓ ፔቲ፣ ሲሞኦኔ ጌይንታ ጳዲርሴኮ
ጌርሲ፣ ቢንዲራሴ፡-

9 «ደንጎ ዔልባ ካሣና ላምዮ ሞሎና ባኣ፣ ፔቲ ናይሰኬይ ሃካ
ባኣ፤ ጋባንቲ ዩንሢ ሃያ ቢያ ዴርም ባይጎ ማባንዳይ?» ጌዔ።

10 ዩሱሴ፡- «ባሶ ዴይሠቀቲ» ቤያቶም ጌዔ። ዩኖ ቤዛ
ቡጩታሢር ባሳ ዴዔ፤ ቢኢካ ባኣ፣ ባቲንቆ ባሶኮ ፓይዳ ደንጎ ሺያ
ማባንዳ።

11 ዩካፓ ዩሱሴ ካሣ ቤካዮ ጋላቲ፣ ዴዔ ባሶም ቢንጋንዳጉዲ
ፔኤኮ ጊንጾ ሃንታ ናኣቶም ቢንጌ። ዩያጉዲ ሞላሢያ ሃሣ ቢዛ
ጊይጾ ቢንጌም ቢያሢ ኮይሳሢጉዴያ ሙዔ።

12 ቢያሢ ሙይ ሚሸኬሰካፓ ዩሱሴ ጊንጾ ሃንታዘንሢም፡-
«ፔቲታዮ ዲኢኒ ባቲዋጉዲ ደንቦ ቡኩሱዋቲ» ጌዔ።

13 ዔያታኣ ዓሳ ሙዒ ሚሸኬ፥ ደንጎ ካሦ ደንቦ ቡኩሲ ታጾ ላምዖ ጴኤፒ ሌማቴ ኩንሣኔ።

14 ዓሳ ዩሱሴ ጾኦሲ ዎልቄና ማዲንታ ዓኮ ባኮ ማዴሢ ዛጋዖ፡- «ጎኔና ሃይ፥ ዓጮ ሙካንዳኔ ጌይንቴ፥ ጾኦሲ ማሊያ ኬኤዛሢኬ» ጌዔኔ።

15 ዓማና ዓሳ ዎልቄና ዓርቂ ዒዛ ካኣታሳኒ ማላሢ ዔራዖ ዩሱሴ ዓሶፓ ዲማዲ፥ ፔኤሮ ጌሜሪ ባንሢ ዓኣዴኔ።

ዩሱሴ ባዘይዳ ሃንቴሢ
(ማቴ. 14:22-33፤ ማር. 6:45-52)

16 ሳዓ ዓማዛ ዒዛኮ ጊንዖ ሃንታዘንሢ ጌሊላ ባዘ ባንሢ ኬዴኔ፤

17 ዩካፓ ዎኣዖና ፒንቆ ጎንጎ ቶጊ፥ ቂፒርናሆሜ ባንሢ ዓኣዲሢ ሳርቄኔ፤ ዩማና ሳዓ ዓሜንቴ ዩሱሴ ሃጊ ዔያቶ ኮራ ሙከባኣሴ።

18 ዓማና ጴኤፒ ጉዶ ዠባሬ ዠባርሻሢሮ ባዘ ዎኣዖ ዓጊፆኔ።

19 ዩሱሴኮ ጊንዖ ሃንታ ናኣታ ደንጎ ሃሣ ላሆ ሺያ ታኣኪሢ ማዓንዳያ ዎኣዖ ጊዶ ጎንጎ ዔኪ ዓኣዴሰካፓ ዩሱሴ ባዘ ዑዖይዳ ቶኪና ሃንቴ ሃንቴ ዔያቶ ባንሢ ሙካሢ ዛጋዖ ዔያታ ዲቃቴ ዒጊጨኔ።

20 ዒዚ ጋዓንቴ፡- «ታናኬ! ዒጊጨፖቴ!» ጌዔኔ።

21 ዔያታ ዎዛዲ፥ ዎኣዖና ፒንቆ ጎንጎ ጋሮ ዒዛ ዔኪ ጌልዛዘ ቤዘማና ዎኣዖና ፒንቆ ጎንጌላ ዔያታ ዓኣዳ ቤዘ ሄሌኔ።

22 ዚሮ ጉቴሎ ባዘኮ ሶ ሱኮይዳ ዓቴ ዓሳ ባዘይዳ ፔቴ ዎኣዖና ፒንቆ ጎንጊ ዓኣንቴ ዛጌኔ፤ ዩሱሴኮ ጊንዖ ሃንታ ናኣታ ፔኤሮ ዴንዴሢና ዩሱሴ ዔያቶና ዎላ ዎኣዖና ፒንቆ ጎንጎ ጋሮ ጌሊባኣሢ ዔሬኔ።

23 ጋዓንቴ ሜሌ ዎኣሢና ፒንቆ ጎንጊ ዒብራዶሴፓ ዔቂ ዩሱሴ ጾኦሲ ጋላቴ ዴሮ ካሦ ሙኡዜ ቤዘ ሙከኔ።

24 ዴራ ዩሱሴ ማዔቴያ ዒዛኮ ጊንዖ ሃንታዘንሢ ዒኣካ ባኣሢ ዛጋዖ ዩንሢ ዎኣዖና ፒንቆ ጎንጎንሢ ቶጊ ዩሱሴ ኮዒ፥ ቂፒርናሆሜ ዓኣዴኔ።

ዩሱሴኮ ሺምፖ ካሣ ማዒዖ

25 ባዘኮ ሱኮይዳ ዒዛ ዔያታ ዴንቃዖ፡- «ዔርዛሢዮ! ሃይካ ኔ ዎዳኣ ዎዳ ሙከይ?» ጌዔኔ።

26 ዩሱሴ ዔያቶም፡- «ጎኔ ታ ዒንሢም ጋዓኔ፤ ዒንሢ ታና ኮዓሢ ካሦ ሙይ ሚሸኬሢሮ ማዓንዳኣፓዓቴም ጾኦሲ ዎልቆና ማዲንቴ ዓኮ ባኮ ዛጌሢሮቴዎሴ።

27 ባይቃ ካሣም ማዲፖቴ፤ ባሺና ዓሲ ናዓሢ ዒንሢም ዒንጋ፥ ናንጊና ናንጊ ሺምፖም ማዓንዳ ካሦም ማዲዎቴ፤ ጾኦሲ፥ ዓዳሢ

ፔኤኮ ናዓሢ ዒዛሮ ማዔሢ ዔርዛ ማላቶ ዒዛይዳ ዓይሤኔ»
ጌዔኔ።

28 ዓሳኣ፡- «ሂዳዖ ኑኡኒ ያኦሲ ማዶ ማዳኒ ዓይጎ ማዳንዳያ ኑና
ኮይሳይ» ጌዔኔ።

29 ዩሱሴ፡- «ዒንሢ ማዳንዳጉዲ ያኦሲ ኮዓ ማዳ ዒዚ ዳኬሢ
ጉሙርቂ ዔኪሢኔ» ጌይ ዔይቶም ማሃኔ።

30 ዔይታ ዒዛ ኮራ፡- «ኑኡኒ ዛጊ ኔና ጉሙርቂ ዔካንዳጉዲ ዓይጎ
ያኦሲ ዎልቁና ማዳንታ ዓኪ ባኣዚ ኔ ዳዋንዳይ? ሃሃ ዓይጎ ኔ
ማዳንዳይ?

31 ጌዔታ ሙዓንዳጉዲ ጫሪንጫፓ ካሢ ዔይቶም ዒንጌ
ጌይንቲ ያኦፒንቲሢጉዲ ኑኡኮ ዓዳንሢ ዓሲ ናንጉዎ ዳውሎይዳ
ማና ጌይንታ ካሃ ሙዔኔ» ጌዔኔ።

32 ዓማና ዩሱሴ ዔይቶም፡- «ጎኔ ታ ዒንሢም ጋዓኔ፤ ጫሪንጫፓ
ኬዴ ካሃ ዒንሢም ዒንጌሢ ሙሴቱዎሴ፤ ጎኑም ካሃ ጫሪንጫፓ
ዒንሢም ዒንጋሢ ታኣኮ ዓዳሢኔ፤

33 ዒዚ ዒንጋ ካሢ ጫሪንጫፓ ኬዳያ ሃሃ ዓጪም ሸምፖ
ዒንጋያኔ» ጋዓዛ።

34 ዓሳ፡- «ጎዳሢዮ! ዩያጉዴ ካሃ ቢያ ዎዴ ኑም ዒንጌ» ጌዔኔ።

35 ዩሱሴ ዔይቶም፡- «ሸምፖኮ ካሢ ታናኔ፤ ታ ኮራ
ሙካሢ ፔቲታዖ ናይዳንታዓኔ፤ ታና ጉሙርቂ ዔካሢያ ፔቲታዖ
ዴኤቢንታዓኔ፤

36 ዒንሢ ጋዓንቲ ታና ዛጌያታዖ ጉሙርቂ ዔኪባኣሢሮ ታ
ዒንሢም ሃያ ጋዓኔ።

37 ዓዴ ታኣም ዒንጋሢ ቢያ ሃንጋ ታ ባንሢ ሙካንዳኔ፤ ሃንጋ ታ
ባንሢ ሙካሢያ ሴካ ዙሎ ታ ኬሳዓኔ።

38 ዓይጎሮ ጌዔቲ ታኣኒ ጫሪንጫይዳፓ ኬዴሢ ታና ዳኬሢኮ
ማሊያ ኩንሢኒ ማዓንዳኣፓዓቲም ታ ማሊያ ኩንሢኒቱዎሴ።

39 ታና ዳኬሢኮ ማሊያ፡- ዒ ታኣም ዒንጌዘንሢዳፓ ቢያ ፔቲታኣ
ባይዙዎፓ ጋፒንያ ኬሎና ናንጊና ናንጊ ሸምፖ ዴንቃንዳጉዲ
ሃይቢፓ ታ ዔይቶ ዔቂሳንዳኔ።

40 ሂዮ፤ ታ ዓዳሢኮ ማሊያ ናዓሢ ዛጊ ዒዛ ጉሙርቂ ዔኬሢ ቢያ
ናንጊና ናንጊ ሸምፖ ዴንቃንዳጉዲኔ፤ ታኣኒያ ጋፒንያ ኬሎና ዒዛ
ናንጊና ናንጊ ሸምፖ ዴንቃንዳጉዲ ሃይቢፓ ዔቂሳንዳኔ» ጌዔኔ።

41 ዩሱሴ፡- «ጫሪንጫይዳፓ ኬዴ ካሢ ታናኔ» ጌዔሢሮ
ዓይሁዶ ዓሳ ዒዛ ዑፃ ጉንዲሚሢ ዓርቄኔ።

6:31 ኬሲ. ማፃ 16:4፤15፤ ዓይኑ. 78:24።

42 ዔያታ ዒዛ፡- «ሃይ የሴፔ ናዓሢ፣ ዩሱሴቱዋዓዳ? ዓደና ዒንደና ዒዛኮ ኑ ዔራዘንሢቱዋዓዳ? ሂዳዎ ሃሢ ዒዚ ለጩሪንካፓ ታ ኬዴኔ» ዋይቲ ጋዓይ?» ጌዔኔ።

43 ዩሱሴ ዔያቶም ማሃዎ «ታ ዛሎ ዋላ ጉንዲሚፖቲ፤

44 ታና ዳኬ፣ ዓዴ ዔኪ ሙኪባኣ ዓሲ ማዔቲ ታ ባንሢ ሙካኒ ዳንዳዓ ዓሲ ያኣኒያ ባኣሴ፤ ሃንጋ ታ ባንሢ ሙካሢያ ጋፒንዎ ኬሎና ናንገና ናንገ ዴንቃንዳጉዲ ሃይቢዳፓ ታ ዔቁሳንዳኔ።

45 ያኣሲ ማሊያ ኬኤዛ ዓሶ ማፃኣፖይዳ፡- «ዓሳ ቢያ ያኣሲዳፓ ዔሬያ ማዓንዳኔ» ጌይንቲ ፃኣፒንቲኔ፤ ዬያሮ ዓደይዳፓ ዋይዚ ዔሬሢ ቢያ ሃንጋ ታ ባንሢ ሙካንዳኔ።

46 ዬይ ያዲ ማዓዛ ዓደ ዛጌ ዓሲ ዓኣኔ ጌይሢቱዋሴ። ዓደ ዛጌሢ ያኣሲ ኮራፓ ሙኬሢ ሌሊኬ።

47 ጎኔ ታ ዒንሢሚም ጋዓኔ፤ ታና ጉሙርቂ ዔካሢኮ ናንገና ናንገ ዓኣኔ።

48 ታኣኒ ሸምፖኮ ካሣኬ፤

49 ዒንሢኮ ዓደንሢ ዓሲ ናንጉዋ ዳውሎይዳ ማና ጌይንታ ካዎ ሙዔኔ፤ ጋዓንቲ ዔያታ ሃይቁኔ፤

50 ጩሪንጩይዳፓ ኬዴ ካሣ ሃያታሢሮ፣ ሃያ ካሦ ሙዓሢ ፔቲታዎ ሃይቃዓኬ።

51 ጩሪንጩፓ ኬዴ፣ ናንገና ባይቁዋ ካሣ ታናኬ፤ ሃሩ ካሦይዳፓ ሙዓሢ ቢያ ናንገና ናንጋንዳኔ፤ ዓጮም ሸምፖ ማዓንዳጉዲ ታኣኒ ዒንጋ ካሣ ታናኬ» ጌዔኔ።

52 ዬማና ዓይሁደ ዓሳ፡- «ሃይ ዓሢ ዒዛ ኑ ሙዓንዳጉዲ ዋዲ ኑም ፔና ዒንጋኒ ዳንዳዓይ?» ጌይሢና ዋላ ማርሜኔ።

53 ዬያሮ ዩሱሴ ዔያቶም፡- «ጎኔ ታ ዒንሢሚም ጋዓኔ፤ ዓሲ ናዓሢ ዒንሢ ሙዒባኣቲ ሃሣ ሱጉዎዋ ዒንሢ ዒዛኮ ዑሽከባኣቶ ዒንሢኮ ናንገ ሸምፓ ባኣሴ።

54 ታና ሙዓሢና ሱጉዎዋ ታኣኮ ዑሽካሢኮ ቢያ ናንገና ናንገ ሸምፓ ዓኣኔ፤ ታኣኒያ ጋፒንዎ ኬሎና ዒዛ ናንገና ናንገ ዴንቃንዳጉዲ ሃይቢዳፓ ዔቁሳንዳኔ።

55 ዓይጎሮ ጌዔቲ ታኣኒ ጎኔ ሙኡዚ፤ ሱጉፃኣ ታኣኮ ጎኔ ዑሽኬ።

56 ታና ሙዓሢና ሱጉዎዋ ታኣኮ ዑሽካሢ ቢያ ታኣና ናንጋንዳኔ፤ ታኣኒያ ዒዛና ናንጋንዳኔ።

57 ናንገና ባይቁዋ፣ ዓዴ ታና ዳኬም ታኣኒያ ዒዛና ናንገና ባይቁዋያ ማዒ ናንጋሢጉዲ ታና ሙዓሢያ ቢያ ታኣና ናንገና ባይቁዋያ ማዒ ናንጋንዳኔ።

58 ዓካሪ ጫሪንጮይዳፓ ከዴ ካሣ ሃያኩ፤ ዩይያ፡- ዲንሢኮ ዓደንሢ ሙዔሢ ጉዴያቱቀሴ፤ ዓይጎር ጌዔቲ ዩኖ ካሃ ሙዔ ዓሳ ሃይቄኔ፤ ሃኖ ካሃ ሙዔሢ ጋዓንቲ ናንጊና ናንጋንዳኔ» ጌዔኔ።

59 ዩሱሴ ዩያ ከኤዜሢ ቁፒርናሆሜይዳ፣ ዓይሁዶ ዓሶኮ ቡኪንቶ ቤዛ ዔርዚቤቃኩ።

ናንጊና ናንጊ ሸምፖ ቃኣላ

60 ዒዛ ዔሪ፣ ዒዛ ዓሲ ማዔ ዓሶይዳፓ ሚርጌዞንሢ ዩያ ቀይዞያ፡- «ሃይ ዴኤሢ ጌኤሲኩ፤ ያኦኒ ጎኔኩ ጌይ ዔካኒ ዳንዳዓንዳይ?» ጌዔኔ።

61 ዔያታ ዩኖ ባኮ ዛሎ ጉንዲማሢ ፔ ዓያኖና ዩሱሴ ዔራያ፡- «ሃይ፣ ዲንሢ ዳሲሳ ባኣዚዳ?»

62 ዓሲኮ ናዓሢ ዎንዴ ዓኣ ቤዞ ማዒ ከሰካሢ ዲንሢ ዛጋያ ዎዚ ጋዓኒዳይ?

63 ሸምፖ ዲንጋሢ ያኦሲ ዓያናኩ፤ ዓሲኮ ዎልቄ ጋዓንቲ ዓይጎዎ ማኣዲቀሴ፤ ታኣኒ ዲንሢ ስም ከኤዞ ቃኣላ ሸምፖ ዲንጋ ዓያናኩ፤

64 ጋዓንቲ ዲንሢ ባኣኮይዳፓ ፔቲ ፔቲ ዩያ ጉሙርቁዎ ዓሲ ዓኣኔ» ጌዔኔ። ዩሱሴ ዩያ ጌዔሢ ቤርታፓ ዓርቃያ ዒዛ ጉሙርቁዎኣሢና ዒዛ ዓኣሢ ዲንጋንዳሢ ያናታቶዎ ዔራሢሮኩ።

65 ሄሊሳያ ዩሱሴ፡- «ዓዴ ዓይሢያ ማዒ ባኣያታቶ ታ ባንሢ ሙካኒ ዳንዳዓይ ባኣሴ ታ ዲንሢ ጌዔሢ ዩያሮኩ» ጌዔኔ።

66 ዩያይዳፓ ዔቁያና ዒዛ ዔሪ፣ ዒዛ ዓሲ ማዔ ዓሶይዳፓ ሚርጌሢ ጊንሢ ማዔኔ፤ ዩማፓ ዓርቃያ ዔያታ ዒዛ ጊንያ ሃንቲያ ሃሽኔ።

67 ዩያር ዩሱሴ ታጾ ለምዎንሢ ኮራ፡- «ዲንሢያ ሃሽ ዓኣዳኒ ኮዓ?» ጌዔኔ።

68 ዩማና ሲሞኦኔ ጌይንታ ጳዒሮሴ ማሃያ፡- «ጎዳሢያ! ኦኡኒ ያ ባንሢ ዓኣዳንዳይ? ኔኤኮ ናንጊና ናንጊ ሸምፖ ቃኣላ ዓኣኔ።

69 ኦኡኒ ኔና ጉሙርቁ ዔኩኔ፤ ያኦሲ ስም ዲማዴያ ዒዛኮ ናዓሢ ኔና ማዔሢያ ኦ ዔራኔ» ጌዔኔ።

70 ዩሱሴያ፡- «ታናቱቀይ ዲንሢ፣ ታጾ ለምዎንሢ ደኦሬሢ? ጋዓንቲ ዲንሢ ዳፓ ፔቲሢ ጻላሄኩ» ዔያቶም ጌዔኔ።

71 ዩያ ዒ ጌዔሢ ሲሞኦኔ ናኣዚ፣ ዓሰቆርንቶ ዓጮ ዓሢ፣ ዩሁዳ ዛሎሮኩ፤ ዓይጎር ጌዔቲ ዩሁዳ ዎዚ ታጾ ለምዎንሢ ዳፓ ፔቲሢ ማዔቲያ ዩሱሴ ዓኣሢ ዲንጋሢ ዒዛ ማዔሢሮኩ።

6:69 ማቲ. 16:16፤ ማር. 8:29፤ ሉቃ. 9:20።

7

ዩሱሴ ወልሾ ዴማ ቦንቺንታ ቦንቸር ዩሩሳላሜ ዓኣጳሤ

1 ዩካፓ ዩሱሴ ጌሊላ ዓጮይዳ ሴካ ሃንጋ ሃንታኔ፤ ዪሁዳ ዓጮይዳ ጋዓንቴ ሃንታኒ ኮይባኣሴ፤ ዓይጎር ጌዔቴ ዓይሁዶ ዓሶ ዎይሣ ዓሳ ዒዛ ዎዳኒ ኮላሢርኬ።

2 ዬኖ ዎዶና ዓይሁዶ ዓሶኮ ወልሾ ዴማ ዴሲ ቦንቸ ኬላ ዑኬኔ።

3 ዬያር ዩሱሴኮ ጌርሲንሢሢ ዒዛ ኮራ ሙካዎ፡- «ኔኤኮ ጊንፆ ሃንታዞንሢሢ ኔኤኒ ፆኦሲ ዎልቄና ማዳ ዓኮ ባኮ ዛጋንዳጉዲ ሃካፓ ኬሰኪ ዪሁዳ ዓጮ ዓኣጳጳ፤

4 ዓይጎር ጌዔቴ ፔጌና ዔርታኒ ኮዓ ዓሲ ማዳ ፔኤሲ ዓኣቺ ማዳዎሴ፤ ኔኤኒያ ሃያ ባኮ ቢያ ማዳ ዎዶና ኔና ኔ ዓጮዎ ፔጋሲ ዔርዛንዳያ ኮይሳኔ» ጌዔኔ።

5 ዬያ ዔያታ ጌዔሢሢ ዒዛኮ ጌርሲንሢሢታዎ ዒዛ ጉሙርቂ ዔኪባኣሢሢሢ።

6 ዩሱሴ ዔያቶም፡- «ታ ዎዳ ሃጊ ሄሊባኣሴ፤ ዒንሢሢ ዎዳ ጋዓንቴ ቢያ ዎዳ ጊኢጌያኬ።

7 ዓጬ ዒንሢሢ ዒፃኒ ዳንዳዑዎሴ፤ ታና ጋዓንቴ ዒፃኔ፤ ዓይጎር ጌዔቴ ታኣኒ ዓጮኮ ማዳ ፑርታ ማዔሢ ማርካዳሢሢሢ።

8 ዒንሢሢ ጋዓንቴ ቦንቸ ኬሎር ዓኣዳዎቴ፤ ታኣኮ ዎዳ ሃጊ ሄሊባኣሢሢ ዬኖ ቦንቸ ኬሎ ቤዞ ታ ዓኣዳዓኬ» ጌዔኔ።

9 ዬያ ጌዒጋፓ ዒዚ ጌሊላይዳ ዓቴኔ።

ዩሱሴኮ ቦንቸ ኬሎ ቤዞ ዓኣዳዳ

10 ጋዓንቴ ዒዛኮ ጌርሲንሢሢ ቦንቸ ኬሎ ቤዞ ዓኣጳሢኮ ጊንፆ ዒዚ ዓኣሺንቴ ዬኖ ቤዞ ዴንዴኔ።

11 ዬኖ ቤዞይዳ ዓይሁዶ ዓሶ ዎይሣ ዓሳ፡- «ዬይ ዓሢ ዎካዳይ?» ጌዒ ጌዒ ዒዛ ኮዓኔ።

12 ዴራ ዒዛ ሚርጌና ድንካኔ፤ ዒማና ፔቴ ፔቴዞንሢሢ፡- «ዒዚ ኮሺ ዓሲኬ» ጋዓዛ፡ ዛላ፡- «ያዲቲዎሴ፤ ዒዚ ዴር ዳዳቢሻኔ» ጋዓኔ።

13 ያዲ ማዔቶዎ ዓይሁዶ ዓሶኮ ዎይሣ ዓሶ ዒጊጨሢሢ ፆኦኒያ ዒዛ ዛሎ ፔጌና ጌሰቲባኣሴ።

14 ዬኖ ቦንቸ ኬሎኮ ሄካሰካ ዩሱሴ ጌኤዦ ማኣሪ ዓኣዳ ዔርዚሢሢ ዓርቂ።

15 ዓይሁዶ ዓሶ ዎይሣ ዓሳ፡- «ሃይ ዓሢ ዓሲዳፓ ዔሪባኣያታዎ ሃያ ቢያ ዎዲ ዔራኒ ዳንዳዔይ?» ጌዒ ጌዒ ዲቃቲ ሄርሼኔ።

7:2 ለዊ. ዓክ 23:34፤ ላሚ. ዎማ 16:13።

16 ዬያሮ ዬሱሴ፡- «ታ ዔርዛ ባካ ታና ዳከ፡ ታ ዓደይዳፓ ዒንጊንቴያ ማዓንዳኣፓዓቴም ታጊዳፓቴቀሴ።

17 ታና ዳከህከ ዓይሂያ ከንህኒ ከዓያ ዓኣቶ ሃይ ታኣኮ ዔርዚያ ጾኦሲዳፓ ዒንጊንቴቴያ ሃሃ ታኣኒ ታ ቶኣካፓ ዔኪ ከኤዛያ ማዔቴያ ዲማሲ ዔራንዳኔ።

18 ፔ ቶኣካፓ ከኤዛህ ፔ ቦንቾ ኮዓኔ፤ ዳከህ ሰንቾም ማዳህ ጋዓንቴ ጎኡሞ ዓኣያከ፡ ሉኡዙሞዎ ዒዛይዳ ባኣሴ።

19 ሙሴ ዒንህም ዎጌ ዒንጊባይ? ጋዓንቴ ዒንህዳፓ ዎጎ ከንህይ ጾኦኒያ ባኣሴ። ዒንህ ዓይጎር ታና ዎዳኒ ኮዓይ?» ጌዔ።

20 ዴራኣ፡- «ሃይ ኔ፡ ፑርቶ ዓያና ዓርቄህ ሃይ! ጾ ኔና ዎዳኒ ኮዔይ?» ጌዔ።

21 ዬሱሴ ዔያቶም፡- «ታኣኒ ፔቴ ማዳ ማዳ፤ ዒንህ ሲያህ ዬኖ ማዳሎ ዲቃቴ ሄርሼ።

22 ሙሴ ዓቴንቴ ቤርቴ ቴቁህ ዎጌ ዒንህም ዒንጌ፤ ዬይ ዎጋ ዒንጊንቴህ ዒንህከ ዓደንህዳፓ ማዓንዳኣፓዓቴም ሙሴይዳፓቴቀሴ፤ ዓካሪ ዒንህ ሃውሾ ከሎናታዎ ዓሲኮ ዓቴንቴ ቤርቴ ቴቴቃ።

23 ዓካሪ፡ ሙሴ ዔርዜ ዎጋ ዓቴዎጉዲ ዓሲ ሃውሾ ከሎና ዓቴንቴ ቤርቴ ቴቁንታያ ማዔቴ ታኣኒ ሃውሾ ከሎና ዓሲ ሸምፖ ዳቂሼህር ዓይጎር ታ ዑፃ ዒንህ ጎሪንታይ?

24 ዓሲ ዛጊ፡ ዲማሲ ዎጊያይዳፓ ፒዜ ዎጌ ዎጉዎቴ» ጌዔ።

ሜሲሄ ዛሎ ዔቄ ማርሞ

25 ዬሩሳላሜ ዓሶይዳፓ ፔቴ ፔቴዘንህ፡- «ዓይሁዶ ዓሶኮ ሱኡጋ ዎዳኒ ኮዓ ዓህ ሃያቴዎዓዳ?

26 ሃይሾ ዒዚ ሃህ ፔጌና ከኤዛኔ፤ ዔያታ ዒዛ ኮይላ ፔቴታዎ ዔኤቢ ጌይባኣሴ፤ ሃይ ዓህ ሜሲሄ ማዔህ ዎይህ ዓሳ ጎናሲ ዔዔሪሞ?

27 ጋዓንቴ ኦኡኒ ሃይ ዓህ ዓንካፓታቴ ዔራ፤ ሜሲሄ ሙካኣና ዓንካፓታቴያ ዔራንዳያ ጾኦኒያ ባኣሴ» ጌዔ።

28 ዬያሮ ዬሱሴ ጌኤዠ ማኣሮይዳ ዔርዛዎ ዑኡዘ ፔኤሲ ዳጊዲ፡- «ታና ዒንህ ዔራ፤ ታኣኒ ዓንካፓ ሙከቴያ ታና ዒንህ ዔራ፤ ጋዓንቴ ታኣኒ ታ ቢታንቶና ሙኪባኣሴ፤ ታና ዳከህ ጎኡሞ ዓኣያከ፤ ዒንህ ዒዛ ዔሩዎሴ።

29 ታኣኒ ጋዓንቴ ዒዛ ኮራፓ ሙከህር ሃሃ ዒዚ ታና ዳከህር ታ ዒዛ ዔራ፤» ጌዔ።

7:22 ማዢ. ማፃ 17:10፤ ሊዊ. ዓከ 12:3። 7:23 የሃ. 5:9።

30 ዲሞና ዴያታ ዲዛ ዳርቃኒ ኮዴያታንቴ ዎዳ ዲዛኮ ሃጊ ሄሊባአሢሮ ያኦኒያ ዲዛ ዳርቁባኦስ።

31 ጋዳንቴ ዴሮይዳፓ ሚርጌ ዓሲ ዲዛ ጉሙርቁ ዴካዎ፡- «ሜሲሄ ሙካ ዎዳና ሃይ ዓሢ ማዴ ያኦሲ ዎልቆና ማዲንቴ ዓኮ ባኮይዳፓ ባሼ ማዳንዳ?» ጌዴኔ።

ዩሱስ ዳርቃንዳጉዲ ጌኤዮ ማኦር ካፓ ዓሶኮ ዳከንቴዎ

32 ዴራ ዩሱስ ዳንካሢ ፔርሴ ዓሳ ዎይዜኔ፤ ዩያሮ ቁኤሶኮ ሱኡጎና ፔርሴ ዓሶና ዩሱስ ዳርቃኒ ጌኤዮ ማኦር ካፓ ዓሶ ዳከኔ።

33 ዩሞና ዩሱስ፡- «ዲንሢና ዎላ ዳካ ዎዴ ታ ዴዓንዳኔ፤ ዩካፓ ታና ዳከሢሢ ባንሢ ታ ዓኦዳንዳኔ፤

34 ዲንሢ ታና ኮዳንዳኔ፤ ጋዳንቴ ዲንሢ ታና ዴንቃዓከ፤ ታኦኒ ዓኦ ቤዘ ዲንሢ ሙካኒ ዳንዳዲንዳዎሴ» ጌዴኔ።

35 ዩያሮ ዳይሁዶ ዓሶ ዎይሢ ዓሳ ዎሊ ኮይላ፡- «ኦኡኒ ዲዛ ዴንቁዎጉዲ ሃይ ዓሢ ዓንኮ ዓኦዳኒዳይ? ጎያንቴ ጌሪከ ዓጮ ዓሶ ባኦካ ላኦሊንቴ ዓኦ፣ ዳይሁዶ ዓሶ ባኦኮ ዓኦዲ ጌሪኮ ዓሶ ዴርዛኒዎ?»

36 «ዲንሢ ታና ኮዳንዳኔ፤ ጋዳንቴ ዲንሢ ታና ዴንቃዓከ፤ ታኦኒ ዓኦ ቤዘዎ ዲንሢ ሙካኒ ዳንዳዲንዳዎሴ» ጌይዎ ዲዛኮ ዎዚ ጌይሢዳይ?» ጌዴኔ።

ናንጊና ናንጊ ዎኦሢ

37 ቦንቾ ከሎኮ ጋፒንዎ ማዴ፣ ዴኤፖ ከሎና ዩሱስ ዴቁጋፓ ዑኡዘ ዴጊዲ፡- «ዎኦሢ ዴኤቤይ ዓኦቶ ሃኒ ታ ኮራ ሙኪ ዑሽኮንጎ፤

38 ታና ጉሙርቁ ዴካሢኮ ጌኤዮ ማፃኦፓ ጋዓሢጉዲ ናንጊና ናንጊ ዎኦሢ ጋራፓ ዓልቃንዳኔ» ጌዴኔ።

39 ዩያ ዲ ጌዴሢ ዲዛ ጉሙርቁዞንሢ ዴካንዳ ዳያሮ ዛሎከ።። ዳይጎሮ ጌዴቴ ዩሱስ ሃይቁ ሌካ ዴውታ ዎዳ ሄሊባአሢሮ ዳያሮ ጌኤዮ ሃጊ ዲንጊንቴባኦያከ።።

ዴሮኮ ባኦካ ማዢንቴ ፓቁንቴዎ

40 ዴሮኮ ባኦኮይዳፓ ፔቴ ፔቴዞንሢ ዩያ ቃኦሎ ዎይዘዎ፡- «ሙካንዳኔ ጌይንቴ ያኦሲ ማሊዎ ከኤዛሢ ጎኔና ሃያከ» ጌዴኔ።

41 ዛላ ሃሢ፡- «ሃይ ሜሲሄከ» ጌዴኔ። ዓቴ ዓሳ ጋዳንቴ፡- «ሜሲሄ ሙካሢ ጌሊላ ዓጮይዳፓዳ?»

7:37 ሌዊ. ዓከ 23:36። 7:38 ሂዚ. 47:1፤ ዛካ. 14:8።

42 መሲሄ ዳውቲ ዜርፃፓ ሸይንታንዳሢና ዳውቲ ካታሞ ቤኤቴሌሄመይዳፓ ሙካንዳሢ ጌኤዡ ማፃአፖይዳ ፃአፒንተባአዓዳ?» ጌዔኔ።

43 ዬያር ዒዛ ዛሎና ዴር ባአካ ፓቂንተሢ ማዢንጉቴ።

44 ፔቴ ፔቴዘንሢ ዒዛ ዓርቃኒ ኮዔንቴ ያኦኒያ ዒዛ ዓርቂባአሴ።

ዓይሁደ ዓሶ ዎይሢ ዓሶኮ ዬሱሴ ጉሙርቂ ዔኩዎፖ ሃሺያ

45 ዬካፓ ጌኤዡ ማኦር ካፓዘንሢ ቂኤሶ ሱኡጎና ፔርሴ ዓሶና ባንሢ ዓአዴኔ፤ ዬና ፑኡፖ ዓሳ፡- «ዒዛ ዒንሢ ዓይጎር ዔኪ ሙኪባአይ?» ዔያቶ ኮራ ጌዔኔ።

46 ጌኤዡ ማኦር ካፓዘንሢያ፡- «ሃይ ዓሢ ከኤዛሢጉዲ ያኦኒያ ከኤዚ ቤቂባአሴ» ጌይ ማሄኔ።

47 ፔርሴ ዓሳ ጋዓንቴ፡- «ዒንሢያ ሃሢ ዳቢንቴያ?»

48 ዎይሢ ዓሶና ፔርሴ ዓሶናይዳፓ ዒዛ ጉሙርቂ ዓሲ ዓአኖ?»

49 ሃይ ሙሴ ዔርዜ ዎጎ ዔሩዎ ዴራ ጎኔና ጋዳንቂንቴያኬ» ጌዔኔ።

50 ዒማና ሃያኮ ቤርታ ዬሱሴ ኮራ ዓአዴ፥ ፔርሴ ዓሶ ዛላፓ ማዔ፥ ኒቆዲሞሴ፡-

51 «ኦኡኮ ዎጎ ጎይያና ፔቴ ዎጌና ዓርቂንቴ ዓሢኮ ጌኤዘ ዎይዙዎፖ ሃሢ ዓይጎ ማዴቴያ ዔሩዎፖ ዎጌ ዎጊንታ?» ጌዔኔ።

52 ዔያታ ማሃ፡- «ኔኤኒያ ጌሊላ ዓጮይዳፓዳ? ያኦሲ ማሊሢ ከኤዛይ ጌሊላ ዓጮይዳፓ ዔቂንዲዎአሢ ማፃአፖ ኮሺ ማሂ ዛጊ ዔሬ» ዒዛሞ ጌዔኔ። [

53 ዬካፓ ፔቴ ፔቴሢ ፔኤኮ ማኦሪ ማኦሪ ዴንዴኔ።

8

ዓቲንቆና ዘአዛ ኮአሚ ዓርቂንቴ ላአሌሎ

1 ዬካፓ ዬሱሴ ዛይቴ ሪሚቲ ዲካ ጌይንታ ቤዘ ዴንዴኔ።

2 ዚሬሎ ጉቴ ዓመ ጌኤዡ ማኦሪ ዒ ማዒ ሙካንቴ ዴራ ቢያ ዒዛ ባንሢ ሙካዛ፡ ዒዚ ዴዒ ዔርዚሢ ዓርቂ።

3 ሙሴ ዔርዜ ዎጎ ዔርዛ ዓሶና ፔርሴ ዓሶና ዓቲንቆና ዘአዜይዳ ኮአማንቴ ዴንቆ ላአሊሰኬኖ ዔኪ ሙኪ ዴርኮ ባአካ ዔቂሳያ፡

4 ዬሱሴ ኮራ፡- «ዔርዚሢያ! ሃይሾ፡ ሃና ላአሌላ ዓቲንቆና ዘአሰካ ኮአሚ ዓዲንቴኔ፤

5 ሃኖጉዴ ላአላ ሹቺና ዲይንቲ ሃይቃንዳጉዲ ሙሴ ኦኡኮ ዎጎይዳ ኦና ዓይሄኔ፤ ኔኤኒ ዒዛ ዛሎ ዎዚ ጋዓይ?» ጌዔኔ።

7:42 2ሳሙ. 7:12፤ ሚኪ. 5:2። 7:50 የሃ. 3:1-2። 8:5 ሊዊ. ዓኬ 20:10፤ ላሚ. ዎማ 22:22-24።

6 ይያ ዔያታ ጌዔሢ ዒዛ ዎጎና ዓይሢሳንዳ ዳቢንቲ ዴንቃኒ ኮሳሢሮኬ፤ ዩሱሴ ጋዓንቴ ሂርኪ ጌይ ፔኤኮ ኬኤሎና ሳዓ ፃአፒሢ ሳርቄ፤።

7 ለሚ ለሚ ዒዛ ዔያታ ያኤጫዛ ዒዚ ዴግ ጋዓዖ፡- «ዒንሢ ባኣካፓ ጎሜ ባኣሢ ቤርታዲ ዒዛ ሹቸና ዲያንጎ» ጌዔ፤።

8 ዩካፓ ለሚ ሃሣ ሂርኪ ጋዓዖ ሳዓ ፃአፔ፤።

9 ዔያታ ይያ ዋይዚ ጨሞይዳፓ ዓርቃዖ ቢያሢ ፔቴ ፔቴ ኬሰኪ ኬሰኪ ዴንዴሢሮ ዩሱሴ ላኣሌሎና ዎላ ሌሊ ዓቴ፤።

10 ዩካፓ ዩሱሴ ዴግ ጋዓዖ፡- «ዔናኣሬ፤ ኔና ዓርቁ ዔኪ ሙኬ ዓሳ ዎካዳይ? ኔ ጌዳ ዎጌ ዓሲ ባኣዓዳ?» ጌዔ፤።

11 ዒዛ ማሃዖ፡- «ጎዳሢዮ! ያኣኒያ ባኣሴ» ጌዔ፤።

ዩሱሴያ፡- «ታኣ ኔ ዑፃ ዎጋዓኬ፤ ዓኣዴ፥ ለሚ ጎሜ ማዲፖ» ዒዛሞ ጌዔ፤።*

ዩሱሴ ዓጮኮ ፖዔ ማዔሢ

12 ለሚ ሃሣ ዩሱሴ፡- «ታኣኒ ዓጮኮ ፖዒኬ፤ ታ ገንዖ ሃንታሢ ቢያ ናንጊ ፖዒ ዴንቃንዳ፤ ዲሚዳኣ ሃንቲንዲሞሴ» ጌይ ኬኤዜ፤።

13 ፔርሴ ዓሳ፡- «ኔኤኒ ኔ ዛሎ ኔኤሮ ማርካዳሢሮ ኔኤኮ ማርካታ ጎኔቱሞሴ» ጌዔ፤።

14 ዩሱሴ ዔያቶሞ፡- «ታኣኒ ታ ዛሎ ማርካዳያ ማዔያታቴያ ዓንካፓ ታ ሙኬቶ ሃሣ ታ ዓንኮ ዓኣዳቶ ታ ዔራሢሮ ታኣኮ ማርካዳያ ጎኔኬ፤ ዒንሢ ጋዓንቴ ዓንካፓ ታ ሙኬቶ ሃሣ ዓንኮ ታ ዓኣዳቶዎ ዔራ ባኣዚ ባኣሴ፤።

15 ዒንሢ ዓሲ ማሊሢጉዲ ዎጋ፤ ታኣኒ ጋዓንቴ ዩያጉዲ ዖ ዑያይዳኣ ዎጉሞሴ፤።

16 ታኣኒ ዎጌቴያ ታኣኮ ዎጊፃ ፒዜኬ፤ ዓይጎሮ ጌዔቴ ታኣኒ ታኣሮ ሌሊ ዎጉሞሴ፤ ታና ዳኬ ዓዴያ ታኣና ዎላኬ፤።

17 ለሞዖ ዓሲኮ ማርካታ ጎኔ ማዓሢ ዒንሢኮ ዎጎይዳ ፃአፒንቴ፤።

18 ታ ዛሎኮ ፔቴ ማርካሢ ታናኬ፤ ሃንጎ ማርካሢ ታና ዳኬ፥ ታ ዓዳሢኬ» ጌዔ፤።

19 ዩካፓ ዔያታ፡- «ኔኤኮ ዓዴ ዓንካዳይ?» ጌይ ዒዛ ያኤጫዛ፥ ዩሱሴ ማሃዖ፡- «ታና ማዔቴያ ታኣኮ ዓደዎ ዒንሢ ዔራሞሴ፤ ታና ዒንሢ ዔሬያታቶ ታ ዓደዎ ዒንሢ ዔራንዳያኬ» ዔያቶሞ ጌዔ፤።

8:6 ዓ.ር. 17:13። * **8:11** ቤርታኣ ማፃኣፓ ሚርጌሢ፡- ሃኖ ቤዜሎ (7:53—8:11) ጌዳ ቃሰሞሴ፤ ፔቴ ፔቴ ማፃኣፓ ዮሃ. 21:24ኮ ገንፃ ጌልዛ፤ ሃሣ ሚሊ ማፃኣፔ ሉቃ. 21:38ኮ ገንፃ ጌልዛ፤ ፔቴ ማፃኣፔ ዮሃ. 7:36ኮ ገንፃ ጌልዛ፤። **8:12** ማቴ. 5:14፤ ዮሃ. 9:5። **8:13** ዮሃ. 5:31።

20 ዬሱሴ ዬያ ቃኣሎ ከኤዜሢ ጌኤዢ ማኣራ፣ ሚኒሾ ዔኮ ሳኣዲኖ ዓጫ ዴዒ ዔርዚቤቃኩ። ዬይ ያዲ ማዔቴያ ዎዳ ዒዛኮ ሃጊ ሄሊባኣሢሮ ያኣኒያ ዒዛ ዓርቁባኣሴ።

ያኣሲ ጉሙርቁሢ ዓተሢ ዛላ ከኤዚንቴ ላተሢ

21 ለሚ ዬሱሴ ሃሢ፡- «ታኣኒ ዓኣዲንዳኔ፤ ዒንሢያ ታና ኮዓንዳኔ፤ ጋዓንቴ ዒንሢ ዒንሢኮ ጎሞና ዎላ ሃይቃንዳኔ፤ ታኣኒ ዴንዳ ቤዘዎ ዒንሢ ሙካኒ ዳንዳዑዎሴ» ጌዔኔ።

22 ዓይሁዶ ዓሶኮ ዎይሢ ዓሳ፡- « ታኣኒ ዴንዳ ቤዘ ዒንሢ ሙካኒ ዳንዳዑዎሴ» ዒዛኮ ጌይፃ ፔና ዎዎዲኒሞ?» ዎሊ ኮይላ ጌዔኔ።

23 ሄሊሳዖ ሃሢ ዬሱሴ፡- «ዒንሢ ሃካፓኩ፤ ታኣኒ ሎፓኩ፤ ዒንሢ ሃያ ዓጫፓኩ፤ ታኣኒ ሃያ ዓጫፓቴዎሴ፤

24 ሲንሢኮ ጎሞና ዎላ ዒንሢ ሃይቃንዳኔ» ታ ጌዔሢ ዬያርኩ፤ ታኣኒ ታና ማዔሢ ጉሙርቁዎያ ማዔቴ ዒንሢ ዒንሢኮ ጎሞና ዎላ ሃይቃንዳኔ» ጌዔኔ።

25 ዔያታ ማሃዖ፡- «ኔኤኒ ያናዳይ?» ዒዛ ኮራ ጋዓዛ፣ ዬሱሴ ዔያቶሞ፡- «ቤርታፓ ዓርቃዖ ዒንሢሞ ከኤዛሢ፣ ታኣኒ ዒዛኩ፤

26 ታኣኒ ዒንሢሞ ከኤዛንዳያና ዎጋንዳ፣ ሚርጌ ባኣዚ ዓኣኔ፤ ማዔቴያ ታና ዳኩሢ ጎኩሞ ዓኣያኩ፤ ታኣኒያ ዓጮሞ ከኤዛሢ ዒዛይዳፓ ዎይዜሢ ሌሊኩ» ጌዔኔ።

27 ዔያቶሞ ጋዓንቴ ዓዶ ዛሎ ዒ ከኤዜሢ ዔርተባኣሴ።

28 ዬያር ዬሱሴ ዔያቶሞ፡- «ዓሲኮ ናዓሢ ዒንሢ ሱፃኣና ታኣኒ ሲያናና ናንጋያ ማዔሢ ዒንሢ ዔራንዳኔ፤ ዬያኑዲ ዓዴ ታና ዔርዜ ባኮ ታ ከኤዛንዳፓዓቴሞ ታ ቢታንቶና ሌሊ ዓይጎ ባኣዚያ ታ ማዲዎኣሢ ዬኖ ዎዶና ዒንሢ ጸቁሃንዳኔ።

29 ታና ዳኩሢ ታኣና ዎላኩ፤ ታኣኒ ቢያ ከሊ ማዳሢ ዒዛ ዎዛሳ ባኣዚ ማዔሢሮ ታና ታኣሮ ሌሊ ዒ ሃሺባኣሴ» ጌዔኔ።

30 ዬሱሴ ዬያ ከኤዛዛ ሚርጌ ዓሲ ዒዛ ጉሙርቁኔ።

ጎሜ ዓይላቶፓ ከሰከሢ

31 ዬሱሴ ዒዛ ጉሙርቁ ዓይሁዶ ዓሶሞ፡- «ዒንሢ ታ ዔርዚያና ዳዲ ናንጌቴ ጎኔና ዒንሢ ታና ዔሪ፣ ታ ዓሲ ማዓንዳኔ፤

32 ጎኩሞ ዒንሢ ዔራንዳኔ፤ ጎኩሞዎ ዒንሢ ዓይላቶይዳፓ ከሳንዳኔ» ጌዔኔ።

33 ዔያታ ጋዓንቴ፡- «ኦኡኒ ዓብራሃሜ ዜርሢኩ፤ ፔቴታዖ ያኣኮዎ ኑ ዓይሌ ማዒ ዔራዎሴ፤ ዓካሪ ኔኤኒ ሲንሢ ዓይሉሞይዳፓ ከሰካንዳኔ ኦና ጋዓሢ ዎይተዳይ?» ጌዔኔ።

† 8:24 ታኣኒ ታናኩ፡- ጌይፃ ዒዛኮ ሱንፃኩ። 8:33 ማቴ. 3:9፤ ሉቃ. 3:8።

34 ዩሱሴ ዔያቶም፡- «ጎጌ ታ ዒንሢም ጋዓኔ፤ ጎሜ ማዳሢ ሲያ ጎሜኮ ዒይሌኬ፤

35 ዒይሌ ሲያ ዎዴና ማአራዳ ናንጊ ዓቱዋሴ፤ ሸዎና ናይ ጋዓንቴ ሲያ ዎዴ ማአራ ናንጋኔ።

36 ዬያሮ ሸዎና ናዓሢ ዒንሢ ዒይላቶፓ ኬሴቴ ጎኔና ዒንሢ ዒይላቶፓ ኬሰኬያ ማዓንዳኔ።

37 ዒንሢ ዒብራሃሜ ዜርዖ ማዔሢ ታ ዔራኔ፤ ጋዓንቴ ታኣኮ ቃኣሎ ዒንሢ ዔኩዋያታሢሮ ታና ዎዳኒ ኮዓኔ።

38 ታኣኒ ታ ዓዶ ኮራፓ ዛጌ ባኮ ዒንሢም ኬኤዛኔ፤ ዒንሢ ጋዓንቴ ዒንሢ ዓዶ ኮራፓ ዎይዜ ባኮ ማዳኔ» ጌይ ማሄኔ።

39 ዔያታ ማሃዎ፡- «ኦኡኮ ዓዳሢ ዒብራሃሜኬ» ዒዛም ጋዓዛ፤ ዩሱሴ ዔያቶም፡- «ዒብራሃሜ ናይ ዒንሢ ማዔያታቴ ዒብራሃሜ ማዳሢጉዲ ማዳያናንዳኔ፤

40 ታኣኒ ያኦሲዳፓ ዎይዜ ጎኩም ዒንሢም ኬኤዜኔ፤ ዒንሢ ጋዓንቴ ታና ዎዳኒ ኮዓኔ፤ ዒብራሃሜ ዬያይዲባኣሴ።

41 ዓካሪ ዒንሢ ማዳሢ ዒንሢኮ ዓዳሢ ማዳኬ» ጋዓዛ፤ ዔያታ ማሃዎ፡- «ኦኡኒ ዓሌ ናይቱዋሴ፤ ኦኡኮ ፔቴ ዓዴ ዓኣኔ፤ ዒዚያ ያኦሲኬ» ጌዔኔ።

42 ዩሱሴ ዔያቶም፡- «ያኦሲ ዒንሢኮ ዓዶ ማዔያታቴ ታና ዒንሢ ናሽኬያ ናንዳኔ፤ ዓይጎሮ ጌዔቴ ታኣኒ ሃይካ ዓኣሢ ያኦሲ ኮራፓ ሙኪኬ፤ ታና ዳኬሢያ ዒዛ ማዓንዳኣፓዓቴም ታኣኒ ታ ሲታንቶና ሙኪባኣሴ።

43 ታኣኒ ጋዓ ባካ ዒንሢም ዎይቲ ጌሉዎይ ጌዔቶ ታ ቃኣሎ ዒንሢ ዎይዚ ዔካኒ ኮዑዋኣሢሮኬ።

44 ዒንሢ ዒንሢኮ ዓዳሢ፤ ፃላሄ ናኣቶኬ፤ ዒንሢኮ ማሊፃ ዒንሢ ዓዳሢ ዓፃዳ ባኮ ኩንሥሢኬ፤ ዒዚ ቤርታፓ ዓርቃዎ ሸምፖ ዎዳያኬ፤ ጎኩም ዒዛይዳ ባኣሢሮ ጎኩምና ዎላ ፔቴታዎ ካኣሚ ዒዛኮ ባኣሴ፤ ዒዚ ሉኡቃያ ሃሃ ሉኡዙሞኮዎ ዓዶ ማዔሢሮ ሉኡቂ ዒ ኬኤዛ ዎዶና ፔ ማሊፃፓ ዔኪ ኬኤዛኔ።

45 ታኣኒ ጋዓንቴ ጎኩም ኬኤዛያ ማዔሢሮ ዒንሢ ታና ጉሙርቁዋሴ፤

46 ሂንዳ ዒንሢዳፓ፡- «ኤኤኒ ጎሜናኬ» ታና ጋዓንዳሢ ዎናዳይ? ጎኩም ታ ኬኤዛያ ማዔቴ ዓካሪ ዒንሢ ዓይጎሮ ታና ጉሙርቁዋይ?

47 ያኦሲዳፓ ማዔሢ ዒዛኮ ቃኣሎ ዎይዛንዳኔ፤ ዓካሪ ዒዛኮ ቃኣሎ ዒንሢ ዎይዙዋኣሢ ዒዛይዳፓ ዒንሢ ማዒባኣሢሮኬ» ጌዔኔ።

ዩሱሴ ዒብራሃሜኮዎ ቤርታ ዓኣያ ማዔሢ

48 ዓይሁድ ዓሳ:- «ኔኤኒ ሳማሪያ ዓጪ ዓሲኬ፤ ፑርታ ዓያናኣ ኔ ጊዳ ዓኣኔ፤ ኩኩ ጌይፃ ፒዜቱዋዓዳ?» ዒዛም ጌዔኔ።

49 ዩሱሴ ዔያቶም:- «ታ ጊዳ ፃላሄ ዓያና ባኣሴ፤ ታኣኒ ታኣኮ ዓድ ቦንቻኔ፤ ጋዓንቴ ዒንሢ ታኣኮ ቶኦኪ ባይዘኔ።

50 ማዔቶዋ ታኣኒ ታ ቦንቻ ኮዑዋሴ፤ ታኣኒ ቦንቻንታንዳጉዲ ኮዓያና ዬኖ ዛሎ ታኣም ዋጋይ ሜሌ ዓኣኔ።

51 ጎኔ ታ ዒንሢም ጋዓኔ:- ታኣኮ ቃኣሎ ካፓሢ ፔቲታዎ ሃይቃዓኬ» ጌዔኔ።

52 ዓይሁድ ዓሳ ገንሣ:- «ፑርቶ ዓያና ኔ ጊዳ ዓኣሢ ዓካሪ ኑ ዔሬኔ፤ ዓብራሃሜታዎ ሃይቄኔ ሃሣ ፆኦሲ ማሊፆ ኬኤዛ ዓሳኣ ሃይቄኔ፤ ኔኤኒ ጋዓንቴ ታኣኮ ቃኣሎ ካፓሢ ፔቲታዎ ሃይቃዓኬ» ጋዓኔ፤

53 ጎኔና ኔኤኒ ኩኩ ሃይቄ፡ ዓድ፡ ዓብራሃሜፓ ባሻ? ፆኦሲ ማሊፆ ኬኤዛ ዓሳ ሃይቄኔ፤ ሂዳዎ ኔኤኒ ኔና ፆናኬ ጋዓይ?» ጌዔኔ።

54 ዩሱሴ ማሃዎ:- «ታኣኒ ታ ቦንቻ ኮዔቲ ታ ቦንቻ ማኣዳያቱዋሴ፤ ታና ቦንቻሢ ታ ዓድኬ፤ ዒዚያ:- ኩ ፆኦሲ» ዒንሢ ጋዓሢኬ።

55 ጋዓንቴ ዒንሢ ዒዛ ዔሩዋሴ፤ ታኣኒ ዒዛ ዔዔራኔ፤ ታኣኒ ዒዛ ዔሩዋሴ ጌዔቶ ዒንሢጉዲ ሉኡዚ ማዔያና ስንዳንቴኬ፤ ጋዓንቴ ታኣኒ ዒዛ ዔራሢሮ ቃኣሎዋ ታ ዒዛኮ ካፓኔ።

56 ዒንሢ ዓዳሢ፡ ዓብራሃሜኮ ማሊፆ ታ ሙኬም ዛጊ ዋዛዳኒኬ፤ ዒዚያ ዛጊ ዋዛዳኔ» ጌዔኔ።

57 ዒማና ዓይሁድ ዓሳ:- «ኔኤኮ ሃጊ ዶንጊታሚ ለዔ ኩሚባኣሢ፡ ኔናንሢ ዓብራሃሜ ዛጊያ!» ዒዛ ኮራ ጌዔኔ።

58 ዩሱሴ:- «ጎኔ ታ ዒንሢም ጋዓኔ፤ ዓብራሃሜ ሸይንቴዋንቴ ታኣኒ ዓኣኔ» ዔያቶም ጌዔኔ።

59 ዬያሮ ዒዛ ዓይሁድ ዓሳ ሹቻ ዲዓኒ ሹቹ ዔካዛ፡ ዩሱሴ ጋዓንቴ ዔያታ ዒዛ ዴንቁዋጉዲ ፔና ዓኣቺ ጌኤኮ ማኣራፓ ኬሰኪ ዴንዴኔ።

9

ዩሱሴ ዓኣፒ ባይቄያ ማዒ ሸይንቴ ዓሢኮ ዓኣፓ ቡሌሢ

1 ዩሱሴ ጎይዶና ዓኣዲቤቃ ዓኣፒ ባይቄያ ማዒ ሸይንቴ ዓሲ ዴንቄኔ።

2 ዒዛኮ ገንፆ ሃንታ ናኣታ ዩሱሴ ኮራ:- «ዔርዛሢያ! ሃይ ዓሢ ዓኣፒ ባይቄያ ማዒ ሸይንቴሢ ዎ ጎሜ ዛላናዳይ? ፔ ጎሜናም ዒዛ ሸዔ ዓሶ ጎሜናዳይ?» ጌይ ፆኦጩኔ።

3 ዩሱሴ ዔያቶም ማሃያ፡- «ሃይ ዓአፖ ባይቁሂ ፔ ዛላና ሃሃ ዒዛኮ ሾዔ ዓሶ ጎሚ ዛላናቱዋሴ፤ ጋዓንቴ ሆኑሲ ማዳ ዒዛይዳ ፔጋዲ ዔርታንዳጉዲኤ።

4 ሄላ ዓአንቴ ታና ዳኬሂኮ ማዶ ማዳንዳያ ታና ኮይሳኔ፤ ሆኑኒያ ማዳኒ ዳንዳዑዋ ዳሚ ኬሊ ሙካንዳኔ።

5 ታኣኒ ዓጮይዳ ዓአና ዓጮኮ ፖዔኬ» ጌዔኔ።

6 ዬያ ጌዔሂኮ ገንፃ ሳጋይዳ ጩታፖ ጩጮና ሲላሎ ዲርኪ፡ ደቃሎና ዓአፖ ባይቁሂኮ ዓአፖ ቲሽካፖ፡-

7 «ዴንዲጋፓ ሴሌሆሚ ቦቆሎይዳ ማሰቴ» ዒዛም ጌዔኔ። ሴሌሆሚ ጌይፉ፡- «ዳከንቴያ» ጌይሂኬ፤ ዬያር ዓሂ ዴንዲ ማሰታፖ ዛገ ዛገ ማዒ ሙኬኔ።

8 ዒዛኮ ዓሺኖና ቤርታ ዒ ሺኢቃንቴ ዛገ ዓሶና፡- «ሃይ ዓሂ ዴይ ዔኤቢ ዒንጎም ጌይ ሺኢዲፖ ሺኢቃሂቱዋዓዳ?» ጌዔኔ።

9 ፔቴ ፔቴ ዓሳ፡- «ሂዮ፡ ዒዛኬ» ጋዓዛ፡ ሃንጎ ዓሳ ሃሃ፡- «ዒዛ ማማላኔ፥ ዒዛቱዋሴ!» ጌዔኔ፤ ዒዚ ጋዓንቴ፡- «ታ ዒዛኬ» ጌዔኔ።

10 ዓሳኣ፡- «ሂዴቶ ኔኤኮ ዓአፓ ዋይቲ ቡሊንቴይ?» ዒዛ ኮራ ጌዔኔ።

11 ዒዚያ፡- «ዩሱሴ ጌይንታ ዓሂ ሲላሊ ዲርኪ ታኣኮ ዓአፖ ቲሽካፖ «ሴሌሆሚ ዴንዲ ማሰቴ» ታኣም ጋዓዛ፡ ታኣኒ ዓአዲ ማሰቴሰካፓ ዛጋኒ ዳንዳዔኔ» ጌይ ማሄኔ።

12 ዔያታ፡- «ዬይ ዓሂ፥ ሃሂ ዓንካዳይ?» ዒዛ ኮራ ጋዓዛ፡ ዒዚያ፡- «ዒዚ ሃሂ ዓንካ ዓአቴያ ታ ዔሩዋሴ» ዔያቶም ጌዔኔ።

ፔርሴ ዓሳ ዓሂኮ ዓአፓ ቡሊንቴ ጎይፖ ዔራኒ ኮዔሂ

13 ዬካፓ ዓሳ ዓአፓ ባይቁ ዓሂ ዔኪ ፔርሴ ዓሶ ኮራ ዓአዳኔ።

14 ዩሱሴ ሲላሎ ዲርኪ ዓሂኮ ዓአፖ ቡሌ ኬላ ዓይሁደ ዓሶኮ ሃውሾ ኬሎናኬ፤

15 ፔርሴ ዓሳ፡- «ኔኤኒ ዋይቲ ዛጋኒ ዳንዳዔይ?» ጌይ ዓሂ ለሚ ሆኦዬዛ፡ ዒዚ ማሃያ፡- «ዒዚ ታኣኮ ዓአፖይዳ ደቃሌ ቲሽካዛ፡ ታኣኒ ማሰቴኔ፤ ዬያር ታ ዛጋኒ ዳንዳዔኔ» ጌዔኔ።

16 ዬማና ፔርሴ ዓሶይዳፓ ፔቴ ፔቴዞንሂ፡- «ሃይ ዓሂ ዓይሁደ ዓሶኮ ሃውሾ ኬሎ ቦንቹዋአሂር ዒዚ ሆኑሲዳፓቱዋሴ» ጋዓዛ፡ ዛላ ጋዓንቴ፡- «ያዲ ማዔቴ ጎሚና ዓአ ዓሲ ሃያ ሆኑሲ ዋልቄና ማዳንታ ዓኮ ባኮ ዋዲ ማዳኒ ዳንዳዔይ?» ጌዔኔ። ዬያ ዛሎና ዔያቶ ባኣካ ፓቂንቲሂ ማኸንቴኔ።

9:5 ማቲ. 5:14፤ ዮሃ. 8:12።

17 ዬያሮ ዓዳግ ባይቆ ዓሢ፡- «ኔኤኒ ኔኤኮ ዓዳግ ዳቂሼኔ፣ ጋዓ ዓሢ ዛሎ ኔ ዎዚ ጋዓይ?» ጌይ ዔያታ ዒዛ ለሚ ያእጫዛ፣ ዒዚ ማሃዎ፡- «የእሲ ማለሢ ከኤዛ ዓሲከ» ጌዔኔ።

18 ዬይ ዓሢ ዓዳግ ባይቆያ ማዔሢና ዓዳግ ጊንፃግ ዒዛኮ ቡለንቲሢ ዒዛ ሾዔ ዓሳ ዔኤሊ ያእጫንዳያ ሄለንዳኣና ዓይሁዶ ዓሳ ዎይሣ ዓሳ ዬያ ጎኔከ ጌይባኣሴ።

19 ዬያሮ ዒዛ ሾዔ ዓሳ ኮራ፡- «ዓዳግ ባይቆያ ማዔ ሾይንቲኔ» ዒንሢ ጋዓናዓሢ ዒንሢኮ ሃያዳ? ሃሢ ዒ ዎይቲ ዛጋኒ ዳንዳዔይ?» ጌይ ዔያታ ያእጫኔ።

20 ሾዔ ዓሳ ዔያቶም ማሃዎ፡- «ሃይ ኑኡኮና ዓሢ ማዔሢና ዓዳግ ባይቆያ ማዔ ዒዛኮ ሾይንቲያ ኑ ዔራኔ፤

21 ጋዓንቲ ሃሢ ዒ ዎይቲ ዛጋኒ ዳንዳዔይ ሃሢ ዓዳግ ዒዛኮ ዎይቲ ቡለንቲቲያ ኑ ዔራዎሴ፤ ዒዛ ያእጫዎቲ፤ ዒዚ ፔኑሞ ዔራያ፣ ዒናዳ ዓሲ ማዔሢና ዒዚ ፔ ዛሎ ከኤዛኒ ዳንዳዓኔ» ጌዔኔ።

22 ዒዛ ሾዔ ዓሳ ዬያ ጌዔሢ ዓይሁዶ ዓሳኮ ዎይሣ ዓሳ ዒገጠፍሢና፤ ዓይጎሮ ጌዔቲ፡- «ዬሱሴ፣ ማሲሄኔ» ጋዓ ዓሲ ዓኣቶ ዓይሁዶ ዓሳኮ ቡኪንቶ ቤዛገ ዳውሳኒ ዬና ዎይሣ ዓሳ ዎላ ጌሰቲ ዔቁሴሢና።

23 ዬያሮ ዓሢ ሾዔ ዓሳ፡- «ዒዚ ፔኑሞ ዔራ፣ ዒናዳ ዓሲ ማዔሢና ዒዛ ያእጫዎቲ» ጌዔኔ።

24 ዬና ዛሎና ዔያታ ዬያ ዓሢ ለሚ ዔኤላዎ፡- «ኔኤኒ ሂንዳ ያእሲ ቦንቺ ጎኑሞ ከኤዜ፤ ዬይ ዓሢ ጎሜና ዓኣ ዓሲ ማዔሢ ኑ ዒዛ ዔራኔ» ዒዛም ጌዔኔ።

25 ዓሢያ፡- «ዒዚ ጎሜና ዓኣ ዓሲ ማዔሢ ታ ዔራዎሴ፤ ታኣኒ ዔራማ ታኣኒ ዓዳግ ባይቆያታዎ ሃሢ ዛጋኒ ዳንዳዔማ ለሊከ» ጌይ ዔያቶም ማሄኔ።

26 ዔያታ፡- «ዒ ኔኤሞ ዓይጎ ማዳይ? ዓዳግ ኔኤኮ ዒ ቡሌሢ ዎዲዳይ?» ዒዛ ኮራ ጌዔኔ።

27 ዒዚያ ማሃዎ፡- «ቤርታ ታ ዒንሢም ከኤዛዛ ዒንሢ ጋዓንቲ ዎይዛኒ ከይባኣሴ፤ ሂዳዎ ዒንሢ ዓይጎሮ ለሚ ዎይዛኒ ኮዓዎ? ዒንሢያ ሃሃ ዒዛ ዔራ፣ ዒዛ ዓሲ ማዓኒ ኮዓም?» ዔያቶ ኮራ ጌዔኔ።

28 ዔያታ ዒዛ፡- «ዒዛ ዓሲ ማዔሢ ኔናከ! ኑኡኒ ጋዓንቲ ሙሴ ዓሲከ፤

29 ያእሲ ሙሴና ጌሰቲሢ ኑ ዔራኔ፤ ሃይ ዓሢ ጋዓንቲ ዓንካገታቲያ ኑ ዒዛ ዔራዎሴ» ጌዒ ጫሽከኔ።

30 ዓሢያ ዔያቶም፡- «ሃይ ዓሢ ዓንካገግ ማዔቲያ ዒንሢኮ ዔራዎዎ ዓቲፃ ታና ዲቃሢ ሄርሺሳኔ! ጋዓንቲ ታኣኮ ዓዳግ ቡሌሢ ዒዛከ።

31 ያኑሲ ጎሞ ዓሶም ዋይዙዋኣሢ ዔርቴያኬ፤ ጋዓንቴ ያኑሲ ዒጊጫያና ዒዛኮ ማሊያዋ ኩንሣይ ዓኣቶ ዬያም ያኑሲ ዋዋይዛኔ።

32 <ዓኣፒ ባይቄያ ማዒ ሸይንቴ ዓሲኮ ዓኣፒ ቡሌኔ ጎያ ሳዓ ማዢንቴማፓ ዓርቃያ ዋይዚንቴ ቤቁባኣሴ።

33 ሃይ ዓሢ ያኑሲዳፓ ማዒባኣያታቶ ዓይጎዋ ማዳኒ ዳንዳዒንዳዋያታንቴኬ» ጌዔኔ።

34 ዔያታ፡- «ኔ ጎሜና ማዒ ሸይንቴሢ ሃይ! ኔ ኑና ዔርዛኒዳ?» ጋዓ፡ ዔያታ ዒዛ ፔኤኮ ቡኪንቶ ቤዛፓ ኬሴኔ።

ዒኔ ዓኣፒ ባይሱሞ

35 ዓሢ ዔያታ ፔኤኮ ቡኪንቶ ቤዛፓ ኬሴሢ ዬሱሴ ዋይዜኔ፤ ዩካፓ ዓሢና ካኣማዖ፡- «ዓሲኮ ናዓሢ ኔ ጉሙርቃ?» ዒዛ ኮራ ጌዔኔ።

36 ዒዚ፡- «ጎዳሢዮ! ዒዛ ታ ጉሙርቃንዳጉዲ ዒዚ ዖናታቴያ ታኣም ኬኤዜ» ጌዔኔ።

37 ዬሱሴ ማሃዖ፡- «ሃያኮ ቤርታ፥ ዋዳ ኔ ዒዛ ዛጌኔ፤ ሃሢ ሃይ ኔኤና ዋላ ጌሰታሢ ዒዛኬ» ጌዔኔ።

38 ዒዚያ፡- «ጎዳሢዮ! ታኣኒ ጉሙርቃኔ» ጌይ ጉምዓቲ ዒዛም ዘጌኔ።

39 ዬሱሴ፡- «ዓኣፓ ዛጉዋኣሢ ዛጋንዳጉዲ፥ ዓኣፓ ዛጋሢያ ዓኣፒ ባይቄያ ማዓንዳጉዲ ታኣኒ ሃያ ዓጮይዳ ዋጋኒ ሙኬኔ» ጌዔኔ።

40 ዬማና ዬሱሴ ኮራ ዓኣ፥ ፔርሴ ዓሳ፡- «ሂዳቴ ኦኡኒ ዓኣፒ ባይቄ ዓሲኬ ጌይሢዳ?» ዒዛ ኮራ ጌዔኔ።

41 ዬሱሴ ዔያቶም ማሃዖ፡- «ዓኣፒ ባይቄያ ዒንሢ ማዔቶ ጎሜ ዒንሢም ማዓዓታንቴ ሃሢ ኦ ዴንቃኔ ዒንሢ ጋዓሢፒ ጎሜ ዓሲ ማዒ ዒንሢ ናንጋንዳኔ» ጌዔኔ።

10

ዬሱሴኮ ኮሺ ሄንቃያ ማዒያ

1 ሄሊሳዖ ዬሱሴ፡- «ጎኔ ታ ዒንሢም ጋዓኔ፤ ማራቶ ባርቶኮ ካርናቱዋንቴ ሜሌ ዛላና ጌላ ዓሲ ዉሲ ሃሢ ሱላኬ።

2 ካርና ጌላሢ ጋዓንቴ ማራቶ ሄንቃሢኬ።

3 ካር ካፓሢ ዬያም ካር ቡላንዳኔ፤ ማራታኣ ዒዛኮ ዑኡዘ ዋይዛንዳኔ፤ ዒዚያ ፔኤኮ ማራቶ ሱንዖና ሱንዖና ዔኤላንዳኔ፤ ሃሢ ዔያቶ ዔኪ ሄንዖዋ ዓኣዳንዳኔ።

4 ዒዚ ፔኤኮ ማራቶ ቡላዖ ቤርታ ቤርታ ዓኣዳንዳኔ፤ ማራታኣ ዒዛኮ ዑኡዘ ዔራሢፒ ዒዛ ገንዖ ዓኣዳንዳኔ።

5 በረ መግዛት ጋዳንቴ ዑኡዞ ዔያታ ዔራዋአሢሮ ዩያይዳፓ ዣኣሊ ባይቃንዳኣፓዓቴም ዒዛ ጊንፆ ዴንዲንዲዋሴ» ጌዔኔ።

6 ዩሱሴ ዩያ ማላቶ ዔያቶም ከኤዛዛ ዔያታ ጋዳንቴ ዒዛ ዔያቶም ከኤዜሢ ዔሪባኣሴ።

7 ዩያሮ ዩሱሴ ላሚ ዔያቶም፡- «ጎኔ ታ ዒንሢም ጋዳኔ፤ ታኣኒ ማራቶኮ ካራሢከ፤

8 ታኣኮ ቤርታ ሙኬዞንሢ ዉዞና ሱሎናከ፤ ማራታ ጋዳንቴ ዔያቶም ዋይዚባኣሴ።

9 ካራሢ ታናከ፤ ታ ዛሎና ጌላሢ ዲቃንዳኔ፤ ጌላንዳኔ፤ ከሰካንዳኔ፤ ሄንቆ ቤሲያ ዴንቃንዳኔ።

10 ዉዛሢ ሙካሢ ዉኣቃኒና ሹካኒ ሃሃ ባይዛኒ ሌሊከ፤ ታኣኒ ጋዳንቴ ሙከሢ ናንጊ ዔያታ ዴንቃንዳጉዲና ፓጩ ባኣዚባኣ፤ ከሙሢ ናንጊ ናንጋንዳጉዲከ» ጌዔኔ።

11 ሃሃ ዩሱሴ፡- «ኮዥ ሄንቃሢ ታናከ፤ ኮዥ ሄንቃሢ ፔኤኮ ሸምፓሢ ማራቶ ዛሎ ዓኣሢ ዒንጋንዳኔ።

12 ማራታ ዒዛሮ ማዒባኣያ፤ ሚኢሾ ዴንቃኒ ሄንቃሢ ጋዳንቴ ያኣያሢ ሙካሢ ዛጋፆ ማራቶ ሃሺ ጳሽካንዳኔ፤ ያኣያሢያ ማራቶይዳፓ ዓርቁ ዋዳንዳኔ፤ ዣኣሊሲያ ዣኣሊሳንዳኔ፤

13 ሄንቃያታፆ ጳሽከሢ ሚኢሾ ዴንቃኒ ሄንቃሢሮና ሃሃ ማራቶማኣ ዒ ማሎዋኣሢሮከ።

14 ኮዥ ሄንቃሢ ታናከ፤ ታኣኒ ታኣኮ ማራቶ ዔራኔ፤ ታ ማራታኣ ታና ዔራኔ።

15 ታኣኒ ዔያቶ ዔራሢ ታና ታ ዓዴ ዔራሢና ታኣኒያ ታ ዓዴ ዔራሢ ጎይፆ ጉዴያናከ፤ ታኣኒ ታ ማራቶ ዛሎሮ ታኣኮ ሸምፓሢ ዓኣሢ ዒንጋንዳኔ።

16 ሃያ ቆልሞ ባኣካ ማዒባኣ ሜሌ ዓቴ ማራይ ታኣኮ ዓኣኔ፤ ዔያቶም ታ ዔኪ ሙካንዳያ ታና ኮይሳኔ፤ ዔያታኣ ታኣኮ ዑኡዞ ዋይዛንዳኔ፤ ፔቴ ባርታይዳ ዓኣ ቆሎዋ ማዳንዳኔ፤ ሄንቃሢያ ሃሃ ፔቴ ማዳንዳኔ» ጌዔኔ።

17 ዩሱሴ ላሚ ሃሃ፡- «ታ ማሢ ዔካንዳ፤ ታኣኮ ሸምፔሎ ዓኣሢ ታ ዒንጋኒ ናሽካያ ማዔሢሮ ታ ዓዴ ታና ናሽካኔ።

18 ታኣኮ ሸምፔሎ ታኣሮ ታ ናሽኪ ዓኣሢ ዒንጋፓዓቴም ታ ጊዳፓ ዔካንዳይ ያኣኒያ ባኣሴ፤ ታኣኮ ሸምፔሎ ዓኣሢ ታ ዒንጋኒና ማሢ ጊንሣ ዔካኒ ቢታንቶ ታኣኮ ዓኣኔ፤ ዩይ፡- ታ ዓዴ ታ ማዳንዳጉዲ ዓይሄሢከ» ጌዔኔ።

10:15 ማቴ. 11:27፤ ሉቃ. 22:33፤ ሉዊ. ዓክ 24:16።

19 ዬያ ዒ ጌዔሢሮ ዓይሁዶ ዓሶ ባአኮይዳ ላሚ ሃሣ ፓቁንቲሢ ማዠንገቲኔ።

20 ዔያቶይዳፓ ሚርጌዘንሢ፡- «ዒዘይዳ ፑርታ ዓያና ዓአኔ፤ ሃሣ ዒ ዠአሸካኔ፤ ዒንሢ ዒዘሲ ዓይጎሮ ዋይዘይ?» ጌዔኔ።

21 ዘላ ሃሣ፡- «ሃይ ጌኤዘ ፑርታ ዓያና ዓአ ዓሲ ጌሶታ ጌኤሲቱዋሴ፤ ፑርታ ዓያና ዓአፒ ባይቁ ዓሲኮ ዓአፒ ቡላኒ ዳንዳዓ?» ጌዔኔ።

ዓይሁዶ ዓሶኮ ዩሱሴ ጉሙርቁዋየ ዓቲዖ

22 ዩሩሳላሚይዳ ጌኤዠ ማአራ ዒአቲንቲ ጊንሣ ጌኤሸና ኬሎ ማሊ ቦንቾ ኬላ ሄሌኔ፤ ዩና ዎዳ ባርጊ ዎዴኬ፤

23 ዒማና ዩሱሴ ጌኤዠ ማአርይዳ ካአቲ ሴሎሞኔ ሃንታ ቤዘይዳ ሃንታንቲ።

24 ዓይሁዶ ዓሳ ዒዘ ኮራ ቡካዖ፡- «ዓይዲ ሄላንዳአና <ዒ ያናሞ?> ጌይሲ ኔ ኑና ናንጊሳይ? ኔኤኒ ሚሲሄ ማዔቲ ፔጋሲ ኑሞ ኬኤዜ» ጌዔኔ።

25 ዩሱሴ ዔያቶም ማሃዖ፡- «ታአኒ ዒንሢሞ ቤርታ ኬኤዜኔ፤ ዒንሢ ጋዓንቲ ታአሲ ጎኔኬ ጎሁዋሴ፤ ታ ዓዶ ሱንዖና ታ ማዳ ዓኮ ባካ ታ ዘሎ ማርካዳ።።

26 ዒንሢ ጋዓንቲ ታአኮ ማራቶ ማዒባአሢሮ ጉሙርቁዋሴ።።

27 ታአኮ ማራታ ታ ዑኡዘ ዋይዘኔ፤ ታአኒያ ዔያቶ ዔራኔ፤ ዔያታአ ታ ጊንዖ ሙካኔ።።

28 ታአኒ ናንጊና ናንጊ ሸምፖ ዔያቶም ዒንጋንዳኔ፤ ዩያሮ ፔቲታዖ ዔያታ ባይቃዓኬ፤ ታ ኩጫፓ ያኦኒያ ዔያቶ ቡሪ ዔካዓኬ።።

29 ዔያቶ ታአም ዒንጌ፣ ታ ዓዴ ቢያፓ ባሸታሢሮ ታ ዓዶ ኩጫፓ ዔያቶ ቡሪ ዔካኒ ዳንዳዓይ ያኦኒያ ባአሴ።።

30 ታአና ታ ዓዶና ኑ ዎላ ፔቲኬ» ጌዔኔ።።

31 ዩማና ዓይሁዶ ዓሳ ዩሱሴ ሹቻ ዲዒኒ ላሚ ሃሣ ሹቹ ዔኬኔ።።

32 ዩሱሴ ጋዓንቲ፡- «ታ ዓዶይዳፓ ታአም ዒንጊንቲም፣ ሚርጌ ዓኪ ባአዚ ታ ማዳ ዒንሢ ዳዌኔ፤ ዓካሪ ዒንሢ ታና ሹጮና ዲዓዘ ዎኖ ማዳ ዘሎርዳይ?» ዔያቶ ኮራ ጌዔኔ።።

33 ዔያታአ፡- «ኔና ኑ ዲዓሢ ያኦሲ ኔ ጫሽኬሢሮ ማዓንዳአፓዓቲም ኔ ማዳ ማዳሮቱዋሴ፤ ሃሣ ኔኤኒ ዓሲታዖ ኔና ኔ ያኦሲ ማሃሢሮኬ» ጌይ ዒዘም ማሃኔ።።

34 ዩሱሴ ዔያቶም፡- «ዒንሢኮ ዎጎይዳ <ዒንሢ ካአሸኮ ያኦዘኬ> ያኦሲ ጌዔኔ ጌይንቲ ጻአፒንቲባይ?

35 ያኑሲ ቃኣላ ከኤዚንቴዘንሢ ያኑሲ <ካኣሽኮ ያኑዘኩ> ጌዔያታቶ ሃሃ ማጻፋፓ ጌዔ ባካኣ ላኣሚንቴቀያ ማዔቶ፤

36 ባካሪ ታኣኒ ያኑሲ ናይኩ» ጌዔሢሮ ዓዴ ፔኤም ዲማሲ፤ ዓጮ ባንሢ ዳኩሢ፡- <ኔኤኒ ያኑሲ ጫሽኪ ዳቢንቴኔ> ዒንሢ ታና ዎይቲ ጋዓይ?

37 ታ ዓዴ ማዳ ባኮ ታ ማዳቀያ ማዔቶ ታና ጉሙርቂፖቴ።

38 ዬያ ታ ማዳያ ማዔቶ ጋዓንቴ ታና ዒንሢ ጉሙርቂባኣቴያ ዓዴ ታኣና፤ ታኣኒያ ዓዶና ማዔሢ ኮሺ ዔራኒ ዒዛ ዎልቆና ማዳንቴ ዓኮ ባኮ ጉሙርቂቀቴ» ጌዔኔ።

39 ዔያታ ላሚ ሃሃ ዒዛ ዓርቃኒ ኮዔኔ፤ ዒዚ ጋዓንቴ ቶሊ ዴንዴኔ።

40 ዬካፓ ላሚ ዮርዳኖሴ ዎሮና ፒንቂ ዮሃንሴ ቤርታ ዓሶ ዎኣያና ማሰካ ቤዘ ሙካያ ዒኣካ ዳዔኔ።

41 ዒማና ማርጌ ዓሲ ዒዛ ኮራ ሙኪ፡- «ዮሃንሴ ዓይጎዎ ያኑሲ ዎልቁና ማዳንታ ዓኪ ባኣዚ ማዳባኣሴ፤ ጋዓንቴ ዮሃንሴ ሃያ ዓሢ ዛሎ ከኤዜ ባካ ቢያ ጎኔኩ» ጌዔኔ።

42 ዒኣካ ማርጌ ዓሲ ዒዛ ጉሙርቂኔ።

11

ዓላዜሬኮ ሃይሶ

1 ቢታኒያ ጌይንታ ጉርዴሎይዳ ናንጋ፤ ዓላዜሬ ጎዖ ዓሲሰኬይ ሃርጊንቴኔ፤ ቢታኒያ ጎዖዛ ማይራዎና ዒዛኮ ጌሮ ማርታና ናንጋ ጉርዳኩ።

2 ዬና ማይራማ ጎዳኮ ዑፃ ሳውቃ ቲዦ ዎሃ፤ ዒዛኮ ቶኮዎ ዒዛኮ ቶኣኮ ጋፓኖና ዑጮዜሎኩ፤ ሃርጊንቴሢ ዒዛኮ ጌርሲ ዓላዜሬኩ።

3 ዬንሢ ዎሊኮ ጌኤዶና ሚሾና ማዔዘንሢ፡- «ጎዳሢዮ! ኔ ናሽካ ኔኤኮ ላጋሢ ሃርጊንቴኔ» ጌይ ዔያታ ዬሱሴ ባንሢ ዔኤሊሢ ዳኩኔ።

4 ዬሱሴ ዬያ ዎይዛያ፡- «ዬይ ሃርጋ ዎዳያቴዎሴ፤ ጋዓንቴ ያኑሲ ቦንቾም ማዓንዳጉዲና ያኑሲ ናዓሢያ ዬያ ዛሎና ቦንቾንታንዳጉዲኩ» ጌዔኔ።

5 ዬሱሴ ማርታና ጌሮ ማይራዎና ሃሃ ዔያቶኮ ጌርሲ ዓላዜሬያ ማርጌ ናሽካያኩ።

6 ማዔቴያ ዓላዜሬ ሃርጌሢ ዎይዜያ ዒ ዓኣ ቤዘይዳ ላምዖ ከሊ ፔኤቂኔ።

7 ዬካፓ ዒዛኮ ጊንዖ ሃንታዘንሢ ኮራ፡- «ዪሁዳ ዓጮ ላሚ ኑ ዓኣዶም» ጌዔኔ።

8 ዒዛኮ ጊንጾ ሃንታዞንሢያ ማሃዎ፡- «ዔርዛሢያ! ዓይሁዶ ዓሳ ደካ ኬሊኮ ቤርታ ዲይ ኔና ዎዳኒ ኮዔኔ፤ ሃሢ ኔ ላሚ ዒኢካ ዓዓኢዳኒ ጋዓ?» ጌዔኔ።

9 ዬሱሴ ዔያቶም ማሃዎ፡- «ዓባ ኬሰኪ ጌላንዳሢኮ ጋራ ታጾ ላምጾ ፓቁንታ ዎዳ ቢያ ፖዔቱዎይ? ዓካሪ ሃያ ዓጮ ፖጾዳ ሃንታሢ ዛጋያታሢሮ ዲቁንቱዋሴ።

10 ጋዓንቱ ዲሚና ሃንታሢ ፖራ ባኢያታሢሮ ዲቁንታኔ» ጌዔኔ።

11 ዬሱሴ ዬያ ጌዔሰካፓ፡- «ኦኦኮ ላጋሢ ዓላዜሬ ጊንዔኔ፤ ታኢኒ ጋዓንቱ ጊንዓሰካፓ ዒዛ ጴቻኒ ዓኢዳንዳኔ» ጌዔኔ።

12 ዒዛኮ ጊንጾ ሃንታዞንሢያ፡- «ጎዳሢያ! ጊንዔያ ማዔቴ ዒዚ ፖዔኔ ጌይሢኬ» ዒዛም ጌዔኔ።

13 ዬሱሴኮ ዬያ ጌይፃ ዓላዜሬ ሃይቄኔ ጌይጾኬ፤ ዔያቶም ጋዓንቱ ጊንጾ ዛላ ኬኤዘንቱያ ማሌኔ።

14 ዬያሮ ዬሱሴ ፔጌና ዔያቶም፡- «ዓላዜሬ ሃይቄኔ፤

15 ዒንሢ ጉሙርቃንዳጉዲ ታኦኮ ዒኢካ ባኢያ ማዒፃ ዒንሢ ዛሎሮ ሚርጌ ታኦም ኮሺ ማዔኔ፤ ሃሢ ጋዓንቱ ኦኡኒ ዒዛ ባንሢ ዓኢዶም» ጌዔኔ።

16 ዬማና ሱንፃ «ሜንቱ» ጌይንታ፡ ቶኦማኦሴ ሃንጎዋቶ ኮራ፡- «ኦኡኒያ ዬሱሴና ዎላ ሃይቃኒ ዓኢዶም» ጌዔኔ።

ዬሱሴ ሃይቢፓ ዔቁሳያና ናንጊና ናንጊ ዒንጋያ ማዒፃ

17 ዬሱሴ ዓላዜሬ ዓኢ ቤዞ ሄላኦና ዓላዜሬ ዲኡከንቱንቱ ጾይዳሳ ኬሊ ማዔያኬ።

18 ቢታኒያ ዬሩሳላሜይዳፓ ሃካሢ ሃይሃ ሺያ ታኦከሢ ማዒያኬ።

19 ማርታና ጌር ማይራሞናኮ ጌርሲ ሃይቄሢሮ ዶዲሻኒ ሚርጌ ዓይሁዳ ዓሲ ዔያቶ ኮይላ ሙኪ ዓኢኔ።

20 ማርታ ዬሱሴኮ ሙኪያ ዎይዛጾ ጎይሢ ዔካኒ ዴንዴኔ፤ ማይራማ ጋዓንቱ ጋራ ዓቲኔ።

21 ማርታ ዬሱሴ ኮራ፡- «ጎዳሢያ! ኔኤኒ ዎንዴ ሃይካ ዓኦቲ ታ ጌርሲ ሃይቁንዱዎያታንቱኬ፤

22 ሃሢታቲያ ኔኤኒ ሺኢቃ ባኮ ቢያ ጾኦሲ ኔኤም ዒንጋንዳሢ ታ ዔራኔ» ጌዔኔ።

23 ዬሱሴ ማሃዎ፡- «ጌርሲ ኔኤኮ ሃይባፓ ዔቃንዳኔ» ጌዔኔ።

24 ማርታ ዒማና፡- «ጋፒንጾ ዎዶና ሃይባፓ ዔቃንዳሢ ታ ዔራኔ» ጌዔኔ።

25 ዬሱሴ ማሃዎ፡- «ሃይቢፓ ዔቁሳሢና ናንጊና ናንጊ ዒንጋሢ ታናኬ፤ ታና ጉሙርቃሢ ሃይቄቲታጾ ናንጊና ናንጋንዳኔ፤

26 ታኣና ናንጋሢ ሃሃ ታና ጉሙርቃሢ ሲያ ፔቴታየ ሃይቃዓኬ፤
ዬያ ኔ ጉሙርቃ?» ጌዔኔ።

27 ዒዛኣ፡- «ሂዮ፡ ጎዳ! ኔኤኒ ሃያ ዓጮ ለሙካንዳኔ ጌይ ኑ ካፓ፡
ዖኦሲ ናኣዚ፡ ማሲሃ ማዔሢ ታ ኔና ጉሙርቃኔ» ዒዛሞ ጌዔኔ።

28 ማርታ ዬያ ጌዔሢኮ ጊንፃ ዴንዲ ጌሮ ማይራሞ ኮራ፡-
«ዔርዛሢ ሙኪ ኔና ዔኤላኔ» ጌይ ዴሚና ዒዛ ዔኤሌኔ።

29 ማይራማ ዬያ ዋይዛየ ዑኬ ዔቁ ዒዚ ዓኣ ሴዞ ዴንዴኔ።

30 ዬሱሴ ዒማና ማርታ ዋንዴ ዒዛ ጎይሢና ዔኬ ሴዞይዳፓ ሃጊ
ሃንጋ ጉሮዶ ጌሊባኣሴ።

31 ዒዛ ደዲሻኒ፡ ማኣሮይዳ ዋላ ዓኣ፡ ዓይሁዶ ዓሳ ማይራማ
ዑኬና ዔቁ ኬሰካሢ ዛጋየ ዓላዜሬኮ ዴኡፖ ሴዞ ዓኣዲ ዬኤካንዳያ
ዔያቶም ማላሢሮ ዒዛ ጊንፃ ኬሰኬኔ።

32 ማይራማ ዬሱሴ ዓኣ ሴዞ ሙኪ ዒዛ ዴንቁሰካፓ ቶኮ ዴማ
ሎኦማዮ፡- «ጎዳሢዮ! ኔኤኒ ዋንዴ ሃይካ ዓኣያታቶ ታኣኮ ጌርሲ
ሃይቁንዳዋያታንቴኬ» ዒዛሞ ጌዔኔ።

33 ዬሱሴ ዒዛንታ ዒዛ ኮይላ ዓኣ ዓይሁዶ ዓሳ ዬኤካሢ ዛጊ
ዒናፓ ዲቃቲ ያያዮ፡-

34 «ዒንሢ ዒዛ ዋካ ዴኡኬይ?» ጋዓዛ፡ ዔያታ ማሃዮ፡-
«ጎዳሢዮ! ሃኒ ሙኪ ዛጌ» ጌዔኔ።

35 ዒማና ዬሱሴ ዓቢቲ ዬኤኬኔ።

36 ዬያሮ ዓይሁዶ ዓሳ፡- «ዋዚ ዒዛ ናሽካቴያ ሂንዳ ዛጉዋቴ!»
ጌዔኔ።

37 ዔያቶይዳፓ ፔቴ ፔቴዞንሢ ጋዓንቴ፡- «ዓኣፖ ባይቁሢኮ ዓኣፖ
ዒ ቡሌኔ፤ ዓካሪ ሃይ ዓሢ ሃይቁዋጉዲ ቃዙዋየ ዓይጋ ዒ ሃሹራ?»
ጌዔኔ።

ዬሱሴ ዓላዜሬ ሃይባፓ ዔቁሴሢ

38 ዬሱሴ ዒማና ዳጋዲ ዴኡፖ ሴዞ ዓኣዳኔ፤ ዴኡፖ ዔቶ ካራ
ሹቸና ዋዲንቴያ ዴኔ ቆኦፔኬ።

39 ዬሱሴ ዔያቶ ኮራ፡- «ሹጫሢ ሸኢሹዋቴ» ጋዓዛ፡ ሃይቁሢኮ
ጌራ፡ ማርታ፡- «ጎዳሢዮ! ዒዚ ሃይቁንቴ ያይዶ ኬሊኬ፤ ሃሢ
ዛዛዓንዳኔ» ጌዔኔ።

40 ዬሱሴ ዒዛሞ ማሃዮ፡- «ኔኤኒ ጉሙርቁቶ ያኦሲኮ ቦንቾ ኔ
ዛጋንዳኔ፤ ሴርታ ታ ኔኤም ጌይባይ?» ጌዔኔ።

41 ዓሳ ዬማና ሹጫሢ ሸኢሹኔ፤ ዬካፓ ዬሱሴ ሌካ ዴግ ጌይ
ዛጋዮ፡- «ታ ዓዳሢዮ! ኔ ታኣም ዋይዜሢሮ ታ ጋላታኔ፤

42 ሲያ ዋዴና ኔ ታኣም ዋይዛሢያ ታ ዔራኔ፤ ጋዓንቴ ዬያ ታ ጋዓሢ
ሃይካ ዔቁ ዓኣ ዓሳ ኔኤኒ ታና ዳኬያ ማዔሢ ዔሪ ጉሙርቃንዳጉዲ
ጌይኬ» ጌዔኔ።

43 ዩሱሱ ዩያ ጌዕሰካፓ፡- «ዓላዜሬ! ሃኒ ኬሰኬ!» ጌይ ዑኡዞ ደገዲ ዔኤሌኔ።

44 ሃይቄ፡ ዓላዜሬያ ዲኡፓፓ ኩጮና ቶኮና ዒዛኮ ሱኡዲ ቱኮና ጎይሣ ዓኣፖ ካራኣ ዓፒሎ ቱርጮና ማርቲ ጎይሣ ዓኣንቲ ኬሰኬኔ፤ ዩካፓ ዩሱሱ፡- «ቡሊ ዒዛ ሃሹዋቲ፡ ዒ ዴንዶም» ዔያቶም ጌዔኔ።

ኪሪሰቶሴ ዑፃ ማዲንቲ ፑርታ ማደ
(ማቴ. 26:1-5፤ ማር. 14:1-2፤ ሉቃ. 22:1-2)

45 ማይራም ደዲሻኒ ሙኬ፡ ዓይሁዶ ዓሶይዳፓ ማርጌሣ ዒ ማደ ባኮ ዛፓየ ዩሱሴ ጉሙርቄኔ።

46 ፔቲ ፔቲ ዓሳ ጋዓንቲ ፔርሴ ዓሶ ባንሣ ዴንዲ ዩሱሴ ማደ ባኮ ዔያቶም ኬኤዜኔ።

47 ዩያር ቄኤሶኮ ሱኡጎና ፔርሴ ዓሶና ዋጎ ዋጋ ዓሶ ቡኩሳዎ፡- «ሃይ ዓሣ ማርጌ ያኣሲ ዋልቄና ማዲንታ፡ ዓኪ ባኣዚ ማዳሣሮ ኑ ዋዴቲ ኮሽካንዳይ?

48 ጉሪ ኑ ዒዛ ሃሹቲ ዓሲ ቢያ ዒዛ ጉሙርቃንዳኔ፤ ሮሜ ዓሳኣ ሙኪ ኑኡኮ ጌኡኮ ማኣርና ኑኡኮ ዴርና ቢያ ባይዛንዳኔ» ጌዔኔ።

49 ዩኖ ሌዎና ቄኤሶኮ ሱኡጎ ማዒ ዓኣ፡ ዔያቶይዳፓ ፔቲሣ፡ ቃያፓ፡- «ዒንሣ ዔኤቢ ፔቲታዎ ዔሩዋሴ፤

50 ዴራ ቢያ ባይቃሣዳፓ ፔቲ ዓሲ ዴር ዛሎር ሃይቄቲ ኮሺ ማዒሣ ዒንሣ ዔሩዋዓዳ?» ጌዔኔ።

51 ዒዚ ዩያ ጌዔሣ ፔ ቶኣካፓ ማሊ ዔኪቱዋሴ፤ ጋዓንቲ ዩኖ ሌዎና ዒዚ ቄኤሶኮ ሱኡጌ ማዒሣሮ ዩሱሴ ዴር ዛሎ ሃይቃንዳሣ ያኣሲ ማሊሣ ዒ ኬኬኤዜኔ።

52 ዒ ሃይቃንዳሣ ዴር ዛሎ ሌሊ ማዒባኣንቲ ዳኪንቲ ዴማ ዴማ ላኣሊንቲ ዓኣ ያኣሲ ናኣቶ ፔቲይዳ ቡኩሳኒኬ።

53 ዩያር ዩኖ ኬላፓ ዓርቃዎ ዔያታ ዩሱሴ ዋዳኒ ዘርቲኔ።

54 ዩካፓ ሴካ ዩሱሴ ዓይሁዴ ዓሶ ባኣካ ፔጌና ሃንቲባኣሴ፤ ጋዓንቲ ዩካፓ ኬሰኪ ዓሲ ናንጉዋ ዳውሎ ኮይላ ዓኣ ዔፕሬሜ ጌይንታ ካታማ ዴንዲ፡ ዒኣካ ዒዛኮ ጊንዩ ሃንታዞንሣና ዋላ ዴዔኔ።

55 ዓይሁዶ ዓሶኮ ዑሣ ዓኣዲዎ ቦንቾ ኬላ ዑኬሣሮ ማርጌ ዓሳ ዩና ቦንቾ ኬሌላ ሄላንዳሣኮ ቤርታ ፔና ጌኤሺዎ ዋጎ ኩንሣኒ ዓጫፓ ዓጫፓ ዩሩሳላሜ ዴንዳኔ፤

56 ዔያታ ዩሱሴ ኮዓያታሣሮ ጌኡኮ ማኣርይዳ፡- «ዓይጎ ዒንሣም ማላይ? ሃኖ ቦንቾ ኬሎ ቤዞ ዒ ሙካንዳያ ዒንሣም ማሉዋይ?» ጌይ ጌይ ዋሊ ያኡጫኔ።

57 ቈኤሶኮ ሱኡጎና ፔርሴ ዓሶና ዩሱሴ ዓርቃኒ ዒ ዓኣ ቤዞ ዔራ ዓሲ ዓኣቶ ዔያቶም ኬኤዛንዳጉዲ ዓሲ ቢያም ቤርታ ኬኤዜያኩ።

12

ሳውቃ ተዠና ዩሱሴ ተሸከ ላኣሌሎ
(ማቴ. 26:6-13፤ ማር. 14:3-9)

1 ዓይሁዶ ዓሶኮ ዑሣ ዓኣዲያ ከሎ ቦንቻኒ ላሆ ከሌ ዓታዛ ዩሱሴ ቢታኒያ ጎዖ ጉርዳ ዓኣዳኔ፤ ዩሱሴ ሃይባፓ ዔቂሴ፥ ዓላዜሬ ናንጋሢ ዩኖ ጉርዳሎዶዳኩ።

2 ዩሱሴም ዒኢካ ዩኖ ዋንቴሎ ሙኡዚ ገኢጊሸንቴኔ፤ ዩኖ ሙዖ ሙኡዛዛ ማርታኩ፤ ዩማና ሙዓኒ ዴዔ ዓሶይዳፓ ዓላዜሬ ፔቴሢኩ።

3 ዒማና ማይራማ ሻንቸናቴ ሚርጌ ሚኢሸ ኬሳንዳያ፥ ቦንቸንቴ፥ ናርዶሴ ጌይንታ ሳውቃ ተሸ ዶሎዜኮ ገዲሚሸ ማዓንዳያ ዔኪ ሙኪ ዩሱሴኮ ቶካ ዋሂኔ፤ ዩካፓ ዒዞኮ ቶኦኮ ጋፓኖና ቶኮ ዑጩኔ፤ ዩኖ ኬኤፀሎኮ ጋራ ተዠ ሳዎና ኩሚኔ።

4 ዩሱሴኮ ገንዖ ሃንታ ናኣቶይዳፓ ፔቴሢ፥ ዒዛ ዓኣሢ ዒንጋንዳ ዓሰቆሮንቶ ካታማፓ ማዔ ዩሁዳ፡-

5 «ሃይ ሳውቃ ተዠ ፔቴ ዓሲ ሃይሣ ፀኤታ ከሌ ማዳም ዒንጎንዶ ሚኢሸም ሻንቸንቴ፤ ሚኢሸ ማንቆ ዓሶም ዓይጎሮ ዒንገንቴዎይ?» ጌዔኔ።

6 ዒዚ ዩያ ጌዔሢ ማንቆ ዓሶ ሚጩንቴቱዋንቴ ዉሲ ማዔሢሮኩ፤ ዒማና ዒዚ ሚኢሸ ዓርቃያ ማዔሢሮ ሚኢሸ ዒ ጌሣ ቤዛፓ ዔኪ ዔኪ ዔሬያኩ።

7 ዩሱሴ፡- «ታኣኒ ዶኡኪንታንዳ ከሎም ዒዛ ታና ገኢጊሸያ ማዔሢሮ ዒዞ ሃሹዋቴ።

8 ማንቆ ዓሳ ቢያ ከሌ ዒንሢና ዎላኩ። ታኣኒ ጋዓንቴ ቢያ ከሌ ዒንሢና ዎላቴዎሴ» ጌዔኔ።

9 ዩማና ሚርጌ ዓይሁዴ ዓሲ ዩሱሴ ቢታኒያይዳታሢ ዔሪ ሙኩኔ፤ ዔያታ ሙኩሢ ዩሱሴ ዛሎሮ ሌሊቱዋንቴ ዩሱሴ ሃይባፓ ዔቂሴ፥ ዓላዜሬያ ዛጋኒኩ።

10 ዩያሮ ቈኤሶኮ ሱኡጋ ዓላዜሬያ ዎዳኒ ዘርቴኔ።

11 ዓይጎሮ ጌዔቶ ዒዛይዳፓ ዔቂያና ሚርጌ ዓይሁዴ ዓሳ ፔኤኮ ዔኪ ዓኣዳ ዓሶ ሃሺ ሃሺ ዩሱሴ ጉሙርቃሢሮኩ።

ዩሱሴኮ ቦንቾና ዩሩሳላሜ ጌሊያ
(ማቴ. 21:1-11፤ ማር. 11:1-11፤ ሉቃ. 19:28-40)

12 ዚሮ ጉቴሎ ዑሣ ዓኣዲያ ቦንቾ ከሎ ቦንቻኒ ሙኬ፥ ሚርጌ ዓሳ ዩሱሴ ዩሩሳላሜ ሙካያ ማዕሚ ዋይዘኔ።

13 ዩያሮ ዔያታ ዒማና ዓኣዔ ሜኤፄ ዓርቂ ከሰካዎ፡- «ጾኑሲ ጋላቲንቶም! ጎዳ ሱንፆና ሙካ፥ ዒሰራዔኤሌኮ ካኣታሢ ዓንጂንቴያኬ!» ጌይ ጌይ ዒላቴኔ።

14 ዩሱሴ ሃሬ ናይ ዳካ ዴንቃዎ ዒማ ቶጌኔ፤ ዩይ ያዲ ማዕሚ፡-

15 «ሃና ኔኤኒ፥ ፂዮኔ ካታሜሌ፥ ዩሩሳላሜ ዒጊጨፖ፤

ሃይሾ ኔኤኮ ካኣታሢ ሃሬ ናይ ቶጊ ሙካኔ»

ጌይንቴ ጻኣፒንቴሢ ኩማንዳጉዲኬ።

16 ዩሱሴኮ ጊንፆ ሃንታዞንሢሞ ዩይ ባካ ቤርታ ዔርቲባኣሴ፤ ጋዓንቴ ዩሱሴ ቦንቾና ለካ ጫሪንጮ ዔውቴ ዎዶና ዩይ ባካ ዒዛ ዛሎ ጻኣፒንቴሢሃና ሃሣ ዒዛም ማዲንቴሢ ዔያታ ጳቂሲ ዔሬኔ።

17 ዩሱሴ ዓላዜሬ ዱኡፓፓ ዔኤሊ፥ ሃይባፓ ዔቂሳማና ዒዛና ዎላ ዓኣ ዓሳ ቢያ ዒዚ ዓላዜሬ ሃይባፓ ዔቂሳሢሢ ማርካዳኔ።

18 ሚርጌ ዓሳ ዩሱሴ ጎይሣ ዔካኒ ከሰኬሢ ዩያ ጾኑሲ ዎልቆና ማዲንቴ ዓኮ ባኮ ዒ ማዴሢ ዋይዘሢሮኬ።

19 ዒማና ፔርሴ ዓሳ፡- «ሃኣዛጉዎቴ፤ ዴራ ቢያ ዒዛ ጊንፆ ከሰኬኔ! ኑፔቴ ባኣዚታዎ ማዲኒ ዳንዳዑዎኣሢሢ ዒንሢ ዛጋ?» ዎሊ ኮይላ ጌዔኔ።

20 ዩኖ ቦንቾ ከሎና ዚጊ ካኣሽኮሮ ዩሩሳላሜ ዓኣዴ ዓሶ ባኣካ ፔቴ ፔቴ ጊሪኬ ዓጢ ዓሲ ዓኣኔ።

21 ዔያታ ጌሊላይዳ ቤቴሳይዳ ጌይንታ ዓጮ ዓሢ ማዔ፥ ፒልጶሴ ኮራ ሙኪ፡- «ጎዳሢያ! ዩሱሴ ዛጋኒ ኑ ኮዓኔ» ጌዔኔ።

22 ፒልጶሴ ዴንዲ ዒንዲራሴም ከኤዘኔ፤ ዩካፓ ዒንዲራሴና ፒልጶሴና ዴንዲ ጊንሣ ዩሱሴም ከኤዘኔ።

23 ዩሱሴ ዔያቶም፡- «ሃይሾ ዓካሪ ዓሲኮ ናዓሢ ቦንቾንታ ዎዳ ሄሌኔ፤

24 ጎኔ ታ ዒንሣም ጋዓኔ፤ ዓሲ ሃይቂ ዱኡታሢጉዲ ጉምቡሦኮ ፔቴ ዓኣፒ ዱኡቂንቴባኣያታቴ ፔኤሮ ሌሊ ማዒ ዓታኔ፤ ጋዓንቴ ዱኡቂንቴያታቴ ሚርጌ ዓኣፒ ዓኣፓኔ።

25 ፔኤኮ ናንጎ ጾኑሲፓ ባሽ ናሽካሢ ባይዛንዳኔ፤ ሃያ ዓጮይዳ ፔ ናንጎይዳፓ ባሽ ጾኑሲ ናሽካሢም ጋዓንቴ ናንጊና ናንጊ ጊኢጊ ዓኣኔ።

12:13 ዓይኑ. 118:25-26። 12:15 ዛካ. 9:9። 12:25 ማቴ. 10:39፤ 16:25፤ ማር. 8:35፤ ሉቃ. 9:24፤ 17:33።

26 ታአም ማዳኒ ኮሳሢ ታ ጊንጾ ሙኮንጎ፤ ታኣኒ ዓአ ቤዘይዳ ታአም ማዳሢያ ዒኢካ ማዓንዳኔ፤ ታአም ማዳሢ ታ ዓዴ ዒዛ ቦንቻንዳኔ» ጌይ ማሄኔ።

ዩሱሴ ፔና ሄላንዳ ሜታሢና ሃይቦና ዛሎ ኬኤዜሢ

27 ዩካፓ ዩሱሴ፡- «ዓካሪ ታአኮ ሸምፔላ ሚርጌና ሜታዳኔ፤ ታ ዓዳሢያ! ሃያፓ ታና ኔ ዳቂሽ ጎጆንዶ?» ዩያ ታ ጎዑዋጉዲ ታኣኒ ሙኬሢ ሃኖ ሜቴሎምኬ።

28 ታ ዓዳሢያ! ኔኤኮ ሱንጾ ቦንቹ» ጌዔ። ዩካፓ፡- «ታአኮ ሱንጾ ታ ቦንቹ፤ ሃሣ ታ ቦንቻንዳኔ!» ጋዓ ዑኡሲ ጫሪንጫፓ ዋይዚንቴ።

29 ዒኢካ ዔቂ ዓአ ዓሳ ዩያ ዑኡዘ ዋይዘያ፡- «ጉጉንሢ!» ጋዓዛ፡ ዛላ ሃሣ፡- «ጾኦሲ ከኢታንቻ ዒዛና ጌሰታኔ» ጌዔ።

30 ዩሱሴ ጋዓንቴ፡- «ሃይ ዑኡዛ ዒንሢም ኬኤዚንቴያ ማዓንዳኢፓዓቴም ታአም ኬኤዚንቴያቴዋሴ፤

31 ዓጫ ሃይ ዋጊንታንዳ ዋዳ ሃሢኬ፤ ሃያ ዓጫ ዋይሣ ፃላሃ ዙላ ኬኤሪንታንዳሢያ ሃሢኬ፤

32 ታኣኒ ሳዓፓ ጆግ ጌዔ ዋዶና ዓሳ ቢያ ታ ባንሢ ሙኪ ዳቃንዳጉዲ ታ ማሃንዳኔ» ጌዔ።

33 ዩሱሴ ዩያ ጌዔሢ ዋዚጉዴ ጎይሢና ዒ ሃይቃንዳቴያ ዔርዛኒኬ።

34 ዓሳኣ ማሃያ፡- «ኦኡኮ ዋጎይዳ ፃአፒንቴም ኦ ዛጋሢ ለሚሲሄ ናንጊና ናንጋኔ» ጋዓያኬ፤ ዓካሪ ኔኤኒ «ዓሲኮ ናዓሢ ጆግ ጋዓንዳያ ኮይሳኔ» ዋዲ ጋዓይ? ዩይ ዓሲኮ ናዓሢ ያናዳይ?» ዒዛ ኮራ ጌዔ።

35 ዩሱሴ ዔያቶም፡- «ሃሢ ዳካ ዋዴ ዒንሢም ፖዒኬ፤ ጎይፃአ ዒንሢ ዓአንቴ ዒንሢም ዲሙዋንቴ፤ ፖዓ ዓአ ጎይሣ ዓአንቴ ሃንቴዋቴ፤ ዲሚና ሃንታሢ ዓንኮ ዴንዳቴያ ዔሩዋያኬ።

36 ዒንሢ ፖዒ ናይ ማዓንዳጉዲ ዒንሢኮ ፖዓሢ ዓአንቴ ፖዓሢ ጉሙርቁዋቴ» ጌይ ማሄኔ። ዩሱሴ ዩያ ዔያቶም ኬኤዘያ ዓኣፓፓ ዔያቶኮ ዓኣሺንጉ ባይቄ።

ዓይሁዶ ዓሶኮ ጉሙርቁዋያ ዓቴያ

37 ዩሱሴ ዩያ ያኦሲ ዋልቄና ማዲንታ ዓኮ ባኮ ዔያቶ ቤርቶይዳ ማዴቶዋ ዓይሁዶ ዓሳ ዒዛ ጉሙርቁባኣሴ።

38 ዩይ ያዲ ማዔሢ ያኦሲ ማሊያ ኬኤዛ ዒሲያሴ፡- «ጎዳሢያ! ኦኡኮ ማርካቶ ያኦኒ ጎኔኬ ጌዔይ?»

12:34 ዓይኑ. 110:4፤ ዒሲ. 9:7፤ ሃዚ. 37:25፤ ዳኣኔ. 7:14።

ያኦሲ ዋልቃ ሃሣ ያኦሞ ጴዳይ?»
 ጌራ ከኤዜ ቃኣላ ኩማንዳጉዲኬ።
 39 ዬያሮ ዔያታ ጉሙርቃኒ ዳንዳዒባኣሴ፤ ዓይጎሮ ጌዔቴ ያኦሲ
 ማሊያ ከኤዛ ዒሲያሴ፡-
 40 «ዔያታ ፔኤኮ ዓኣፖና ዛጊ
 ሃሣ ዒኖና ጳቂሣ
 ያኦሲ ባንሢ ማዒ ዔያታ ዳቁዋጉዲ
 ዒዚ ዔያቶኮ ዓኣፖ ባይዜኔ፤
 ሃሣ ዒኖዋ ደጨሴኔ» ሂዚ ጌራ ጻኣፔሢኬ።
 41 ዒሲያሴ ዬያ ጌዔሣ ማሲሂኮ ቦንቾ ዛጌሢኬ፤ ዬያሮ ሂዚ
 ጌራ ዬሱሴ ዛሎ ከኤዜኔ።
 42 ያዲ ማዔቴያ ዓይሁዶ ዓሶኮ ሱኡጎይዳፓ ሃሣ ማሌ ማርጌ
 ዓሲያ ዬሱሴ ጉሙርቅኔ፤ ጋዓንቴ ዓይሁዶ ዓሳ ፔኤኮ ቡከንቶ
 ቤዛፓ ዔያቶ ከሱዋጉዲ ፔርሴ ዓሶ ዒጊጨሢሢሮ ፔጌና ዔያታ
 ዬሱሴ ጉሙርቃያ ማዔሣ ዔርዙዋሴ።
 43 ዬያ ዔያታ ማዳሣ ያኦሲ ዔያቶ ናሽካሢፓ ባሼ ዓሲና
 ናሽከንታኒ ኮዓሢኬ።
 44 ዬሱሴ ዒማና ዑኡዛ ዳጊዲ፡- «ታና ጉሙርቃሢ ታና
 ሌሊቱዋንቴ ታና ዳከሢያ ጉሙርቃኔ፤
 45 ታና ዛጋሢ ታና ዳከሢያ ዛጋኔ፤
 46 ታና ጉሙርቃሢ ቢያ ዲሚዳ ናንጉዋጉዲ ታኣኒ ፖዔ ማዒ ሃያ
 ዓጮ ሙኬኔ።
 47 ታኣኮ ቃኣሎ ዋይዚ ማዳይዳ ፔኤሹዋኣሢዳ ዋጋንዳሢ
 ታናቱዋሴ፤ ዓይጎሮ ጌዔቴ ታኣኒ ሙኬሢ ዓጮ ዳቁሻኒ
 ማዓንዳኣፓዓቱም ዓጮይዳ ዋጋኒቱዋሴ።
 48 ታና ኮዑዋኣሢና ታኣኮ ቃኣሎዋ ዔኩዋ ዓሶይዳ ዋጋንዳያ
 ዓኣኔ፤ ዬይያ፡- ታኣኒ ከኤዛ ቃኣላ ጋፒንያ ከሎና ፔኤሮ ዋጋንዳኔ።
 49 ዓይጎሮ ጌዔቶ ታኣኒ ታ ቢታንቶና ከኤዚባኣሴ፤ ታኣኒ ጋዓ
 ባኮና ከኤዛ ዓይሢያ ታኣም ዒንጌሢ ታና ዳኬ ዓደኬ።
 50 ዒዛኮ ዓይሢያ ናንጊና ናንጊ ሸምፖ ዒንጋሢ ታ ዔራኔ። ዬያሮ
 ታኣኒ ከኤዛሢ ዓዳ ታኣም ከኤዜሢኬ» ጌዔኔ።

13

ዬሱሴ ዒዛኮ ጊንያ ሃንታዘንሢኮ ቶኮ ማሰኬሢ

1 ዬሱሴ ዓይሁዶ ዓሶኮ ዑሣ ዓኣዲያ ቦንቾ ከሎኮ ቤርታ ሃያ
 ዓጮ ሃሽ ሌካ ዓዶ ባንሢ ዓኣዳንዳሢ ዔሬኔ፤ ዬያሮ ሃያ ዓጮይዳ

12:38 ዒ.ሲ. 53:1። 12:40 ዒ.ሲ. 6:10።

ዓኣ፥ ዒዛም ማዕዘንህ ቢያ ዒ ናሽኬኔ፤ ሃህ ሜቶ ጉቤ ዔያቶ ዛሎ ዔካኒ ጋፒንህ ዒ ዔያቶ ናሽኬኔ።

2 ዩሱሴና ዒዛኮ ጊንያ ሃንታዘንህና ዎላ ሙኡዚ ሙዓንቴ፡- ሲሞኦኔ ናዓህ፥ ዓሰቆሮንቶ ካታሞ ዓህ፥ ዪሁዳ ዩሱሴ ዓኣህ ዒንጋንዳጉዲ ፃላሃ ዒዛኮ ዒኖይዳ ፑርታ ማሊህ ጌልዜኔ።

3 ዓዴ ቢታንቶ ቢያ ዒዛም ዒንጌህና ጾኦሲ ዳኬም ዒ ሙከህህ ሃህ ጾኦሲ ባንህያ ማዒ ዴንዳንዳህ ዩሱሴ ዔራዎ፥

4 ሙጾይዳፓ ዔቁ፥ ዓፒሎ ፔኤኮ ጌህ ሞኣህ ማሰቴሰካፓ ዑጨንቶ ማርያ ዔኪ ኬርና ቱኡቴኔ፤

5 ዩካፓ ቶኮ ማሰቶ ጋባዶይዳ ሞኣህ ሞሃጾ ፔኤኮ ጊንያ ሃንታዘንህኮ ቶኮ ማሰኪ ማሰኪ ኬርና ዒ ቱኬ ዑጨንቶ ማርፄሎና ዔያቶኮ ቶኮ ዑጨህ ዓርቄኔ።

6 ዩሱሴ ዩያይዴ ጎይህ ሲሞኦኔ ጌይንታ ጳዲሮሴ ኮራ ሙካዛ ጳዲሮሴ፡- «ጎዳሂዮ! ኔኤኒ ታ ቶኮ ማሰካንዳ?» ጌዔኔ።

7 ዩሱሴ ማሃዎ፡- «ታኣኒ ማዳ ባኮ ሃህ ኔ ዔራዓኬ፤ ጊንፃፓ ጋዓንቴ ኔ ዔራጎዳኔ» ጌዔኔ።

8 ጳዲሮሴ ማሃዎ፡- «ኔኤኒ ታ ቶኮ ፔቴታዎ ማሰካዓኬ» ዒዛም ጋዓዛ፥ ዩሱሴ፡- «ታኣኒ ኔኤኮ ቶኮ ማሰኪባኣታቴ ታኣና ዎላ ፔቴሞ ኔኤኮ ባኣሴ» ዒዛም ጌዔኔ።

9 ጳዲሮሴ ማሃዎ፡- «ጎዳሂዮ! ያዲ ማዔቶ ታኣኮ ቶኮ ሌለቱሞንቴ ኩጮንታ ሃህ ቶኣኮሞ ታኣኮ ማሰኬ!» ጌዔኔ።

10 ዩሱሴ ማሃዎ፡- «ዑጾ ማሰቴሂኮ ዑፃ ጌኤሺታሂሮ ቶኮ ማሰቴሂዳፓ ዓታዛ ሜሌ ዒዛም ኮይሱሞሴ፤ ዒንህ ሃህ ጌኤሺኬ፤ ጋዓንቴ ቢያህ ዒንህ ጌኤሺቱሞሴ» ዔያቶም ጌዔኔ።

11 ዩሱሴ፡- «ቢያህ ዒንህ ጌኤሺቱሞሴ» ጌዔህ ዓኣህ ዒዛ ዒንጋንዳህ ያናታቴያ ዔራሂሮኬ።

12 ቶኮ ዔያቶኮ ዒ ማሰኬሰካፓ ፔኤኮ ማኣዓህ ማይንቴ ፔ ቤዘይዳ ዴዓዎ፡- «ታ ዒንህም ዓይጎ ማዳቴያ ዒንህ ጳቂህ ዔሪያ?»

13 ዒንህ ታሩ፡- «ዔርዘህ ሃህ ጎዳ» ጋዓኔ፤ ታኣኒ ዔርዘህ ሃህ ጎዳ ማዒሂሮ ዒንህ ጌዔህ ጎኔኬ።

14 ዓካሪ ታኣኒ ዒንሂኮ ጎዳ ሃህ ዔርዘህታዎ ቶኮ ዒንሂኮ ማሰኬቶ ዒንህ ዎሊኮ ቶኮ ማሰካንዳያ ኮይሳኔ።

15 ታኣኒ ዒንሂም ማዳ ባኮ ዒንሂያ ማዳንዳጉዲ ማላታ ታ ዒንሂም ዒንጌኔ።

16 ጎኔ ታ ዒንሂም ጋዓኔ፥ ማዳሂ ፔ ጎዳፓ ባሹቱሞሴ፤ ኪኢቲንታዘንህያ ሃህ ኪኢታሂዳፓ ባሹሞሴ።

13:12 ሉቃ. 22:27። 13:16 ማቴ. 10:24፤ ሉቃ. 6:40፤ ዮሃ. 15:20።

17 ዬያ ባኮ ዲንሢ ሴሪ ማድይዳ ፔኤሼቶ ዓንጂንቴያ ዲንሢ ማዓንዳኔ።»

18 «ሃያ ታ ከኤዛሢ ዲንሢ ሲያሢ ዛሎሮቱዋሴ፤ ታ ዶኦሪዘንሢ ታ ዔራሪ፤ ጋዓንቴ ታኣና ዋላ ካሦ ሙዔሢ ታኣኮ ሞርኬ ማዔኔ» ጌይንቴ ጌኤዮ ማፃኣፖ ቃኣላ ኩማንዳጉዲኬ።

19 ዬይ ማዓንዳሢኮ ቤርታ ሃሢ ታኣኒ ዲንሢም ቤርታሲ ከኤዛሢ ዬይ ኩሜሰካፓ ታ ያኑሞ ዲንሢ ጉሙርቃንዳጉዲኬ።

20 ጎኔ ታ ዲንሢም ጋዓኔ፤ ታኣኒ ዳኬሢ ጎኔኬ ጌይ ዔካሢ፡- ታና ዔካኔ፤ ታና ዔካሢያ ሃሢ ታና ዳኬሢያ ጎኔኬ ጌይ ዔካኔ» ዔያቶም ጌዔኔ።

ዒዛ ዓኣሢ ዲንጋንዳሢ ያና ማዔቴያ ዬሱሴ ከኤዘሢ (ማቲ. 26:20-25፤ ማር. 14:17-21፤ ሉቃ. 22:21-23)

21 ዬሱሴ ዬያ ጌዔሰካፓ ማሊ ሜታዳዖ፡- «ጎኔ ታ ዲንሢም ጋዓኔ፤ ዲንሢዳፓ ፔቴሢ ዓኣሢ ታና ዲንጋንዳኔ» ጌይ ፔጋሲ ከኤዘኔ።

22 ዲዛኮ ጊንያ ሃንታዘንሢ ዬያ ዲ ያናኬ ጌይ ጋዓቴያ ዔሪባኣሢሮ ዋሊ ሴካ ሃንጋ ዛጌኔ፤

23 ዬሱሴ ዲዛ ናሽካ፡ ዲዛኮ ጊንያ ሃንታዘንሢዳፓ ፔቴሢ ዬሱሴ ሄሊ ዳዒ ዓኣኔ።

24 ሲሞኦኔ ጌይንታ ጳዒሮሴ ዬያ ዉታዖ፡- «ዒ ዬያ ያናኬ ጌይ ጋዓቴያ ሂንዳ ዬሱሴ ያኦጩ» ጌዔኔ።

25 ዬያር ዲዚ ዬሱሴ ባንሢ ዛላዲ ሂርኪ ጌዔሰካፓ፡- «ጎዳሢዮ! ዬይ ያናዳይ?» ጌይ ዲዛ ያኦጩኔ።

26 ዬሱሴ ማሃዖ፡- «ሃይ፡ ካሦ ታ ዋያና ዓይሢ ዔኪ ኩልሳንዳሢ ዲዛኬ» ጌዔኔ። ዬያ ጌዔሰካፓ ካሦ ዋያና ዓይሢ ዔኪ ዓሰቆሮንቶ ካታሞ ዓሢ፡ ሲሞኦኔ ናኣዚ፡ ዪሁዳ ኩልሴኔ።

27 ዪሁዳ ካሦ ኩኡሌሰካፓ ቤዘማና ፃላሄ ዲዛይዳ ጌሌኔ፤ ዲማና ዬሱሴ ዪሁዳም፡- «ኔኤኒ ማዳኒ ማሌ ባኮ ሃሢ ዑኩና ማዳ» ጌዔኔ።

28 ዬሱሴ ዓይጎሮ ዬያ ጌዔቶ ሙዖይዳ ዳዔዘንሢዳፓ ያኦኒያ ዔሪባኣሴ።

29 ዪሁዳ ሚኢሾ ዓርቃያ ማዔሢሮ ዬሱሴኮ ጊንያ ሃንታዘንሢዳፓ ፔቴ ፔቴዘንሢም ዲዚ፡- «ሶንቾ ከሎም ኮይሳ ባኣዚ ኑም ሻንቄ፤ ሃሢ ማንቆ ዓሶም ሚኢሾ ዲንጌ» ዪሁዳም ጌዔያ ማሌኔ።

30 ዪሁዳ ዬኖ ካሦ ኩኡሌሢዳፓ ቤዘማና ከሰኪ ዓኣዳኔ፤ ዬማና ሳዓ ዲሚኬ።

13:18 ዓይኑ. 41:9። 13:20 ማቲ. 10:40፤ ማር. 9:37፤ ሉቃ. 9:48፤ 10:16።

ዓኮ ዓይሢያ

31 ዪሁዳ ከሰከ ዓኣዳሰካፓ ዩሱሴ፡- «ዓካሪ ዓሲኮ ናዓሢ ለንቸንቴኔ፤ ዒዛ ዛሎና ጾኦዛሢያ ለንቸንቴኔ፤

32 ጾኦሲ ዒዛ ዛሎና ለንቸንቴያ ማዕዔቶ ጾኦሲያ ፔ ናዓሢ ፔኤና ዋላ ለንቸሳንዳኔ፤ ኔጉዋዖ፡ ሃሢ ዒዛ ለንቸሳንዳኔ፡፡

33 ናይዮቴ! ታ ዒንሢና ዋላ ሚርጌ ዋዴ ዴዓዓኬ፤ ዒንሢያ ታና ኮዓንዳኔ፤ ዓይሁዳ ዓሶ ዋይሢ ዓሶም ታኣኒ ዴንዳ ሴዞ ዒንሢ ሙካኒ ዳንዳዒንዳዋሴ» ታ ጌዔሢጉዲ ሃሢ ታ ዒንሢማኣ ያዲ ጋዓኔ፡፡

34 ዋሊ ዒንሢ ናሽካንዳጉዲ ዓኪ ዓይሥሢ ታ ዒንሢ ዓይሣኔ፤ ታ ዒንሢ ናሽኬሢጉዲ ዒንሢያ ዋሊ ናሽኩዋቴ፡፡

35 ዋሊ ዒንሢ ናሽኬቴ ዒንሢ ታኣኮ ጊንዖ ሃንታዞንሢ ማዕሢ ዓሲ ሲያ ዬያና ዔራንዳኔ» ጌዔኔ፡፡

ጳዒርሴ ታ ዒዛ ዔራዋሴ ጋዓንዳሢ ዩሱሴ ከኤዜሢ (ማቴ. 26:31-35፤ ማር. 14:27-31፤ ሉቃ. 23:31-34)

36 ዩካፓ ሲሞኦኔ ጌይንታ ጳዒርሴ ዩሱሴ ኮራ፡- «ጎዳሢዮ! ኔኤኒ ዓንኮ ዴንዳንዳይ?» ጌይ ዒዛ ጾኦጫዛ፡ ዩሱሴ ማሃዖ፡- «ታኣኒ ዴንዳ ሴዞ ሃሢ ኔታ ጊንዖ ሙካኒ ዳንዳዒንዳዋሴ፤ ጊንፃፓ ኔ ጋዓንቴ ሙካንዳኔ» ጌዔኔ፡፡

37 ጳዒርሴ ጊንሣ፡- «ጎዳሢዮ! ዓይጎር ሃሢ ታ ኔ ጊንዖ ሙካኒ ዳንዳዐዋይ? ታኣኒ ታኣኮ ሽምፓሢታዖ ኔ ጋይቴ ዓኣሢ ዒንጋንዳኔ» ጌዔኔ፡፡

38 ዩሱሴ፡- «ኔኤኒ ታ ጋይቴ ኔኤኮ ሽምፓሢ ዓኣሢ ዒንጋንዳ? ጎኔ ታ ኔኤም ጋዓኔ፤ ሃኖ ኮይዳ ቂኢቃንዳሢኮ ሴርታ ሃይሢ ማይንቴ ታ ዒዛ ዔራዋሴ» ኔ ታና ጋዓንዳኔ» ጌይ ዒዛም ማሄኔ፡፡

14

ዩሱሴ ፔኤኮ ጊንዖ ሃንታዞንሢ ደዲሼሢ

1 ዩካፓ ዩሱሴ፡- «ዒንሢኮ ዒና ማሊ ሜታደፓ፤ ጾኦሲ ጉሙርቁዋቴ፤ ታናኣ ጉሙርቁዋቴ፤

2 ታ ዓዶ ኮርይዳ ሚርጌ ናንጎ ሴሲ ዓኣኔ፤ ያዲ ማዒባኣታቴ ሩዒንሢ ናንጋንዳ ሴዞ ታ ጊኢጊሻኒ ዓኣዳንዳኔ» ታ ዒንሢም ጌይንዲዋያታንቴከ፡፡

3 ታኣኒ ዴንዳ ዒንሢም ሴዞ ጊኢጊሹሰካፓ ታኣኒ ዓኣ ሴዞይዳ ዒንሢያ ናንጋንዳጉዲ ላሚ ታ ሙኪ ዒንሢ ዔካንዳኔ፡፡

4 ታኣኒ ዴንዳ ቤዞ ሄሊሳ ጎይፆ ዲንሢ ሴራኔ» ጌዔኔ።

ሌካ ዓደ ባንሢ ሄሊሳ ጎይፆ

5 ቶኦማኦሴ ዲማና፡- «ጎዳሢዮ! ዓንኮ ኔ ዓኣዳቶዎ ኑ ዔሩዎሴ፤ ሂዳፆ ጎይፆ ኑ ዎዲ ሴራኒ ዳንዳዓንዳይ?» ዩሱሴ ኮራ ጌዔኔ።

6 ዩሱሴ ዲዛሞ፡- «ጎኑሞና ጎይፆሢና ሽምፓሢያ ታናኬ፤ ታ ዛሎና ማዲባኣታፆ ፆኦኒያ ዓደ ኮራ ሙካንዳይ ባኣሴ።

7 ታና ዲንሢ ሴራያታቲ ታ ዓደዎ ዲንሢ ሴራያ ናንዳንቴኬ፤ ሃካፓ ሴካ ጋዓንቴ ዲንሢ ሴራንዳኔ፤ ዲዛ ዲንሢ ዛጌኔ» ጌዔኔ።

8 ፒልጶሴ፡- «ጎዳሢዮ! ዓደ ኑና ኔ ዳዌቲ ማይ ኑሞ ጊዳንዳኔ» ዲዛ ኮራ ጌዔኔ።

9 ዩሱሴ ዲዛሞ፡- «ፒልጶሴ! ሃያጉዴ ዎዴ ታ ዲንሢና ዎላ ናንጋዛ ኔ ታና ዔሩዎዳዳ? ታና ዛጌሢ ዓደ ዛጌኔ፤ ሂዳፆ ዓካሪ ኔኦኒ ሩዳ ኑና ዳዌ ዎይቲ ጋዓይ?

10 ታኣኒ ዓደና ዎላ ዓኣሢ ሃሃ ዓዴያ ታኣና ማዔሢ ኔ ጉሙርቁዎዳዳ? ዲንሢሞ ኬኤዛ ቃኣሎ ታኣኒ ኬኤዛሢ ታ ቢታንቶናቲዎሴ፤ ጋዓንቴ ማዶ ቢያ ማዳሢ ታኣና ናንጋ፤ ዓደኬ።

11 ታኣኒ ዓደና ዓኣሢጉዲ ዓዴያ ታኣና ዓኣሢ ታ ዲንሢሞ ኬኤዛሢ ጉሙርቁዎቲ፤ ዩይ ዓቴቲ ታኣኒ ማዳ ዓኮ ባኮ ዛሎርታፆ ታና ጉሙርቁዎቲ።

12 ጎኔ ታ ዲንሢሞ ጋዓኔ፤ ታና ጉሙርቃሢ ታኣኒ ማዳ ማዶ ማዳንዳኔ፤ ዩያፓ ዑሢ ዓኣዴ ባኣዚያ ማዳንዳኔ፤ ዓይጎር ጌዔቲ ታኣኒ ሌካ ታ ዓደ ባንሢ ዴንዳንዳኔ።

13 ዓዴ ናዓሢ ዛሎና ቦንቺንታንዳጉዲ ታ ሱንፆና ዲንሢ ሺኢቃ ባኮ ቢያ ታ ዲንሢሞ ማዳንዳኔ።

14 ዓይጎ ባኣዚታቶዎ ታ ሱንፆና ዲንሢ ሺኢቁቶ ታ ማዳንዳኔ» ጌዔኔ።

ዓያና ጌኤዢ ዛሎ ዲንጊንቴ ሃጊ ማዓ ዎዛ

15 ዩሱሴ ሃሃ ኬኤዛፆ፡- «ታና ዲንሢ ናሽካያ ማዔቶ ታ ዓይሢፆ ዲንሢ ካፓንዳኔ፤

16 ታኣኒ ዓደ ሺኢቃንዳኔ፤ ዲዚያ ናንጊና ዲንሢና ናንጋንዳ፤ ሜሌ ደዲሻያ ዲንሢሞ ዲንጋንዳኔ።

17 ዩያ ደዲሻሢ ዓጫ ዴንቁንዲዎኣሢረና ዔሪንዲዎኣሢረና ዔካኒ ዳንዳዑዎሴ፤ ዩይ ጎኑሞ ዔርዛ ዓያናኬ፤ ዲንሢ ጋዓንቴ ዩያ ዔራንዳኔ፤ ዓይጎር ጌዔቲ ዲንሢና ዎላ ናንጋንዳሢረና ዲንሢኮ ጋርይዳ ማዓንዳሢረኬ።

18 «ዓደና ዒንደናባኣ ናይጉዲ ታ ዒንሢ ዒንሢሮ ሌሊ ሃሽንዲቆሴ፤ ማዒ ታ ዒንሢ ኮራ ሙካንዳ።»

19 ዳካ ዋዴኮ ገንፃፓ ዓጫ ታና ዛገንዲቆሴ፤ ዒንሢ ጋዓንቴ ታና ዛጋንዳ፤ ታኣኒ ናንገና ባይቁቆያ ማዔሢሮ ዒንሢና ናንገና ባይቁቆያ ማዒ ናንጋንዳ።፤

20 ታኣኒ ዓደና ዓኣሢ፣ ዒንሢያ ታኣና ዓኣሢ፣ ታኣኒያ ዒንሢና ዓኣሢ ዬኖ ኬሎና ዒንሢ ዔራንዳ።።

21 «ታኣኮ ባይሢያ ዔካሢና ሃሃ ማዳይዳ ፔኤሻሢ፣ ዒዚ ታና ናሽካ፤ ታና ናሽካሢ ታ ዓዴያ ዒዛ ናሽካንዳ፤ ታኣ ዒዛ ናሽካንዳ፤ ታና ታ ዒዛም ፔጋሲ ዳቀንዳ።» ጌዔ።።

22 ዓሰቆሮንቶ ካታቆሲቱቀንቴ ሃንጎ ዪሁዳ፡- «ጎዳሢዮ! ኔና ዓጮቱቀንቴ ኦም ኔ ፔጋሲ ዳቀንዳሢ ዋይቲዳይ?» ዒዛ ኮራ ጌዔ።።

23 ዬሱሴ ዒዛም፡- «ታና ናሽካሢ ታ ቃኣሎ ካፓንዳ፤ ታ ዓዴያ ዒዛ ናሽካንዳ፤ ኦኡኒያ ዒዛ ኮይላ ሙኪ ዒዛና ዋላ ናንጋንዳ።።

24 ታና ናሽኩቀኣሢ ታ ቃኣሎ ካፒንዲቆሴ፤ ሃይ ዒንሢ ዋይዛ ቃኣላ ታና ዳኬ፣ ዓደሮ ማዓንዳኣፓዓቴም ታኣሮቱቆሴ» ጌዔ።።

25 ዬሱሴ ሃሃ፡- «ሃሢ ታ ዒንሢና ዋላ ዓኣዖ ሃያ ባኮ ታ ዒንሢም ኬኤዜ፤፤

26 ዓዴ ታ ሱንፃና ዳካ፣ ደዲሻ ዓያኖ ጌኤዛ ጋዓንቴ ቢያ ባኣዚ ዒንሢ ዔርዛንዳ፤ ታ ዒንሢም ኬኤዜ ባኮቀ ቢያ ዒንሢ ጳቂሳንዳጉዲ ማሃንዳ።።

27 «ኮሹቆ ታ ዒንሢም ዒንጋንዳ፤ ሃሃ ታ ኮሹቆቀ ታ ዒንሢም ዒንጋንዳ፤ ታኣኒ ዒንሢም ዒንጋ ኮሹማ ዓጫ ዒንሢም ዒንጋሢጉዲቱቆሴ፤ ዒና ዒንሢኮ ማሊ ሜታዲ ዒጊጮፓ» ጌዔ።።

28 ዬሱሴ ሃሃ ኬኤዛ፡- « ታኣኒ ዒንሢ ኮራፓ ዓኣዳንዳ፤ ሃሃ ማዒያ ታ ዒንሢ ባንሢ ሙካንዳ፤ ታ ጌዔሢ ዒንሢ ዋይዜ፤ ታና ዒንሢ ናሽካያ ማዔቶ ዓዴ ታጊዳፓ ባሽታሢሮ ታኣኒ ዓደ ባንሢ ዓኣዲያና ዒንሢ ዋዛዳንዳያታ፡ኮ።።

29 ዬይ ያዲ ማዔ ዋደና ዒንሢ ጉሙርቃንዳጉዲ ዬይ ማዓንዳሢኮ ቤርታዲ ታ ዒንሢም ሃሢ ኬኤዜያኮ።።

30 ሃያ ዓጫ ዋይሃ ጻላሄ ሙካሢሮ ሃካፓ ሴካ ታ ዒንሢና ዋላ ሚርጌ ጌሰታዓኮ።። ዒዚ ታ ጊዳ ፔቴ ባኣዚያ ማዳኒ ዳንዳዑቆሴ፤፤

31 ጋዓንቴ ታኣኒ ታ ዓደ ናሽካሢ ዓጫ ዔራንዳጉዲ ዓዴ ታና ዓይሢ ባኮ ቢያ ታኣኒ ኩንሃንዳ፤ «ዓካሪ ሃካፓ ኦ ዴንዶም» ጌዔ።።

15

ዬሱሴ ዎይኖ ሚያኮ ፃጶ ማዔሢ

1 ዬካፓ ዬሱሴ፦ «ዎይኖ ሚያኮ ጎኔ ፃጶሢ ታናኬ፤ ቱኪ ኮሻሢ ታ ዓደኬ፤

2 ታ ጊዳ ዓአፃ ዓአፑዎ ካአፖ ቢያ ታ ዓዴ ቲቂ ኬኤራንዳኔ፤ ዓአፖ ዓአፓ ካአፖ ጋዓንቲ ሚርጌ ዓአፓንዳጉዲ ቲቂ ቲቂ ገአገሺ ኮሻንዳኔ።

3 ታኣኒ ሃሢ ዒንሢሞ ኬኤዛ ቃኣሎና ሃሢ ዒንሢ ገአገሺ ኮሻንቲዘንሢ።

4 ታኣና ናንጉዎቲ፤ ታኣኒያ ዒንሢና ናንጋንዳኔ፤ ካአፓ ፃጶይዳ ማዒባኣያታቶ ፔ ቶኦኪና ሌሊ ዓአፒ ዓአፓኒ ዳንዳዑዎኣሢጉዲ ዒንሢያ ታኣና ናንገባኣያታቶ ዓአፒ ዓአፓኒ ዳንዳዑዎሴ።

5 «ታኣኒ ዎይኖ ሚያኮ ፃጶሢ፤ ዒንሢ ካአፖኬ፤ ሚርጌ ዓአፒ ዓአፓንዳሢ ታኣና ናንጋሢና ታኣኒያ ዒዛና ናንጋሢ፤ ዓይጎር ጌዔቶ ታ ባኣንቲ ዓይጎ ባኣዚያ ዒንሢ ማዳኒ ዳንዳዑዎኣሢሮኬ።

6 ታኣና ናንጉዎ ካአፓ ዙላ ኬኤራንቲ ማላ ካአፖጉዲኬ፤ ዬካፓ ቡኩሲ፤ ታሚና ሚቺንታንዳኔ።

7 ታኣና ዒንሢ ናንጌቲ ሃሢ ታ ቃኣላ ጋዓ ጎይፃዎ ዒንሢ ናንጋቶ ዒንሢ ኮዔ ባኣዚ ሸኢቄቲ ዴንቃንዳኔ።

8 ሚርጌ ዓአፒ ዒንሢ ዓአፓኣና ታ ዓዴ ቦንቺንታኔ፤ ዬያይዲፃና ታኣኮ ገንፃ ሃንታዘንሢ ማዒፃ ዒንሢ ዔርዘኔ።

9 ዓዴ ታና ናሽኬሢጉዲ ታኣኒያ ዒንሢ ናሽኬኔ፤ ዬያር ታ ናሹሞና ናንጉዎቲ።

10 ታኣኒ ታ ዓደኮ ዓይሢፃ ኩንሢሢና ዒዛኮ ናሹሞናኣ ናንጌሢጉዲ ዒንሢያ ታ ዓይሢፃ ኩንሢቶ ታ ናሹሞና ናንጋንዳኔ።

11 «ሃያ ታ ዒንሢሞ ኬኤዛሢ ታ ዎዛዴሢጉዲ ዒንሢ ዎዛዳንዳጉዲ ሃሢ ዒንሢኮዎ ዎዛ ዴኤፒ ማዓንዳጉዲኬ።

12 ታ ዓይሢፃ ታ ዒንሢ ናሽኬሢጉዲ ዒንሢያ ዎሊ ናሽካንዳጉዲኬ።

13 ዓሲ ፔኤኮ ሹምፓሢ ፔ ላጌ ዛላ ዓኣሢ ዒንጋያይዳፓ ባሻ ናሹሞ ባኣሴ።

14 ዒንሢያ ታኣኒ ዒንሢ ዓይሢሢ ኩንሢቶ ታኣኮ ላጌኬ።

15 ዓይሌ ፔ ጎዳ ማዳ ባኮ ዔሩዎኣሢሮ ሃይካፓ ሴካ ታ ዒንሢ ታ ዓይሌ ጌይንዲዎሴ፤ ጋዓንቲ ታ ዓደይዳፓ ታ ዎይዜ ባኮ ቢያ ዒንሢሞ ፔጋሲ ዔርዘሢሮ ታ ዒንሢ ታኣኮ ላጌ ጌዔኔ።

15:12 ዮሃ. 13:34፤ 15:17፤ 1ዮሃ. 3:23፤ 2ዮሃ. 5።

16 ታ ዲንሢ ደኦሬያፓዓቴም ዲንሢ ታና ደኦሬባኣሴ፤ ዴንዲ ዲንሢ ማርጌ ዓኣፒ ዓኣፓንዳጉዲ፣ ዲንሢከ ዓኣፓኣ ናንጋያ ማዓንዳጉዲ፣ ታ ዲንሢም ቢታንቶ ዲንጌ። ዴያሮ ታ ሱንፆና ዲንሢ ሺኢቃሢ ቢያ ዓዴ ዲንሢም ዲንጋንዳ።

17 ዓካሪ ታ ዲንሢ ዓይሣሢ ዋሊ ዲንሢ ናሽካንዳጉዲኬ» ጌዔ።

ዓጫ ዲዛ ዓሶ ዲፃንዳሢ ዛሎ ዩሱሴ ኬኤዜሢ

18 ሄሊሳዖ ዩሱሴ፡- «ዓጫ ዲንሢ ዲፃቶ ዲንሢከ ቤርታ ታና ዲፃሢ ዔሩዋቴ፤

19 ዲንሢ ዋንዴ ዓጮሮ ማዔያታቶ ዓጫ ፔኤም ማዔሢ ዔሪ ዲንሢ ናሽካንዳፓታንቴኬ፤ ዓጮም ዲንሢ ማዒባኣሢሮና ታ ዲንሢ ሃሣ ዓጮፓ ዲማሲ ደኦሬሢሮ ዓጫ ዲንሢ ዲፃ።

20 ዓይሢንቴ ማዲሢ ፔኤኮ ጎዳሢዳፓ ባሹዋሴ ጌይ ታ ዲንሢም ኬኤዜሢ ጰቂሱዋቴ፤ ታና ዔያታ ዲፃ ዳኬያታቶ ዲንሢያ ዔያታ ዲፃ ዳካንዳ፤ ታኣኮ ቃኣሎ ዔያታ ካፔያታቶ ዲንሢከዋ ቃኣሎ ካፓንዳ።

21 ታና ሎፓ ዳኬሢ ዖናታቴያ ዔያታ ዔሩዋኣሢሮ ታ ዛሎሮ ዩያ ቢያ ዔያታ ማዲንዳ።

22 ታኣኒ ሙኪ ዔያቶም ዋንዴ ኬኤዚባኣያታቴ ጎሜ ዔያቶከ ማዓዓታንቴ፤ ሃሢ ዔያታ ፔኤኮ ጎሞ ዛሎ ጵ ዔሪባኣሴ» ጋዓንዳ ባኣዚ ባኣሴ።

23 ታና ዲፃሢ ታ ዓዶ ዲፃ፤

24 ሜሌ ዓሲ ማዲባኣ ማዶ ዔያቶከ ባኣካ ታ ማዲባኣያ ማዔቶ ጎሜ ዔያቶከ ማዲንዲዋያታንቴ ሃሢ ሃያ ፆኦሲ ዋልቁና ማዲንቴ ዓኮ ባኮ ዔያታ ዛጌ፤ ጋዓንቴ ታናንታ ታ ዓዶንታ ዔያታ ዲፃ።

25 ዩይ ያዲ ማዔሢ፡- «ዔኤቢ ታ ፑርቴሴ ባኣዚ ባኣንቴ ታና ዲፃ፤ ጌይንቴ ዔያቶከ ዋጎይዳ ፃኣፒንቴ ቃኣላ ኩማንዳጉዲኬ።

26 «ጋዓንቴ ዓዶይዳፓ ኬሰካያ ሃሢ ታኣኒያ ዓዶ ኮራፓ ዳካንዳ፣ ጎኩም ዔርዘ ዓያሮ ማዔ፣ ደዲሻሢ ሙካዖ ታ ዛሎ ዲ ማርካዲንዳ።

27 ዲንሢያ ቤርታፓ ዓርቃዖ ታኣና ዋላ ዓኣሢሮ ታኣም ዲንሢ ማርካዲንዳ።» ጌዔ።

16

1 ይካገሃሃ ሆሃ ዩሱሴ፦ «ዓካሪ ሃይሾ ሃያ ቢያ ታ ዒንሢሞ ኬኤዛሢ ዒንሢሢ ደቢንቱዋጉዲ ጌይኬ።

2 ዓይሁደ ዓሶኮ ቡኪንቶ ቤዛገ ዒንሢሢ ኬሲ ዳውሶንዶኔ፤ ዩካገ ሀሃ ሃሃ ዒንሢሢ ዋዳሢ ቢያ ያኦሲም ኮሺ ማዴያ ማዒ ፓይዲንታንዳ ዋዴ ሙካንዳኔ።

3 ዬያ ዔያታ ማዳንዳሢ ዓደንታ ታናንታ ዔሩዋአሢሮኬ።

4 ሃያ ታ ዒንሢሢ ኬኤዛሢ ዋዳ ሄለዛ ታ ዒንሢሢ ዓይጎ ጌዔቴያ ዒንሢሢ ጳቂሃንዳጉዲኬ።

ዓያኖ ጌኤዥ ማዶ

«ሃያ ባኮ ቤርታ ታ ዒንሢሢ ኬኤዚባአሢ ታኣኒ ዒንሢሢ ዋለ ዓአሢሮኬ» ጌዔኔ።

5 ዩሱሴ ሃሃ፦ «ታና ዳኬሢ ባንሢ ታ ዳንዳንዳኔ፤ ጋዓንቴ ዒንሢሢ ደገ ሕኤኒ ዓንኮ ዓአዲይ?» ጌይ ታና ያኦጫንዳያ ባአሴ።

6 ማዔቶዋ ሃያ ቢያ ታ ዒንሢሢ ኬኤዜሢሢሮ ዒንሢሢ ሲና ያዩ ማሊሢና ኩማኔ።

7 ታኣኒ ጋዓንቴ ጎኔ ዒንሢሢ ጋዓኔ፣ ታኣኮ ዓአዲፃ ዒንሢሢ ማአዳንዳያኬ፤ ዋይቲ ጌዔቶ ታኣኒ ዓአዲባአያታቴ ዒንሢሢ ደዲሻሢ ዒንሢሢ ኮራ ሙካዓኬ፤ ታኣኒ ዓአዳቴ ጋዓንቴ ዬያ ዒንሢሢ ኮራ ታ ዳካንዳኔ።

8 ዩይ ሙኬ ዋደና ጎማ ዛለ፣ ሂሉዋ ዛለና ሃሃ ያኦሲ ዋጋንዳ ዋጎ ዛሎዋ ዓሶም ኬኤዛንዳኔ።

9 ጎዋ ዛሎሮ ኬኤዛንዳሢ ታና ዔያታ ጉሙርቁዋአሢ ጎማ ማዔሢኬ፤

10 ሂሉዋ ዛሎሮ ኬኤዛንዳሢ ታኣኮ ዓደ ባንሢ ዓአዲያና ሃይካገ ሴካ ዒንሢሢ ታና ዛገንዲዋአሢ ዛሎኬ፤

11 ዋጊያ ዛሎ ኬኤዛንዳሢ ሃያ ዓጮ ዋይሃ ፃላሄ ፑርታና ዋጊንቴሢ ዛሎኬ።

12 «ሃገ ታ ዒንሢሢ ኬኤዛንዳ ሚርጌ ባአዚ ዓአኔ፤ ጋዓንቴ ሃሢ ዒንሢሢ ደኤፃንዳኔ፤

13 ጎኑዋ ዔርዛ ዓያና ሙኬ ዋደና ጎኑዋ ባንሢ ዒንሢሢ ዔኪ ዓአዳንዳኔ፤ ዓይጎሮ ጌዔቴ ዬይ ኬኤዛንዳሢ ዒ ዋይዜሢ ማዓንዳኣገዓቴም ፔ ቶኦካገ ዔኪቱዋሴ። ዒዚ ሴካ ቤርቲም ማዓንዳ ባኮ ኬኤዛንዳኔ።

14 ታ ጊዳገ ዔኪ ዒንሢሢ ኬኤዛንዳሢ ታና ዒዚ ቦንቻንዳኔ።

15 ዓደሮ ማዔ ባካ ቢያ ታኦሮኬ፤ ታ ጊዳገ ዔኪ ዒንሢሢ ኬኤዛንዳኔ ታ ዒንሢሢ ጌዔሢ ዩያሮኬ» ጌዔኔ።

ዩሱሴ ጊንጾ ሃንታዞንሢኪ ጾዪፃ ዎዛና ለአሚንታንዳሢ

16 ሃሣ ዩሱሴ ኬኤዛጾ፡- «ዳካ ዎዪኮ ጊንጾ ታና ዒንሢ ዴንቁንዲዎሴ፤ ጊንሣ ዳካ ዎዪኮ ጊንጾ ታና ዒንሢ ዴንቃንዳኔ» ጌዔኔ።

17 ዒዛኮ ጊንጾ ሃንታዞንሢዳፓ ፔቴ ፔቴዞንሢ፡- «ሃይ «ዳካ ዎዪኮ ጊንጾ ታና ዴንቃንዳኔ፤ ጊንሣ ዳካ ዎዪኮ ጊንጾ ታና ዒንሢ ዴንቃንዳኔ፤ ሃሣ ሌካ ዓዶ ባንሢ ታ ዓኣዳንዳኔ» ኑሞ ጌይንታ ባካ ዓይጌንዴዳይ?» ዎሊ ኮይላ ጌዔኔ።

18 ሃሣ ዔያታ፡- «ዓካሪ ሃይ «ዳካ ዎዪኮ ጊንጾ» ጌይንታ ባካ ዓይጌንዴዳይ? ዩይ ኑሞ ዔርታ ባኣዚቱዎሴ» ጌዔኔ።

19 ዩሱሴ ዔያታ ዒዛ ጾኦጫኒ ማላሢ ዔራጾ፡- «ዒንሢ ዎሊ ጾኦጫሢ «ዳካ ዎዪኮ ጊንጾ ታና ዒንሢ ዴንቁዲዎሴ፤ ጊንሣ ዳካ ዎዪኮ ጊንጾ ታና ዒንሢ ዴንቃንዳኔ» ታ ዒንሢሞ ጌዔሢሮዳ?»

20 ጎኔ ታ ዒንሢሞ ጋዔ፤ ዒንሢ ዩኤካንዳኔ፤ ዓጫ ጋዓንቴ ዎዛዳንዳኔ፤ ዒንሢ ጾያንዳኔ፤ ጋዓንቴ ዒንሢኪ ጾዪፃ ዎዛና ለአሚንታንዳኔ።

21 ለኣሊ ሸዓ ዎዶና ቆፃ ቆፃጾና ሜታዳኔ፤ ሸዔሢኪ ጊንጾ ጋዓንቴ ዓጫይዳ ናይ ሸይንቴሢሮ ዎዛፓ ዔቄያና ዒዛ ፔኤኮ ቤርታኣ ሜታሢ ዎላ።

22 ዩያጉዲ ዒንሢ ሃሢ ጾያንዳኔ፤ ለሚ ታ ዒንሢ ጊንሣ ዛጋንዳኔ፤ ዒናኣ ዒንሢኪ ዎዛዳንዳኔ፤ ዒንሢኪ ዎዛዎ ዒንሢዳፓ ዔካንዳይ ባኣሴ።»

23 «ዩናና ዒንሢ ዓይጎዎ ታና ጾኦጫካ፤ ጎኔ ታ ዒንሢሞ ጋዔ፤ ታ ዓዶ ታ ሱንጾና ዒንሢ ሸኢቆቶ ቢያ ባኣዚ ዒንሢሞ ዒ ዒንጋንዳኔ።

24 ሃሢ ሃይማ ሄላንዳኣና ዓይጎ ባኣዚያ ታ ሱንጾና ዒንሢ ሸኢቆባኣሴ፤ ሸኢቆዎቴ ዒንሢ ዔካንዳኔ፤ ዎዛኣ ዒንሢኪ ኩሙሢ ማዓንዳኔ።»

25 «ሃና ሄላንዳኣና ኮኣኪንሢና ታ ዒንሢሞ ኬኤዜኔ፤ ዓካሪ ሃካፓ ሴካ ኮኣኪንሢና ታ ዒንሢሞ ኬኤዚንዲዎ ዎዪ ሙካንዳኔ፤ ጋዓንቴ ዓዶ ዛሎ ቢያ ባኣዚ ፔጋሲ ታ ዒንሢሞ ኬኤዛንዳኔ።

26 ዩናና ዒንሢ ታ ሱንጾና ሸኢቆንዳኔ፤ ታኣኒያ «ታ ዓዶ ዒንሢሞ ሸኢቆንዳኔ» ጌይንዲዎሴ።

27 ዓይጎር ጌዔቶ ዓዶ ፔ ቶኦኪና ዒንሢ ናሸካሢሮኬ፤ ዓዶ ዒንሢ ናሸካሢ ዒንሢ ታና ናሸኬሢሮና ጾኦሲ ኮራፓ ታ ሙኬያ ማዔሢ ዒንሢ ጉሙርቆሢሮኬ።

28 ታ ዓዶ ኮራፓ ሃያ ዓጫ ታ ሙኬኔ፤ ጊንሣ ሃሣ ሃያ ዓጫ ሃሺ ሌካ ዓዶ ባንሢ ታ ዓኣዳንዳኔ» ዔያቶሞ ጌዔኔ።

29 ዲዛኮ ጊንጾ ሃንታዘንሚያ፡- «ሃይሾ፡ ሃሢ ኔ ኮክኪንሚናቱዋንቴ ፔጌና ኑም ከኤዛኔ፤

30 ኔኤኒ ቢያ ባኣዚ ዔራያታሢ ሃሃ ያኒኒያ ኔና ያኦጫኒ ኮይሱዋኣሢ ኑ ሃሢ ዔሬኔ፤ ዩያሮ ያኦሲ ኮራፓ ኔ ሙኩሢ ኑ ጉሙርቃኔ» ጌዔኔ።

31 ዩሱሴ ዔያቶም፡- «ሃሢ ዒንሢ ጎኔ ታና ጉሙርቄኔ ጌይጾዳ?

32 ጋባንቴ ዒንሢ ፔቴ ፔቴሢ ዒንሢሮ ዒንሢሮ ዣኣሊ፡ ታና ታኣሮ ሃሻንዳ ዋጄ ሙካንዳኔ፤ ዩና ዋዳ ሃሢከ፤ ጋባንቴ ዓዴ ታኣና ዋላ ዓኣሢሮ ታ ታኣሮ ሌሊ ማዓዓከ።

33 ሃያ ታ ዒንሢም ከኤዛሢ ዒንሢ ታኣና ዋላ ማዔም ዋዛ ዒንሢኮ ዓኣያ ማዓንዳጉዲ ጌይከ፤ ዓጮይዳ ዒንሢ ዓኣንቴ ማታ ዓኣኔ፤ ጋባንቴ ዒጊጨፖቴ፡ ታኣኒ ዓጮ ባሼኔ» ጌዔኔ።

17

ዩሱሴኮ ሺኢጲጾ

1 ዩሱሴ ዩያ ከኤዜሢኮ ጊንጻ ሌካ ጫሪንጮ ባንሢ ዛጋጾ ሂዚ ጌይ ሺኢቄኔ፡- «ታ ዓዳሢዮ! ሃይሾ ዋዳ ዓካሪ ሄሌኔ፤ ናዓሢ ኔኤኮ ኔና ቦንቻንዳጉዲ ኔኤኮ ናዓሢ ቦንቹ፤

2 ኔ ዒዛ ቦንቻንዳሢኣ ኔኤኒ ዒዛሮ ማሂ ዒንጌሢም ቢያ ናንጊና ናንጊ ሹምፖ ዒ ዒንጋንዳጉዲ፡ ዓሶ ቢያሢ ዑፃ ቢታንቶ ኔ ዒንጌሢሮከ።

3 ናንጊና ናንጎ ሹምፖ ጌይፃ፡- ኔኤሮ ሌሊ ጎኔ ያኦሲ ማዔሢ፡ ኔናንታ ኔኤኒ ዳከ፡ ዩሱሴ ኪሪሰቶሴያ ዔሪሢከ።

4 ኔኤኒ ታኣም ዒንጌ ማዶ ኩንሢ ሳጾይዳ ታ ኔና ቦንቹኔ።

5 ታ ዓዳሢዮ! ዓጫ ማዢንታንዳሢኮ ቤርታ ኔኤና ዋላ ታኣኮ ዓኣ ቦንቹ ጎይጾ ሃሢ ኔ ኮራ ታና ቦንቹሴ።

6 «ዓጫይዳፓ ዶኦሪ ኔ ታኣም ዒንጌ ዓሶም ኔኤኮ ያኑም ታ ፔጋሲ ከኤዜኔ፤ ዔያታ ኔኤሮከ፤ ኔኤኒ ዔያቶ ታኣም ዒንጌኔ፤ ዔያታኣ ኔ ቃኣሎ ካፔኔ፤

7 ኔ ታኣም ዒንጌ ባካ ቢያ ኔ ጊዳፓ ማዔሢ ዔያታ ሃሢ ዔሬኔ።

8 ኔ ታኣም ዒንጌ ቃኣሎ ታ ዔያቶም ዒንጌኔ፤ ዔያታኣ ዩያ ዔከኔ፤ ኔ ኮይላፓ ታ ሙኩሢያ ጎኔና ዔያታ ዔሬኔ፤ ሃሃ ኔ ታና ዳከሢ ጉሙርቄ ዔያታ ዔከኔ።

9 «ታኣኒ ሃሢ ሺኢቃሢ ዔያቶሮከ፤ ሃንሢ፡ ኔኤኒ ዒንጌዘንሢ ኔኤሮ ማዔሢሮ ዔያቶ ዛሎ ታ ሺኢቃኣፓዓቱም ሃያ ዓጮሮ ማዔ ዓሶም ታ ሺኢቄዎሴ።

10 ታኣም ማዕሚ ሲያ ኔኤርከ፤ ዬያጉዲ ሃሣ ኔኤም ማዕሚያ ታኣርከ፤ ታኣኒያ ዔያቶና ቦንቸንጉቴ።

11 ታኣኒ ሃይፓ ሴካ ዓጮይዳ ናንጊንዲቦሴ፤ ዔያታ ጋዓንቴ ዓጮከ። ታኣኒ ኔ ኮይላ ሙካኒከ፤ ጌኤዠ ዓዳሢዮ! ሃንሢ ኔ ታኣም ዒንጌዘንሢ ኑ ፔቴ ማዕ ሳይፆ ዔያታኣ ፔቴ ማዓንዳጉዲ ታኣም ኔኤኒ ዒንጌ፥ ኔ ሱንፆና ዔያቶ ካፔ። *

12 ታኣኒ ዔያቶና ዋላ ዓኣ ዎደና ኔ ታኣም ዒንጌ ኔ ሱንፆና ታ ዔያቶ ካፔ፤ † ዬያር ጻጸፒንቴ፥ ፆኦሲ ቃኣላ ኩማንዳጉዲ ዬያ ባይሲንቶ ናዓሢዳፓ ዓታዛ ፔቴታፆ ዔያቶይዳፓ ፆኦኒያ ባይቀባኣሴ።

13 ሃሢ ታኣኒ ኔ ኮራ ሙካኒከ፤ ታኣኒ ዓጮይዳ ዓኣፆ ዬያ ከኤዛሢ ታ ዎዛዳሢጉዲ ዔያታኣ ሚርጌና ዎዛዳንዳጉዲከ።

14 ታኣኒ ኔኤኮ ቃኣሎ ዔያቶም ዒንጌ፤ ታኣኒ ዓጮፓቱዎኣሢጉዲ ዔያታኣ ሃሣ ዓጮፓቱዎሴ፤ ዬያር ዓጮ ዔያቶ ዒፃ።

15 ፑርታፓ ዔያቶ ኔ ካፓንዳጉዲ ማዓንዳኣፓዓቴም ዓጮይዳፓ ዙላ ኔ ዔያቶ ከሳንዳጉዲ ታ ኔና ሺኢቁዎሴ።

16 ታኣኒ ሃያ ዓጮፓቱዎኣሢጉዲ ዔያታኣ ሃያ ዓጮፓቱዎሴ።

17 ኔኤኮ ሳኑምና ዔያቶ ኔኤም ዲማሴ፤ ኔኤኮ ቃኣላኣ ሳኑምከ።

18 ኔኤኒ ታና ዓጮ ባንሢ ዳከሢሢጉዲ ታኣኒያ ዔያቶ ዓጮ ዳከ።።

19 ዔያታ ሳኔና ኔኤም ዲማዴያ ማዓንዳጉዲ ታኣኒ ታ ቶኦኮ ዔያቶ ጋቴ ዲማሴ።።

20 «ሃሢ ታ ኔና ሺኢቃሢ ሃንሢ፥ ዔያቶ ዛሎር ሌሊቱዎንጉቴ ዔያታ ማርካዳ ቃኣሎ ዛሎና ታና ጉሙርቃንዳ ዓሰንታም ዋላከ።

21 ታ ኔና ሺኢቃሢ ሲያሢ ዋላ ፔቴ ማዓንዳጉዲከ፤ ዬያጉዲ ሃሣ ዓዳሢዮ! ኔኤኒ ታኣና ዋላ ፔቴ ማዕሚጉዲ ታኣኒያ ኔኤና ዋላ ፔቴ ማዕሚጉዲ ዔያታኣ ኑኡና ዋላ ፔቴ ማዓንዳጉዲከ፤ ሃሣ ኔኤኒ ታና ዳከያ ማዕሚያ ዓጮ ጉሙርቃንዳጉዲከ።

22 ኑኡኒ ፔቴ ማዕሚ ሳይፆ ዔያታኣ ዋላ ፔቴ ማዓንዳጉዲ ታኣም ኔኤኒ ዒንጌ ቦንቸ ታ ዔያቶም ዒንጌ።።

23 ታኣኒ ኔና ሺኢቃሢ ታኣኒ ዔያቶና፤ ኔኤኒያ ታኣና ማዕሚጉዲ ዔያታኣ ጉቤና ፔቴ ማዓንዳጉዲከ፤ ሃሣ ኔኤኒ ታና ዳከሢሢ ኔ ታና ናሽከሢሢ ዔያቶዎ ኔኤኒ ናሽካሢ ዓጮ ዔራንዳጉዲከ።።

* 17:11 ታኣም ኔኤኒ ዒንጌ ኔ ሱንፆና ዔያቶ ካፔ፡- ጋዓዛ ፔቴ ፔቴ ሚናኣ ማፃኣፓ «ታኣም ኔኤኒ ዒንጌዘንሢ ሲያ ኔ ሱንፆና ኔ ዔያቶ ካፔ» ጋዓ። † 17:12 ኔ ታኣም ዒንጌ ኔ ሱንፆና ታ ዔያቶ ካፔ፡- ጋዓዛ ፔቴ ፔቴ ሚናኣ ማፃኣፓ «ኔ ታኣም ዒንጌዘንሢ ሲያ ኔ ሱንፆና ታ ካፔ» ጋዓ። 17:12 ዓይኑ. 41:9፤ የሃ. 13:18።

24 «ታ ዓዳሂሩ! ዓጫ ማዢንቱዋንቴ ኔ ታና ናሽኬሂረ ታአም ኔኤኒ ዒንጌ ቦንቾ ዔያታ ዛጋንዳጉዲ ሃንሂ፥ ኔ ታአም ዒንጌዘንሂ ታአኒ ዓኣ ቤዘይዳ ታአና ዋላ ዔያታ ናንጋንዳጉዲ ታ ኮዓኔ።

25 ዒሎ ዓዳሂሩ! ዓጫ ኔና ዔሪባኣሴ፤ ታአኒ ጋዓንቴ ኔና ዔሬኔ፤ ሃንሂያ ሃሃ ኔ ታና ዳኬሂ ዔሬኔ።

26 ኔኤኒ ታና ናሽኬ ናሹዋ ጎይፆ ዔያታ ዋሊ ናሽካንዳጉዲ ሃሃ ታአኒያ ዔያቶና ማዓንዳጉዲ ገንሃ ሃሃ ዔያታ ኔና ዔራንዳጉዲ ታ ዔያቶ ማሄኔ፤ ዬና ጎይፆ ቃሲ ቃሲ ታ ማዳንዳኔ» ጌዔኔ።

18

ዬሱሴኮ ዋርኮና ዓዲንቲፆ
(ማቴ. 26:47-56፤ ማር. 14:43-50፤ ሉቃ. 22:47-53)

1 ዬሱሴ ዬያ ጌዔሰካፓ ዒዛኮ ገንፆ ሃንታዘንሂና ዋላ ቁድሮኦኔ ዋሮ ሱኮ ዳንዳፆ፥ ዒኢካ ቱኮና ሚፆ ዓኣ ቤዘ ዔያቶና ዋላ ጌሌኔ።

2 ዔያታ ዬና ቤዘሎይዳ ቢያ ዋዴ ቡከንታያ ማዔሂ ዓኣሂ ዒንጋ፥ ዪሁዳ ዔራያከ።

3 ዬያሮ ዪሁዳ ፖኦሊሶንታ ቁኤሶኮ ሱኡጎና ፔርሴ ዓሶናም ዓይሂንቲ ማዳሰከንሂንታ ዔኪ ዬና ቤዘሎ ሙኬኔ፤ ዔያታ ዒማና ፓናሴ ጌይንታ ፖዓ ባኮንታ ኩሻንታ ፖዒሲ ሃሃ ፆልዚ ዓንጋዋዋ ዔኪ ዬዔኔ።

4 ዬሱሴ ዒዛ ሄላንዳ ባኮ ቢያ ዔራፆ ዔያቶ ባንሂ ዓኣዲ፡- «ፆና ዒንሂ ኮዓይ?» ጌዔኔ።

5 ዔያታ ማሃፆ፤ «ናዚሬቴ ካታዋ ዓሂ፥ ዬሱሴ ኦ ኮዓኔ» ጌዔኔ። ዬማና ዒዚ ዔያቶም፡- «ዬይ ታናኬ» ጌዔኔ። ዓኣሂ ዒንጋ፥ ዪሁዳ ዬያ ሙኬ ዓሶና ዋላ ዔቂ ዓኣኔ።

6 ዬሱሴ፡- «ዬይ ታናኬ» ዔያቶም ጋዓዛ ገንሂም ዳንዲ ዔያታ ሎኦኔ።

7 ዬሱሴ ሃሃ፡- «ፆና ዒንሂ ኮዓይ?» ጌይ ለሚ ዔያቶ ፆኦጫዛ፥ ዔያታ፡- «ናዚሬቴ ካታዋ ዓሂ፥ ዬሱሴ ኦ ኮዓኔ» ጌዔኔ።

8 ዒዚ ዔያቶም፡- «ታናኬ ታ ዒንሂም ጌዔኔ፤ ዓካሪ ዒንሂ ታና ኮዓፆ ማዔቶ ሃኣቶ ሃሹዋቴ፥ ዔያታ ዳንደም» ጌዔኔ።

9 ዬይ ያዲ ማዔሂ፡- «ታ ዓዳሂሩ! ኔ ታአም ዒንጌ ዓሶይዳፓ ፔቴታፆ ታ ባይዚባኣሴ» ጌዔ ቃኣላ ኩማንዳጉዲከ።

10 ዒማና ሲሞኦኔ ጎፆ ጳዒርሴ ጩንቻ ዓፓሮ ዓርቁሂረ ቱገ ቁኤሶኮ ሱኡጋሂም ዓይሂንቲ ማዳሂኮ ዋዮ ቆዒ ቲቁኔ፤ ዬያ ዓይሂንቲ ማዳሂኮ ሱንፆ «ማልኮሴ» ጌይንታኔ።

11 ዩሱሴ ጋዓንቴ ጳዳርሴ ኮራ፡- «ዓፓር ኔኤኮ ጎንጎኖይዳ ዳኬ፤ ዓዳ ታኣም ዒንጌ፥ ሃያ ማታሢ ታ ዒካኑዋያ ኔኤም ማላ?» ጌዔኔ።

ዩሱሴ ቁኤሶኮ ሱኡጋሢ ሃና ቤርቶ ሺኢኬሢ

12 ዩካፓ ፖኦሊሶንሢንታ ዔያቶ ዓይሣሢንታ ሃሣ ዓይሁዶ ዓሶም ዓይሢንቴ ማዳዘንሢንታ ዋላ ማዒ ዩሱሴ ዓርቁ ሱሲና ቱኬኔ።

13 ዩያይደሰካፓ ቤርታሲ ቃያፓኮ ባይሲ፥ ሃና ኮራ ዔኪ ዔያታ ዓኣዳኔ፤ ቃያፓ ዩኖ ሎዎ ቁኤሶኮ ሱኡጋሢ ማዒ ዓኣኔ።

14 ቃያፓ ቤርታ፡- «ፔቴ ዓሲ ዳሮ ዛሎሮ ሃይቁቶ ኮሺኬ» ጌይ ዓይሁዶኮ ዋይሣ ዓሶ ዘሬሢኬ።

**ጳዳርሴ «ዩሱሴ ታ ዔሩዋሴ» ጌዔሢ
(ማቴ. 26:69-70፤ ማር. 14:66-68፤ ሉቃ. 22:55-57)**

15 ሲሞኦኔ ጌይንታ ጳዳርሴንታ ሃሣ ማሌ ዩሱሴኮ ጊንዖ ሃንታሰኬያንታ ዩሱሴኮ ጊንዖ ዓኣዳኔ፤ ዩይ ማሌ ዩሱሴኮ ጊንዖ ሃንታሢ ቁኤሶኮ ሱኡጋሢና ዋላ ዔርታሢሮ ዩሱሴና ዋላ ቁኤሶ ሱኡጋሢኮ ዲሮ ጋሮ ጌሌኔ።

16 ጳዳርሴ ዒማና ማርሾ ካራ ዔቁ ዓኣንቴ ዩይ ቁኤሶኮ ሱኡጋሢና ዔርታ፥ ዩሱሴኮ ጊንዖ ሃንታሢ ሙካዖ ካሮ ካፓ ዉዲሮ ናዔሎም ኬኤዚ ዒዛ ጋሮ ጌልዜኔ፤

17 ዩና ካሮ ካፓ ዉዲሮ ናዔላ ጳዳርሴ ኮራ፡- «ኔኤኒ ሃያ ዓሢኮ ጊንዖ ሃንታዘንሢሢንታ ፔቴሢቱዋዓዳ?» ጋዓዛ፥ ዒዚ ጋዓንቴ «ታ ዒዛቱዋሴ» ጌዔኔ።

18 ዩማና ጨኢሺ ጨኢሺካያታሢሮ ዓይሢንቴ ማዳዘንሢንታ ዲሮ ጋሮ ካፓዘንሢንታ ዒኢካ ታሚ ዔኤሢ ካሽታንቴ፥ ጳዳርሴያ ዔያቶና ዋላ ዔቁ ካሽታኔ።

**ቁኤሶኮ ሱኡጋሢ ዩሱሴ ዖኦጮ ዖኦጪዖ
(ማቴ. 26:59-66፤ ማር. 14:55-64፤ ሉቃ. 22:66-71)**

19 ዒማና ቁኤሶኮ ሱኡጋሢ ዩሱሴ ኮራ ዒዛኮ ጊንዖ ሃንታዘንሢንታ ዒዛኮ ዔርዚያና ዛሎ ዖኦጮኔ።

20 ዩሱሴ ዒዛም፡- «ታኢ ዓሲም ቢያ ፔጌና ኬኤዜኔ፤ ዓይሁዶ ዓሳ ቢያ ቡኪንታ ቤዘይዳ ማዔቶዋ ጌኤኮ ማኣሮይዳ ቢያ ኬሊ ታ ዔርዛ ዋዶና ዓኣቶ ታ ኬኤዜ ባኣዚ ዓይጌያ ባኣሴ፤

21 ዓካሪ ኔ ሃሢ ዓይጎሮ ታና ዖኦጮይ? ታ ኬኤዛንቴ ዋይዜ ዓሶ ዖኦጮ፤ ታ ኬኤዜ ባኮ ዔያታ ዔራኔ» ጌዔኔ።

22 ዩሱሴ ዬያ ጋዓዛ ዒኢካ ዔቁ ዓኣ፡ ዓይሢንቲ ማዳዘንሢ ዳገፓ ፔቲሢ፡- «ቁኤሶኮ ሱኡጋሢም ኔ ሂዚ ጌይ ማሃ?» ጌይ ዩሱሴ ባዔኔ።

23 ዩሱሴ ማሃ፡- «ፑርታ ባኣዚ ታ ከኤዜያ ማዔቶ ዬኖ ፑርቴሎ ታኣም ከኤዜ፤ ታኣኒ ከኤዜ ባካ ፒዜ ማዔቶ ኔ ታና ዓይጎር ባዔይ?» ዒዛ ኮራ ጌዔኔ።

24 ዬካፓ ሃና ዩሱሴ ሱዞና ቱኡቴ ጎይሣ ዓኣንቴ ቁኤሶኮ ሱኡጋሢ ቃያፓ ኮራ ዳኬኔ።

ጳዕደርሴ ዩሱሴ ላሚ «ታ ዔሩዋሴ» ጌዔሢ
(ማቴ. 26:71-75፤ ማር. 14:69-72፤ ሉቃ. 22:58-62)

25 ዒማና ሲሞኦኔ ጎዎ ጳዕደርሴ ዔቁ ታሞ ካሸታንቴ ሚሌ ዓሲሰከንሢ ሃሣ፡- «ኔኤኒ ዩሱሴኮ ጊንዖ ሃንታዘንሢ ዳገፓ ፔቲሢቱዋዳ?» ጋዓዛ፡ ዒዚ፡- «ታ ዒዛቱዋሴ» ጌዔኔ።

26 ጳዕደርሴ ዋኖ ተቁ ዓሢኮ ዒጊኒ ማዔያ ሃሣ ቁኤሶ ሱኡጋሢኮ ዓይሢንቲ ማዳዘንሢ ዳገፓ ፔቲሰኬይ፡- «ዬኖ ቱኮና ሚፃ ዓኣ ቤዜሎይዳ ታ ኔና ዔያቶና ዋላ ዓኣንቴ ዴንቁባይ?» ዒዛ ኮራ ጌዔኔ።

27 ጳዕደርሴ ላሚ ሃሣ፡- «ታ ዒዛ ዔሩዋሴ» ጌዔኔ፤ ዬማና ኔጉዋዎ ኮይዳ ቁኣቁኔ።

ዩሱሴኮ ጳላዖሴ ቤርቶ ሺኢኪዖ
(ማቴ. 27:1-2፤ 11-14፤ ማር. 15:1-5፤ ሉቃ. 23:1-5)

28 ዬካፓ ዩሱሴ ዔያታ ቃያፓ ማኣራፓ ዔኪ ሮሚ ዓጮ ዋይሣሢ ማኣሪ ዔኪ ዓኣዴኔ፤ ዬና ዋዳ ጉቴ ዓሚናኬ፤ ዓይሁዶ ዓሳ ዑሣ ዓኣዲዖ ቦንቾ ከሎና ሙዖ ሙዓኒ ዔያቶ ኮይሳሢር ዔያቶ ዒኢሱዋጉዲ ጌይሢና ዓጮ ዋይሣሢኮ ማኣር ዲር ጋር ጌሊባኣሴ።

29 ዬያር ዓጮ ዋይሣ፡ ጳላዖሴ ዔያቶ ባንሢ ኬሰካዖ፡- «ሃያ ዓሢ ዑፃ ዒንሢ ሺኢሻ ጌኤዛ ዓይጌንዴዳይ?» ጌይ ዔያቶ ዖኦጮኔ።

30 ዔያታ ማሃ፡- «ሃይ ዓሢ ፑርታ ማዲባኣ ዓሲ ማዔቶ ኔኤም ኑ ዒዛ ዓኣሢ ዒንጋዓታንቴኬ» ጌዔኔ።

31 ጳላዖሴያ፡- «ዒንሢ ዒንሢር ዒዛ ዔኪ ዓኣዲጋፓ ዒንሢ ዋጎ ጎይዖ ዒዛ ዑፃ ዋጉዋቴ» ዔያቶም ጋዓዛ፡ ዓይሁዶኮ ዋይሣ ዓሳ፡- «ኑኡኒ ዓሲ ዋዲኒ ቢታንቶ ኑኡኮ ባኣሴ» ጌዔኔ።

32 ዬይ ያዲ ማዔሢ ዩሱሴ ዋዚጉዴ ሃይቢና ሃይቃንዳቴያ ከኤዚንቴ ቃኣላ ኩማንዳጉዲኬ።

33 ጲላዎሴ ገንሣ ማዒ ፔ ጋሮ ጌላዎ ዩሱሴ ዔኤሊ፡- «ኔኤኒ ዓይሁዶ ዓሶኮ ካኣቲዳ?» ጌይ ዖኦጩኔ።

34 ዩሱሴ ማሃዎ፡- «ኔኤኒ ዩያ ጋዓሢ ኔ ቶኦካፓ ዔኪሞ? ማሌ ዓሳ ታ ዛሎ ዩያ ኔኤሞ ከኤዜሞዳይ?» ዒዛ ኮራ ጌዔኔ።

35 ጲላዎሴ ዒማና፡- «ታኣኒ ኔ ኮራ ዓይሁዳ ዓሲ ማላ? ኔና ዓኣሢ ዒንጌዘንሢ ኔኤኮ ፃጵና ቁኤሶኮ ሱኡጎናኬ፤ ኔኤኒ ማጴ ባካ ዓይጌንዴዳይ» ዩሱሴ ኮራ ጌዔኔ።

36 ዒዚ ማሃዎ፡- «ታ ካኣቲማ ሃያ ዓጫፓቱዋሴ፤ ታ ካኣቲማ ሃያ ዓጫፓታቶ ዓይሁዶ ዓሶኮ ዎይሣ ዓሶ ኩጫ ታ ዓርቂንቱዋጉዲ ታኦም ዓይሢንቲ ማዳዘንሢ ታ ዛሎ ሄኤዶ ያልቲያ ናንዳንቲኬ፤ ጋዓንቲ ታ ካኣቲማ ሃያ ዓጫፓቱዋሴ» ጌይ ማሄኔ።

37 ጲላዎሴያ፡- «ሂዳቶ ኔ ካኣቲኬ ጌይሢዳ?» ዒዛ ኮራ ጋዓዛ፡ ዩሱሴ ማሃዎ፡- «ሂዮ፡ ኔ ታና ጌዔሢጉዴያኬ፤ ታኣኒ ሾይንቲሢና ሃያ ዓጫ ሙኪሢ ጎኑሞ ዛላ ማርካዳኒኬ፤ ጎኑሞይዳፓ ማዔሢ ቢያ ታኣኮ ዑኡዞ ዋይዛኔ» ጌይ ማሄኔ።

38 ጲላዎሴ ዒማና፡- «ጎኑሞ ዓይጌንዴዳይ?» ጌዔኔ። ዩካፓ ላሚ ሃሣ ዓይሁዶ ዓሶ ባንሢ ኬሰኪ ዔያቶም፡- «ታኣኒ ሃያ ዓሢኮ ዓይጎ ፑርታ ባኣዚያ ዴንቁባኣሴ፤

39 ጋዓንቲ ዒንሢኮ ዔርቲሢ ጎይዎ ዑሣ ዓኣዲዎ ቦንቾ ኬሎና ቢያ ዎዴ ፔቲ ቱኡቲ ዓሲ ታ ዒንሢሞ ቡላያኬ፤ ዩያር ሃሢ ዓይሁዶ ዓሶኮ ካኣታሢ ታ ዒንሢሞ ቡላንዳጉዲ ዒንሢ ኮዓ?» ጌዔኔ።

40 ዔያታ ጋዓንቲ፡- «ዩያቱዋንቲ ባርባኔ ኦሞ ቡላ!» ጌይ ጌይ ዒላቲኔ። ባርባኔ ጎሣሢ ካይዚ ጌሌ፡ ሱላኬ።

19

ፖኦሊሳ ዩሱሴ ቦሢ ሺሬሢ (ማቲ. 27:27-32፤ ማር. 15:15-21)

- 1 ዩካፓ ጲላዎሴ ዩሱሴ ዔኪ ጳርቂሴ።
- 2 ዒማና ፖኦሊሶንሢ ካኣታ ቶኦካ ዓጋ ባኮ ማሊሲ ዓንገሢ ማራዎ ዩሱሴኮ ቶኦካ ዓጌኔ፤ ዙቁ ዲንኪ ዓፒላኣ ዔያታ ዒዛ ማይሴ።
- 3 ዩያይዴሰካፓ ዔያታ ዒዛ ባንሢ ሙኪ ሙኪ ዒዛ ቦሢሢና፡- «ዓይሁዳ ካኣቲዮ! ኮሹሞ ኔኤሞ ማዎንጎ!» ጌይ ጌይ ሃሣ ዒዛ ባዒያ ባዔኔ።
- 4 ጲላዎሴ ገንሣ ዙሎ ኬሰካዎ፡- «ሃይሾ፡ ታ ዓይጎ ዳቢንቲያ ዒዛይዳ ዴንቁባኣሢ ዒንሢ ዔራንዳጉዲ ዒዛ ታ ዒንሢሞ ኬሳንዳኔ» ዔያቶ ኮራ ጌዔኔ።

5 ዓመና ዩሱሴ ዬኖ ዓንጊያ ማሮናዛ ቶኦካ ዓጊ፡ ዘቄ ማኣዓሢያ ማይንቲ ዙሎ ኬሰኬኔ፤ ጲላያሴ ዓሶም፡- «ዓካሪ ዓሢ ሃይሾ!» ጌዔኔ።

6 ቄኤሶኮ ሱኡጎና ዔያቶም ዓይሢንቲ ማዳዘንሢና ዩሱሴ ዴንቃ፡- «ሱፃ! ሱሱፃ!» ጌይ ጌይ ዒላታዛ፡ ጲላያሴ ጋዓንቲ፡- «ታኣኒ ታ ዛሎና ዓይጎ ዳቢንቲያ ዒዛይዳ ዴንቁባኣሴ፤ ዒንሢ ኮዔቶ ዒዛ ዔኪ ዓኣዲጋፓ ሱፀዋቲ» ዔያቶም ጌዔኔ።

7 ዓይሁዶ ዓሳ ዓመና፡- «ኵኩ ዋጌ ዓኣኔ፤ ሃይ ዓሢ ፔና ያኦሲ ናይ ማሄሢሮ ኑ ዋጎ ጎይያና ሃይቢ ዒዛም ኮይሳኔ» ጌዔኔ።

8 ዬያ ቢያ ጌኤዘ ዋይዜሢኮ ጊንፃ ጲላያሴ ሚርጌና ዒጊጨኔ፤

9 ዓመና ሃሣ ጊንሣ ዒ ጋሮ ጌላያ ዩሱሴ ኮራ፡- «ኔ ዓንካፓዳይ?» ጌይ ያኦጨዛ፡ ዩሱሴ ጋዓንቲ ዓይጎዋ ዒዛም ማሃ ኬኤዚባኣሴ።

10 ዬያሮ ጲላያሴ፡- «ኔ ታኣም ኬኤዙዋይ? ታ ኔና ቡላኒ ሃሣ ሱፃኒያ ቢታንቶ ታኣኮ ዓኣሢ ኔ ዔሩዋዓዳ?» ዒዛ ኮራ ጌዔኔ።

11 ዩሱሴ ማሃ፡- «ያኦሲዳፓ ኔኤም ቢታንቶ ዒንጊንቲባኣያ ማዔቶ ታ ዑያይዳ ኔኤኮ ዓይጎ ቢታንቶዋ ናንጋዓታንቲኬ፤ ኔኤም ዓኣሢ ታና ዒንጌሢኮ ባሼ ጎሜ ማዓንዳኔ» ጌዔኔ።

ዩሱሴ ሃይቃንዳጉዲ ዋጊንቲሢ
(ማቲ. 27:15-31፤ ማር. 15:6-20፤ ሉቃ. 23:13-25)

12 ዬያ ዩሱሴ ጌሰቲ ባኮ ጲላያሴ ዋይዘያ ቡሊ ዒዛ ሃሻኒ ኮዓዛ፡ ዓይሁዶ ዓሳ ጋዓንቲ፡- «ሃያ ዓሢ ኔ ቡሌቶ ኔኤኒ ሮሜ ዓጮ ካኣቲኮ ላጌቱዋሴ፤ ዓይጎሮ ጌዔቲ ፔና ካኣቲ ማሃሢ ቢያ ሮሜ ካኣቲኮ ሞርኬ ማዓያኬ» ጌይ ጌይ ዒላቲኔ።

13 ጲላያሴ ዬያ ዋይዘያ ዩሱሴ ካሮ ባንሢ ኬሲ፡- «ዳልጎ ፓልዒንቲ ሹጨሢ» ጌይንታ ቤዘይዳ ዓኣ፡ ዋጎ ዋጎ ያይታ ዴዔኔ፤ ዬና ቤዘላ ዔብሪ ዓሶ ሙኡጮና «ጋባታ» ጌይንታኔ።

14 ዬና ኬሌላ ዑሣ ዓኣዲያ ቦንቾኮ ጊኢጊንቶ ኬሊ ማዓዛ፡ ዬማና ዓባ ሳዛ ጨርጋያኬ፤ ዓመና ጲላያሴ ዓይሁዶ ዓሶ ኮራ፡- «ሃይሾ፡ ዒንሢኮ ካኣቲ!» ጌዔኔ።

15 ዔያታ ጋዓንቲ፡- «ባይዜ! ባባይዜ! ሱፃ!» ጌዒ ጌዒ ዒላታዛ፡ ጲላያሴ ማሃ፡- «ዒንሢኮ ካኣቲ ታ ሱያንዶ?» ዔያቶ ኮራ ጌዔኔ፤ ቄኤሶኮ ሱኡጋ ዒመና፡- «ሮሜ ዓጮ ካኣቲዳፓ ዓታዛ ሜሌ ካኣቲ ኵኩ ባኣሴ» ጌይ ዒዛም ማሄኔ።

16 ዬማና ዩሱሴ ሱፃንታንዳጉዲ ጲላያሴ ዓኣሢ ዔያቶም ዒንጋዛ፡ ፖኦሊሳ ዩሱሴ ዔኪ ዴንዴኔ።

ዩሱሴኮ ሱፃንቶ
(ማቲ. 27:32-44፤ ማር. 15:21-32፤ ሉቃ. 23:26-43)

17 ዩካፓ ዩሱሴ ዒ ሱዲንታንዳ፣ ፑርቲሴ ዓሶ ሱዶ ሚያ ኬዲ «ቶኦኪ ሚጌሢ ማላ ቤሲ» ጌይንታ ቤዞ ኬሰኬኔ፤ ዩና ቤዘላ ዔብሪ ዓሶ ሙኡጮና «ጎልጎታ» ጌይንታ።

18 ዩኖ ቤዘይዳ ዔያታ ዒዛና ዎላ ላምዎ ዓሲ፤ ፔቲሢ ሻውሎ ዛላ ፔቲሢ ሚዛቆ ዛላ ማሢ ዩሱሴ ባኣካ ሱዳ።

19 ጲላዎሴ ዒማና፡- «ዓይሁዶ ካኣታሢ፣ ናዚሬቶ ዓጮ ዓሢ፣ ዩሱሴ» ጋዓያ ጻኣፒ ፑርቲሴ ዓሶ ሱዶ ሚያ ዑፃ ጌሢ።

20 ዩሱሴ ሱዲንቲ ቤዛ ካታሞኮ ዑኬ ማዔሢር ሚርጌ ዓይሁዶ ዓሳ ዩኖ ጻኣፒ ጌሦናዘ ናባቤኔ፤ ዩና ጻኣፒንቲሢ ዔብሪ ዓሶ ሙኡጮና ላኣቲኔ ሙኡቺና ሃሣ ጊንሣ ጊሪኬ ሙኡቺናኬ።

21 ዓይሁዶ ዓሶኮ ቄኤሶ ሱኡጋ ጲላዎሴ ኮራ፡- «ኔኤኒ ዓይሁዴ ካኣቲኬ» ጌይ ጻኣፒ፣ «ሃይ ዓሢ ታኣኒ ዓይሁዴ ካኣቲኬ ጋዓኔ» ጌይ ጻኣፒ» ጌዔ።

22 ጲላዎሴ ጋዓንቲ፡- «ታኣኒ ጻኣፒሢ ማይ ጻኣፒ ሃሼኔ» ጌይ ማሢ።

23 ፖኦሊሶንሢ ዩሱሴ ሱዳሰካፓ ዎዶዞ ቦንቾ ማኣዓሢ ሌሊ ዓታዛ ዒዛኮ ሃንጎ ዓፒሎ ዔኪ ፔቲ ፔቲ ፖኦሊሶም ሄላንዳፕዲ ዎይዶ ቤሲ ፓቄ፤ ጋዓንቲ ዩና ቦንቾ ዓፒሌላ ጊኢጊሺ ሲከንቲባኣያ ሎፓ ሉ ሄላንዳኣና ፔቲ ማዒ ኮሺንቲ ዓፒላኬ፤

24 ዩያር ፖኦሊሶንሢ፡- «ዩና ዓፒሌላ ዎኦም ሄላንዳቲያ ዒፃ ኑ ዓጋንዳኔ፤ ኑ ዳዳርዚንዲዎሴ» ዎሊ ኮይላ ጌዔ። ዩይ ያዲ ማዔሢ፡-

«ታኣኮ ዓፒሎ ዔያታ ጊሸቲ፤ ታኣኮ ፔቲ ማሢ ሲኮና ዓፒሎይዳ ዳማሲ ዔር ባኮ ዔያታ ዓጌ።»

ጌይንቲ ማፃኣፖ ቃኣላ ከማንዳፕዲ ፖኦሊሳ ዩና ዓጎ ባኮ ዓጌ።

25 ዩሱሴ ሱዲንቲ፣ ፑርቲሴ ዓሶ ሱዶ ሚያ ኮይሎይዳ ዒዛኮ ዒንዶና ዒንዶ ጌርና ቄሌዮጳ ጎዎሢ ማቾ ማይራሞና ሜግዴላ ዓጮ ማይራማኣ ዔቁ ዓኣኔ፤

26 ዩሱሴ ዒዛኮ ዒንዶና ዒ ናሽካ ዒዛኮ ጊንዎ ሃንታዞንሢ ዒዛ ኮይሎይዳ ዔቁ ዓኣሢ ዛጋዎ ዒንዶ ኮራ፡- «ዒንዴ! ሃይሾ፣ ኔኤኮ ናዓሢ!» ጌዔ።

27 ዩካፓ ዒዛኮ ጊንዎ ሃንታዞንሢ፡- «ኔኤኮ ዒንዳ ሃናሾ!» ዒዛም ጌዔ፤ ዩማፓ ዒዛኮ ጊንዎ ሃንታዞንሢ ማኣሪ ዒዞ ዔኪ ዓኣጴ።

ዩሱሴኮ ሃይሶ
(ማቲ. 27:45-56፤ ማር. 15:33-41፤ ሉቃ. 23:44-49)

28 ዩካፓ ዩሱሴ ቢያ ባካ ኩሜሢ ሌራዎ ማጻጸፊያ ጻፈገገቴ ቃኣላ ኩማንዳጉዲ «ታና ጳኤቤኔ» ጌዔኔ።

29 ዩሮ ቤዘይዳ ፔቴ ሶልኪ፣ ገኢጉዋ ዑሺ ኩንሢ ጌሦና ሜሄ ዓኣኔ፤ ዩያሮ ዲኢካ ዓኣ ዓሳ ዩያ ዑዠይዳ ዓፒላ ቱርጫ ማላ ባኣዚ ባገ ዋኦሺ ማላ ሚሢና ዔኪ ጳንጎ ባንሢ ዑኪሳዛ።

30 ዩሱሴ ዩሮ ዑዠሎ ፀ-ንጻሰካፓ፡- «ዓካሪ ኩሜኔ» ጋዓዖ፣ ቶኦኮ ዛላሲ ፔ ሸምፓሢ ዓኣሢ ዲንጌኔ።

ዩሱሴኮ ጎኦቦ ዋርዖና ጫርጎናሢ

31 ዩያ ባኮኮ ገንገፓ ዓይሁዶኮ ዋይሣ ዓሳ ሱዲንቴ ዓሶኮ ዘኦሎ ሚንሢ፣ ሱዖና ሚዖይዳፓኣ ዔያቶ ኬይሳንዳጉዲ ጲላዖሴ ኮራ ሺኢቄኔ፤ ዩያ ዔያታ ሂዴሢ ዓይሁዶ ዓሶኮ ሃውሾ ኬሎም ገኢገገቴ ኬሊ ማዔሢር ሃሣ ዩና ኬሌላ ጳኤፒ ቦንቾ ኬሊ ማዔሢር ዔያቶኮ ሃውሾ ኬሎና ለዘ ሱዖና ሚዖይዳ ዴዑዋጉዲኬ።

32 ዩያሮ ፖኦሊሶንሢ ዴንዲ ዩሱሴና ዋላ ሱዲንቴ ዓሶንሢኮ ዘኦሎ ሚንሢ፤

33 ዩካፓ ዩሱሴ ባንሢ ዔያታ ሙካዖ ዲዚ ቤርታዲ ሃይቄያ ማዔሢ ዛገ ዘኦሎ ዲዛኮ ዔያታ ሚንሢባኣሴ።

34 ጋዓንቴ ፖኦሊሶንሢዳፓ ፔቴሰኬይ ዲዛኮ ጎኦቦ ዋርሢና ጫርጋዛ ቤዘማና ጎኦባፓ ሱጉሢና ዋኣሢና ኬሰኬኔ።

35 ዩያ ዛጌሢ ዲንሢ ጉሙርቃንዳጉዲ ማርካጳኔ፤ ማርካታኣ ዩይ ጎኔኬ፤ ዲ ኬኤዜ ባካ ጎኔ ማዔሢ ዲዚ ዔራኔ።

36 ዩይ ያዲ ማዔሢ ማጻጸፊያ፡- «ዲዛኮ ሚጌፓፓ ፔቴታዖ ሚቃዓኬ» ጌይንቴሢ ኩማንዳጉዲኬ።

37 ሃሣ ሚሌ ማጻጸፊያ፡- «ዲዛ ጫርጌዘንሢ ሃገ ዲዛ ዛጋንዳኔ» ጋዓኔ።

ዩሱሴኮ ዲኡኪንቶ

(ማቴ. 27:57-61፤ ማር. 15:42-47፤ ሉቃ. 23:50-56)

38 ዓይሁዶ ዓሶኮ ዋይሣ ዓሶ ዲገጪሢና ዩሱሴ ዓሲ ዲ ማዔሢ ዔርዙዋዖ ናንጋ፡ ዓርማቴያሴ ዓጮ ዓሢ፣ ዮሴፔ ዩሱሴኮ ለዘ ዔካኒ ጲላዖሴ ኮራ ሺኢቃዛ፣ ጲላዖሴ ዲዛ ዔኮንጎ ጌዔኔ፤ ዩያሮ ዮሴፔ ዴንዲ ለዘ ዔኬኔ።

39 ሃያኮ ቤርታ ዲሞና ዩሱሴ ኮራ ሙኬ፣ ኒቆዲሞሴ ጎዖሢ ደንገታሚ ዶሎዜ ማዓንዳ ካርቤ ዋላንጎና ዋላ ሲኤሪ ዔኪ ሙኬኔ።

19:28 ዓይኦ. 69:21፤ 22:15። 19:36 ኬሲ. ማጻ 12:46፤ ፓይ. ማጻ 9:12፤ ዓይኦ. 34:20፤ ዛካ. 12:10፤ ዮሃ. ዖፔዳ 1:7። 19:39 ዮሃ. 3:1-2።

40 ዩንሢ ላምዎ ዓሶንሢ ዩሱሴኮ ሌዞ ዔኪ ዓይሁዶ ዓሳ ሃይቄ ዓሶ ሱኡዳ ጎይዎ ሳውቃ ቲሽና ቲሽኪ ሻኣዝ ዓፒላና ዒዛ ሱኡዳ።

41 ዩሱሴ ሱዲንቴ ቤዘይዳ ፔቴ ሚሢ ቱኮና ቤሲ ዓኣኔ፤ ዩኖ ቤዘሎይዳ ዎኣኒያ ዱኡቲባኣ ዓኪ ዱኡፒ ዔቴ ዓኣኔ።

42 ዩና ከላ ዓይሁዶ ዓሶኮ ሃውሾ ከሎም ገኢገንቶ ከሌ ማዔሢሮ ሃሣ ገንሣ ዱኡፖ ቤዛኣ ዑኩ ማዔሢሮ ዩሱሴ ዔያታ ዒኣካ ዱኡከኔ።

20

ዩሱሴኮ ሃይባፓ ዔቂዎ

(ማቲ. 28:1-8፤ ማር. 16:1-8፤ ሉቃ. 24:1-12)

1 ዉዴ ከሌ ጉቴ ዓሚ ደማ ሚኢሪ ማግዳላ ዓጮ ማይራማ ዩሱሴኮ ዱኡፖ ቤዘ ዴንዴኔ፤ ዒኣካ ዒዛ ሃላዎ ዱኡፖ ዔቶ ካሮ ዎድና ሹጫሢ ዱኡፖ ዔቶ ካራፓ ኮላዲ ዓኣንቴ ዴንቄ።

2 ዩያሮ ዒዛ ሰሞኦኔ ገይንታ ጳዲሮሴና ዩሱሴ ዒዛ ናሽካዎ ማዔ፣ ሜሌ ዒዛኮ ገንዎ ሃንታሢና ኮራ ጳሽኪ ዴንዳዎ፡- «ጎዳ ዱኡፖይዳፓ ቱጊ ዔኮናኔ፤ ዓንካ ዒዛ ገሦናቴያ ኑ ዔሩዋሴ» ገዔ።

3 ዩማና ጳዲሮሴና ሃንጎ ዩሱሴኮ ገንዎ ሃንታሢና ዎላ ከሰካዎ ዱኡፖ ቤዘ ዴንዴ።

4 ዒማና ላምዎንሢ ዎላ ጳሽከኔ፤ ጋዓንቴ ባጋሢ ጳዲሮሴ ጳሽኪ ቢራዎ፣ ቤርታዲ ዱኡፖ ቤዘ ሄሌ።

5 ሂርኪ ገይ ዒዚ ዱኡፖ ዔቶ ዛጋዎ፣ ዩሱሴ ሱኡዶና ዓፒላ ሌሊ ዓኣንቴ ዴንቄ፤ ጋዓንቴ ዒ ዔቶ ጋሮ ገለባኣሴ።

6 ዩካፓ ሰሞኦኔ ጎዎ ጳዲሮሴ ገንዎ ሙኪ ዒኣካ ሃላዎ፣ ዱኡፖ ዔቶ ጋሮ ገሌኔ፤ ዒዚያ ዩሱሴ ሱኡዶና ዓፒላ ሌሊ ዓቲ ዓኣንቴ ዴንቄ፤

7 ዩሱሴኮ ቶኦኮ ማሮና ቱርጫ ሃንጎ ዑዎ ሱኡዶና ቱርጫና ዎላቱዋንቴ ዱማዲ ሜሌ ቤሰካ ቁሪንቲ ዓኣንቴ ዒ ዴንቄ።

8 ዩካፓ ሃሣ ዩይ ቤርታ ሄሌ፣ ዩሱሴ ገንዎ ሃንታሢ ዱኡፖ ዔቶ ገሊ ዛጋዎ ዩይ ጎኔ ማዔሢ ጉሙርቄ።

9 ዒማና፡- «ሃይባፓ ዒዚ ዔቃንዳያ ኮይሳኔ» ጋዓ ገኤዝ ማፃኣፖ ቃኣሎ ዔያታ ማሊ ጳቂሢ ዔሪባኣያኩ።

10 ዩካፓ ዩንሢ ላምዎ ዩሱሴ ገንዎ ሃንታዘንሢ ማዒ ፔ ማኣሪ ዓኣዴ።

ዩሱሴ ማግዳላ ዓጮ ማይራሞዎ ጳዴሢ

(ማቲ. 28:9-10፤ ማር. 16:9-11)

11 ዲማና ማግደላ ዓጮ ማይራማ ዩኤኪ ዩኤኪ ዱኡፖ ኮይላ ዓቂቁ ዓኣዖ፡ ሂርኪ ጌይ ዱኡፖ ዔቶ ጋር ዛጌኔ።

12 ዒዛ ዛጋንቴ ዩሱሴኮ ሌዛ ዓኣ ቤዘይዳ ቦኦሬ ማኣዖ ማይንቴያ፡ ላምዖ ኪኢ ታንቸሰከንሂ ፔቴ ከር ከዴ ፔቴሂ ቶኮ ዛላ ዴዒ ዓኣንቴ ዒዛ ዴንቄኔ።

13 ዩንሂ ማይራሞ ኮራ፡- «ዔና! ዓይጎር ኔ ዩኤካይ?» ጋዓዛ፡ ዒዛ ማሃዖ፡- «ታ ጎዳሂ ሃካፓ ዔኮናኔ፤ ዓንካ ጌሦናቴያ ታ ዔራቆሴ» ጌዔኔ።

14 ዩያ ዒዛ ጋዓዖ ገንሂሞ ሺሪ፡ ዩሱሴ ዓቂቁ ዓኣንቴ ዴንቄኔ፤ ጋዓንቴ ዩይ ዩሱሴ ማዔሂ ዒዛ ዔሪባኣሴ።

15 ዩሱሴ ዒዛ ኮራ፡- «ዔና ኔ ዓይጎር ዩኤካይ? ሃሃ ኔ ዖና ኮዓይ?» ጌዔኔ፤ ዒዛም ዩይ ዓሂ ሚዖ ቱኮና ቤዛ ማዳ ዓሲ ማሌሂር፡- «ጎዳሂዮ! ኔኤኒ ዒዛ ዔኬቴ ዎካ ኔ ዒዛ ጌሄቶ ሃዳራ ታኣም ከኤዜ፤ ታኣኒ ዒዛ ዔካንዳኔ» ጌዔኔ።

16 ዲማና ዩሱሴ፡- «ማይራሜ» ዒዛ ኮራ ጋዓዛ፡ ዒዛ ዒዛ ባንሂ ሺራዖ ዔብሬ ዓሲ ሙኡቺና «ሬቡኒ» ጌዔኔ፤ ዩኖኮ ቡሊዖ «ዔርዛሂዮ!» ጌይሂከ።

17 ዩሱሴ ዒዛም፡- «ሃገ ታኣኒ ሌካ ታ ዓዶ ባንሂ ከሰኪባኣሂር ታና ዓርቂፖ፤ ጋዓንቴ ታ ጌርሲንሂ ኮራ ዓኣዲጋፓ ታኣኒ ሌካ ታ ዓዶና ዒንሂ ዓዶና ባንሂ፤ ሃሃ ታ ጎዳ ማዔ ያኣዛሂና ዒንሂኮዎ ጎዳ ማዔ ያኣዛሂ ባንሂ ታ ዔውታንዳኔ ጌዔኔ» ጌይ ዔያቶም ከኤዜ» ጌዔኔ።

18 ዩያር ማግደላ ዓጮ ማይራማ ዩሱሴኮ ገንዖ ሃንታዘንሂ ኮይላ ዴንዳዖ ጎዳ ዒዛ ዛጌሂና ዒዚ ዒዛም ጌዔ ባኮዎ ዔያቶም ከኤዜኔ።

**ዩሱሴ ዒዛኮ ገንዖ ሃንታዘንሂም ጴዴሂ
(ማቴ. 28:16-20፤ ማር. 16:14-18፤ ሉቃ. 24:36-49)**

19 ዩኖ ዉዶ ከሎ ዎንቶ ዩሱሴኮ ገንዖ ሃንታዘንሂ ዓይሁደኮ ዎይሃ ዓሶ ዒጊጩሂር ካር ፔኤኮ ዑፃ ዎዲ ጋራ ቡኪንቴ ዓኣንቴ ዩሱሴ ዔያታ ቡኪንቴ ዴዒ ዓኣ ማኣሬሎ ጌላዖ ባኣካ ዔያቶኮ ዔቂ፡- «ኮሹሞ ዒንሂሞ ማዖንጎ!» ዔያቶም ጌዔኔ።

20 ዩያ ጋዓዖ ፔኤኮ ኩጮንታ ጎኦባንታ ዔያቶ ዳዋዛ፡ ዔያታ ጎዳ ዛገ ሚርጌና ዎዛዳኔ።

21 ዩካፓ ዩሱሴ ላሚ ሃሃ፡- «ኮሹሞ ዒንሂሞ ማዖንጎ! ታ ዓዴ ታና ዳኬሂጉዲ ታኣኒያ ዒንሂ ዳካኔ» ዔያቶም ጌዔኔ።

22 ዩያ ጌይ ዔያቶ ዑፃ ዑኡዛዖ፡- «ዓያና ጌኤሺ ዔኩዎቴ፤

23 ዲንሢ ዓሳኮ ጎሞ ዓቶም ጌዔቶ ዔያቶም ዓቶም ጌይንታንዳኔ፤ ዓሳኮ ጎሞ ዲንሢ ዓቶም ጌይባኣቶ ጎማ ዔያቶኮ ዓቶም ጌይንታዓኬ» ጌዔኔ።

ዬሱሴና ቶኦማኣሴና ጌሰቴ ባኮ

24 ዬሱሴ ዒዛኮ ጊንፆ ሃንታዞንሢ ኮይላ ሙኬ ኬሌሎ ታጳ ላምዎንሢዳፓ ፔቴሢ፤ ሱንፃ «ሜንቴ» ጌይንታ ቶኦማኣሴ ዔያቶና ዎላ ባኣሴ።

25 ዬያሮ ሃንጎ ጊንፆ ሃንታዞንሢ ቶኦማኣሴ ኮራ፡- «ጎዳ ኑ ዛጊሰካይ!» ጋዓዛ፡ ዒዚ፡- «ዓጩ ዓንጎና ዒዛኮ ጳርቂንቴ ኩጩ ታ ኬሌሎና ሄሊ ዛጉዎዎ ሃሣ ዒዛኮ ጎኦሶ ዲኢደዎ ኩቻ ዓርቂ ዛጉዎዎ ታ ዬያ ጎኔኬ ጋዓዓኬ» ጌዔኔ።

26 ሳሊ ኬሊኮ ጊንፃፓ ዒዛኮ ጊንፆ ሃንታዞንሢ ሃሣ ፔቴ ማኣሪዳ ዓኣንቴ ቶኦማኣሴ ዔያቶና ዎላ ዓኣኔ፤ ዒማና ዔያታ ዓኣ ማኣሮኮ ካራ ዎዲንቴ ዓኣንቴ ዬሱሴ ሙኪ ዔያቶኮ ባኣካ ዔቃዎ፡- «ኮሹሞ ዲንሢ ማዎንጎ!» ጌዔኔ።

27 ዬካፓ ቶኦማኣሴ ኮራ፡- «ሃሊ ሙኪ፡ ኔ ኬሌሎና ታ ኩጩ ካኣሚ ዛጌ፤ ሃሣ ኔ ኩጩና ታ ጎኦሶ ዓርቂ ዛጌ፤ ዓልቴፆ ሃሺ ጉሙርቃ ዓሲ ማዔ» ጌዔኔ።

28 ቶኦማኣሴ ዬማና፡- «ኔ ታኣኮ ጎዳ ሃሣ ያኣዛሢ!» ጌዔኔ።

29 ዬሱሴያ ቶኦማኣሴሞ፡- «ኔ ታና ዛጌሢሮ ጉሙርቂኔ፤ ጋዓንቴ ታና ዛጉዎዎ ጉሙርቃዞንሢ ጋላቴንቴያኬ» ጌዔኔ።

ሃሮ ማፃኣፔሎኮ ማሊፆ

30 ዬሱሴ ሃሮ ማፃኣፖይዳ ፃኣፒንቴባኣ ሚርጌ ያኦሲ ዎልቄና ማዲንታ ዓኪ ባኣዚ ዒዛኮ ጊንፆ ሃንታዞንሢ ቤርታ ማዳኔ፤

31 ጋዓንቴ ዬሱሴ ያኦሲ ናይ ሃሣ ሚሲሄ ማዔሢ ዲንሢ ጉሙርቃንዳጉዲና ጉሙርቂ ዔኪ ዒዛ ሱንፆና ናንጊና ናንጊ ሹምፖ ዲንሢ ዴንቃንዳጉዲ ሃይ ፃኣፒንቴኔ።

21

ዬሱሴ ዒዛኮ ጊንፆ ሃንታ ላንካዎንሢ ጳዴሢ

1 ዬካፓ ዬሱሴ ዒብራዶሴ ጌይንታ ባዞ ዓጫ ዒዛኮ ጊንፆ ሃንታዞንሢ ላሚ ሃሣ ጳዴኔ፤ ዒ ዬካ ዔያቶም ጳዴሢ ሂዲኬ፡-

2 ሲሞኦኔ ጌይንታ ጳደርሴ፡ ሱንፃ «ሜንቴ» ጌይንታ ቶኦማኣሴ፡ ጌሊላ ዓጮኮ ቃናፓ ናቴና ዔኤሌ፤ ሃሣ ዜብዲኮሶና ኣቶንሢ ሚሊ ላምዎ ዒዛኮ ጊንፆ ሃንታሰኬንሢንታ ዎላ ዓኣንቴ፡

20:23 ማቴ. 16:19፤ 18:18።

3 ሲሞክኔ ጌይንታ ጳደርሴ ዔያቶ ኮራ፡- «ሞሎ ዓርቃኒ ታ ዓኣዳንዳኔ» ጋዓዛ፡ ዔያታ ሃሣ፡- «ኮኡኒያ ኔኤና ሞላ ዓኣዳንዳኔ» ጌዔኔ፤ ዩካፓ ዔያታ ኬሰኪ ዓኣዲ ዋኣዖና ፒንቆ ጎንጎይዳ ዓይዖር ጌሌኔ፤ ጋዓንቴ ዬኖ ዋንቴሎ ፔቴ ሞሎታ? ዔያታ ዓርቁባኣሴ።

4 ዚሮ ጉቴሎ ሳዓ ካራዛ ዬሱሴ ዬኖ ባዜሎ ዓጫ ዔቁ ዓኣንቴ ዒዛኮ ጊንዖ ሃንታዞንሣ ዬይ ዬሱሴ ማዔሣሣ ዔሪባኣሴ።

5 ዒማና ዬሱሴ፡- «ዔዛታ! ሞላ ዒንሣ ኮራ ዓኣ?» ጋዓዛ፡ ዔያታ ማሃዖ፡- «ፔቴታዖ ኑ ኮይላ ባኣሴ» ጌዔኔ።

6 ዒዚ ዔያቶም፡- «ሞላሣ ዓርቆ ርኦጮ ማላ ሱዞ ዋኣዖና ፒንቆ ጎንጎኮ ሚዛቆ ዛሎና ዓጉዋቴ፡ ዒንሣ ዳንቃንዳኔ» ጌዔኔ። ዬያር ሞላሣ ዓርቆ ሱዞ ባዘይዳ ዔያታ ዓጌኔ፤ ዬማና ሚርጌ ሞላ ዓርቁንቴሣረ ዬኖ ሞላሣ ዓርቆ ርኦጮ ማላ ሱዜሎ ጎቻኒ ዔያቶ ባሼኔ።

7 ዒማና ዬሱሴ ዒዛ ናሽካ ዒዛኮ ጊንዖ ሃንታሣ ጳደርሴ ኮራ፡- «ሃይ ጎዳታንቴሞ!» ጋዓዛ፡ ሲሞክኔ ጎዖ ጳደርሴ፡- «ሃይ ጎዳታንቴሞ!» ዬይ ጌዔሣ ዋይዛዖ ማደር ጌይ ማኣዓሣ ፔኤኮ ዒ ኬሲ ዓኣሣረ ዑኩና ሃንጎ ማኣዓሣ ፔኤኮ ማይንቴ ሊካ ባዘይዳ ጰሊ ጌሌኔ።

8 ዓቴ ዬሱሴኮ ጊንዖ ሃንታዞንሣ ጋዓንቴ ጻኣዶ ዓጮይዳፓ ጭኦታ ታኣካ ማዓያ ሃኪ ዋኣዖ ሳዛ ዓኣሣረ ሞላሣ ኩሜ፡ ርኦጮ ማላ ሱዜሎ ጎቹ ጎቹ ዋኣዖና ፒንቆ ጎንጎና ሙከኔ።

9 ዬኖ ጎንጌሎይዳፓ ዔያታ ኬዳዖ ሞሎ ጌዳ ዓጎና ታሚ ቄንሣና ካሣኣ ዳንቄኔ።

10 ዬሱሴ ዔያቶም፡- «ሃሣ ዒንሣ ዓርቁ ሞላሣ ሃኒ ባውዋቴ» ጌዔኔ።

11 ዬያር ሲሞክኔ ጎዖ ጳደርሴ ዋኣዖና ፒንቆ ጎንጌሎ ጋር ጌላዖ ጭኦታና ዶንጊታሚ ሃይሣ ኮሺ ዳኤፒ ዳኤፒ ሞላ ኩሜ፡ ርኦጮ ማላ ሱዜሎ ሳዖ ባንሣ ጎቹኔ፤ ዬያጉዳ ሚርጌ ሞሎ ዓርቁቶዋ ዬና ሞላሣ ዓርቆ ርኦጮ ማላ ሱዜላ ዲጲባኣሴ።

12 ዩካፓ ዬሱሴ ዔያቶ ኮራ፡- «ሃኒ ሙከሲ ሙዑዋቴ» ጋዓዛ፡ ዬይ ጎዳ ዬሱሴ ማዔሣሣ ቢያሣ ዔሪሣረ ዒዛኮ ጊንዖ ሃንታዞንሣዳፓ ፔቴታዖ፡- «ኔኤኒ ዖናዳይ?» ጌይ ዒዛ ዖኦጫኒ ጫርቄይ ባኣሴ።

13 ዒማና ዬሱሴ ሙካዖ ካሃና ዬያጉዲ ሃሣ ሞላሣና ዔኪ ዔያቶም ዒንጌኔ።

14 ዬሱሴ ሃይባፓ ዔቁሰካፓ ዒዛኮ ጊንዖ ሃንታዞንሣ ዒዛ ዛጋንቴ ዬና ሃይሣሱኔ።

21:3 ሉቃ. 5:5። 21:6 ሉቃ. 5:6።

ዩሱሴና ጳዊሮሴና

15 ዬዮ ሙዖ ሙዔሰካገ ዩሱሴ ሲሞኑኔ ገይነታ ጳዊሮሴ ኮራ:-
«ዮና ናዓሦ፡ ሲሞኑኔ! ሃኣቶይዳገ ኔ ታና ባሼ ናሽካ?» ዒዛ ኮራ
ገዓዛ፡ ዒዚ ማሃዖ:- «ሂዮ፡ ጎዳሂዮ! ታ ኔና ናሽካሂ ኔ ታና ዔራኔ»
ገዔኔ።

ዩሱሴያ ዒዛሞ:- «ዓካሪ ታኣኮ ዔቃሎ ማራናኣቶ ዛጌ» ገዔኔ።

16 ላሚ ሃሣ:- «ዮና ናዓሦ፡ ሲሞኑኔ! ኔ ታና ናሽካ?» ዒዛሞ
ገዓዛ፡ ዒዚ ማሃዖ:- «ሂዮ፡ ጎዳሂዮ! ታ ኔና ናሽካሂ ኔ ታና ዔራኔ»
ገዔኔ።

ዩሱሴ ዒዛሞ:- «ታኣኮ ጎሎጮ ማራናኣቶ ሄንቄ» ገዔኔ።

17 ሃይሣሲ:- «ዮና ናዓሦ፡ ሲሞኑኔ! ኔ ታና ናሽካ?» ዒዛ ኮራ
ገዓዛ፡ ሃይሣሲ:- «ኔ ታና ናሽካ?» ገይ ዒዛ ዖኣጩሂሮ ጳዊሮሴ
ዖያዖ:- «ታ ጎዳሂዮ! ኔኤኒ ቢያ ዔራኔ፡ ታኣኒ ኔና ናሽካሂ ኔ ታና
ዔራኔ» ገዓዛ፡ ዩሱሴ ማሃዖ:- «ታኣኮ ጳኤፖ ማራቶ ሄንቄ፤

18 ጎኔ ታ ኔኤም ገዓኔ፤ ኔኤኒ ጳጌ ዓኣዖ ኔኤኮ ኩርና ቱኡቶ ቃልሾ
ኔ ኩቻ ኔ ቱኪ ኮዔ ቤሲ ዓኣዳኔ፤ ኔ ጋርቻዛ ገዓንቴ ኔኤኒ ኩጮ ለካ
ዔቁሳዛ ማሌ ዓሲ ኔና ቱኡሲ ኔ ኮዒባኣ ቤሲ ኔና ዔኪ ዓኣዳንዳኔ»
ዒዛሞ ገዔኔ።

19 ዬያ ዒ ገዔሂ ጳዊሮሴ ዋማጉዳ ሃይቢና ዖኣሲ ዒ ቦንቻንዳያ
ኮይሳቴያ ዒዛ ዔርዘርኬ፤ ዬካገ ጳዊሮሴ ኮራ:- «ታ ጊንዖ ሙኬ»
ገዔኔ።

ዩሱሴና ማሌ ዒዛኮ ጊንዖ ሃንታሂና

20 ጳዊሮሴ ሺሪ ዩሱሴ ዒዛ ናሽካ፡ ማሌ ዒዛኮ ጊንዖ ሃንታሂ
ዒዛ ጊንዖ ዓኣዳንቴ ዳንቄኔ፤ ዬይ ጊንዖ ሃንታሂ ፔቴና ዔያታ ካሦ
ሙዓኣና ዩሱሴ ባንሂ ዛላዲ ሂርኪ ገዓዖ:- «ጎዳሂዮ! ኔና ዓኣሂ
ዒንገንዳሂ ዖናዳይ?» ገይ ዒዛ ዖኣጩሂኬ።

21 ጳዊሮሴ ዬያ ዛገዖ:- «ጎዳሂዮ! ሃይ ዓሂ ዋይታንዳይ?» ገይ
ዩሱሴ ኮራ ዖኣጩኔ።

22 ዩሱሴ ማሃዖ:- «ታኣኒ ሙካንዳያ ሄላንዳኣና ዒ ሸምፖና
ናንገንዳጉዲ ታ ዒዛ ገዔቶ ኔና ዓይጌ ጌልዜይ? ኔኤኒ ኔኤር ታ
ጊንዖ ሙኬ» ዒዛሞ ገዔኔ።

23 ዬያ ዛሎና ጌርሲንሂ ባኣካ:- «ሃይ ዩሱሴ ጊንዖ ሃንታሂ
ሃይቁንዲዋሴ» ገይነታ ሃይሴ ኬኤዚንቴኔ፤ ገዓንቴ ዩሱሴ:- «ታኣኒ
ሙካንዳያ ሄላንዳኣና ዒ ናንገንዳጉዲ ታ ገዔቶ ኔና ዓይጌ
ጌልዜይ?» ገዓንዳገዓቴም «ኔ ሃይቁንዲዋሴ» ዒዛሞ ገይባኣሴ።

24 ዬያ ባኮ ቢያ ማርካዴሂና ዬንሂ ባኮንሂ ጻኣፕሂ ዒዛ ዬያ
ዩሱሴኮ ጊንዖ ሃንታሂኬ፤ ዒዛኮ ማርካዴጻኣ ጎኔ ማዔሂ ኦ ዔራኔ።

25 ዬሱሴ ማዴ ሜሌ ሚርጌ ባኣዚ ሃሣ ዓኣኔ። ታ ማላ ጎይዖታቱ
ዒዚ ማዴ ባኮ ቢያ ፔቴ ፔቴ ፃኣፒንቲያ ማዔቶ ዬያ ፃኣፒንቲ ማፃኣፖ
ዓጫ ሃይ ፔ ቶኣኪና ዓርቃኒ ዳንዳዒንዳዋያታንቲኩ።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929